

79. NO

ԱԶԳԱՅԻՆ ՄԱՏԵՆԱՇԱՐ

թիւ 4

ՅԱԿՈԲ ՊԱՐՈՆԵԱՆ

# ՀՈՍՔՈՍԻ ՁԵՌԱՏԵՏՐԸ

ԵՒ

ԽԻԿԱՐԻ ԳՈՒԺԱԿՈՒԹԻՒՆՔ

Բ. Տպագրութիւն

Հ Հ

1936

Տպագրան Ն Ե Պ Ա Ս  
Գանիք

18 JUL 2013

23 SEP 2008

ԱԶԳԱՅԻՆ ՄԱՏԵՆԱՇԱՐ

թիւ 4

ՅԱԿՈԲ ՊԱՐՈՒԵԱՆ

# ՀՈՄՔՈՍԻ ԶԵՐԱՏԵՏՐԸ

ԵՒ

ԽԻԿԱՐԻ ԳՈՒՅԱԿՈՒԹԻՒՆՔ

Բ. Տպագրութիւն

ՀԱՅ

1936

Տպարան Ն Ե Պ Ա Ս  
Գահիք



3018-2008

## ՄԵՐ ՄԱՏԵՆԱՇԱՐԸ

Կը ձեռնարկեմ հասարակելու մեր ամսահ երգի-  
ծաբանին՝ Յուկոր Պարոնեանի «Հոսհոսի Չեռատեսրը» և  
«Խիկարի Գուշակուրիւնք»ը:

Առաջին անգամ այս երկու գործերը իրեւ զիրք  
հասարակուած են Թիֆլիս, 1892 թուին: Անկէ եսք,  
Պոլսոյ կամ արտասահմանի մէջ, լոյս տեսած չեն աղեւս  
եւ բոլորովին անծանօթ են մեր հասարակուրեան: Այս  
բանկագին ու հազուագիւս գործերն են որ կը ներկա-  
յացնեմ այսօր մեր ընթերցողներուն:

Ներկայ հատորին պիտի յաջորդին ուրիշ երեք հատո-  
ւեր եւս.— «Պտոյս մը Պոլսոյ բազերուն մէջ», «Քաղա-  
քավարութեան վճասները» եւ «Ծիծաղ», որոնց մէջ Պա-  
րոնեանի երգիծանքը կը հասնի իր կարելի նրբութեան եւ  
կատարելութեան:

Վսան ենք որ, այս առքիւ եւս, ընթերցող հասա-  
րակուրիւնք պիտի չզլանայ մեզի իր բազալերանին ու  
խրախոյսը:

ՀՐԱՏԱՐԱԿԻՁԸ

## ԻՄ ԶԵՐԱՏԵՏՐՍ

Պարոննե՛ր, այս վերնագիրը կարդալով չկարծէք,  
թէ սնանկացած վաճառական մըն եմ և կուղամ հա-  
շիւներս հասարակութեան ներկայացնելու։ Պատիւ  
ունիմ յայտարարելու, որ կեանքիս մէջ վաճառական  
եղած չեմ երբեք և լինելու ալ տրամադրութիւն չու-  
նիմ, վասն զի խիղճս չի ներեր մէկ ու կէս ոսկւոյ  
ուրիշի վաճառել այն ապրանքը, զոր ես մէկ ոսկւոյ  
գնած եմ։

Առանց վաճառական լինելու, որոշեցի սակայն  
ձեռատետր մը ունենալ, անոր մէջ նշանակել օրուան  
դէպքերը և երբեմն, այս դէպքերուն առթիւ, մահա-  
նացուներու թերութիւններուն վրայ ծիծաղիլ։ Թո՛ղ  
Հերակղիտի աչքերէն հոսած արտասուքով գետեր ձե-  
ւանան, թո՛ղ ազգային բանաստեղծներ եփրատն ու  
Տիգրիսը Հայաստանի երկու աչքեր ներկայացնեն և  
լան, թո՛ղ Պ. Չուխաճեանին ալ եղանակներ յօրինել  
տան և եղանակով լան, ես, պարոննե՛ր, ես կը ծի-  
ծաղիմ և ծիծաղելու համար ո՛չ եղանակի կարօտու-  
թիւն ունիմ և ոչ դաշնակի։ Թերութիւններու վրայ  
լալը թերութիւններու մեծագոյնն է։ խեղծութեան  
վրայ արտասուք թափելն ապացուցանել է, թէ արիւն  
չունինք թափելու։ Արտասուքը մանուկներու և կի-  
ներու (մեծ մանուկներու) բաժինն է։ կ'ազաշեմ, մի՛  
դպիք ատոնց բաժինին։

Եւ չէք կարող երեւակայել, թէ ո՛րչափ բերկրութիւն պիտի զգամ, եթէ յաջողիմ ձեզմէ ծիծաղներ առնել այն դէպքերուն, իրերուն և անձերուն վրայ, որոնց պիտի հանդիպիք ձեռատեսրիս մէջ։ Մոլութիւններու վրայ ծիծաղիլն առաքինութեան ճամբուն մէջ գանուիլ կ'ենթադրէ և այս հաշուով, ո՛րչափ շատ ծիծաղ քաղեմ, այնքան նուազ մոլութիւն պիտի դանեմ։ Պէտք չէ մոռնալ սակայն այն դաս մը մարդերն, որոնք ուիստ և երդում ըրած են բնաւ չխնդալու։ Այդպիսիներուն հետ գործ չունիմ, վասն զի ատոնց երեսէն ժպիտ քաղելն աւելի գժուար է, քան թուրք կառավարութենէն բարձորոգում յուսալը, մանաւանդ երբ նկատողութեան առնէք որ ճնշում բանեցնելու համար չունիմ ես ո՛չ ծանուցագիր, ո՛չ դեսպանամոլով և ո՛չ նաւատորմիդ։

Անկողմնակալութեանս վրայ վստահացնելու համար, կը յայտնեմ թէ այնպիսի կացութիւն մը ունիմ, որ չի ստիպեր զիս աչառութիւն ընելու։ Փա՛ռք նախախնամութեան. բարեկամ չունիմ որ աչառութիւն ընեմ, բայց մի՛ կարծէք թէ կիրքով պիտի խօսիմ, քաւ լիցի. . . . Փա՛ռք սատանային, թշնամի ալ չունիմ։ Մի՛ զարմանաք, պարոններ, աշխարհիս երեսը այնպէս կ'ապրիմ, ինչպէս դուք կ'ապրիք երբեմն թատրոնի մէջ. միայն հանդիսատես կը լինիմ ներկայացման, առանց գերասաններու գործին խառնուելու։ Ընկերութիւններէ ընդհանրապէս հեռի կ'ապրիմ, և այս է միակ պատճառը իմ երջանկութեանս։

○○○@○○○

Կ. Պոլիս, 1 Յունիս 1880

Ո՞վ կ'ըսէ, թէ մեր ազգին մէջ միութիւն չկայ։ Այսօր միացան Արարատեան, Դպրոցասիրաց—Արեւելեան և Կիլիկեան ընկերութիւնները։ Այս միութիւնը չորս ամիս առաջ պիտի կատարուէր, բայց յարմար անուն մը գտնելու գժուարութիւնը չորս ամիս ուշացուց զայն։ Արդեօք յարմար դասատու մը գտնելու համար քանի տարի պիտի աշխատի ընկերութիւնը . . . Միացեալ Ընկերութիւնները երեք անձինք և մի՛ բնութիւն կազմեն այսօր, պարզապէս ընկերութեան երրորդութիւն մը, որու մէջ Հայր է Արարատեանը, Որդի է Դպրոցասիրացն ու Հոգի է Կիլիկեանը։ Այսուհետեւ որ և է նուէր պիտի հաւաքուի ո՛չ թէ յանուն Արարատեանի, այլ յանուն Հօր և Որդւոյ և Հոգւոյն Յըրբոյ. ամէն։ Անհաւատները չեն հաւատար այս երրորդութեան և միութիւնն որ այսօր կատարուած է . . . անուամբ, անկարելի կը կարծեն, ես տակաւին չեմ կարող վճիռ արձակել և կը փափաքիմ կարծել, որ ամէն հաւախօսին մէյմէկ դպրոց բանալու փառասիրութիւնը պիտի չունենայ Միացեալ Ընկերութեանց Գործադիր Ժողովը։

Գործադիր Ժողովոյ առենապետ ընտրուած է Պ. Գէորգ Ապտուլլահ, չափազանց հայրենասէր, չափազանց աշխոյժ և չափազանց եռանդոտ երիտասարդը։ Այս անձը մնձ փառք և պատիւ կը ստանար, եթէ ատենապետ ընտրուէր այնպիսի գործադիր Ժողովոյ մը, ունապետ ընտրուէր այնպիսի գործադիր Ժողովոյ մը, ըրուն պաշտօնը լինէր չէնքեր կառուցանել . . . օդի մէջ։

(Վարժարանի մը մեջ)

— Վարժարանի մը, Աստուած դրախտը Հայաստանի  
մէջ չդրա՞ւ:

— Այս՝ Հայաստանի մէջ դրաւ։  
 — Բայց հիմա Հայաստանի մէջ ատանկ բան չկայ  
 ... ի՞նչ է եղեր...  
 — Շատ հաւանական է որ... որ...  
 Վարժապետը աշակերտին հարցման գոհացուցիչ  
 պատասխան մը չկարենալով գտնել, մաղ մնաց որ  
 անոր առջև պիտի խայտառակուէր, ևթէ նոյն պահուն  
 դիպուածով այդ վարժարանը չերթայի և աշակերտին  
 չըսէի.  
 — Շատ հաւանական է որ քիւրտերը աւրշտկած  
 լինին, տղա՛ս։

---

Մայրաքաղաքիս մէջ գիշեր ատեն քիթով պատիւը  
 վասնգաւոր է։ Այս գիշեր թուրք մը հրեայի մը վրայ  
 յարձակելով կողոպտել ուզեց զայն, բայց խեղճին  
 վրայ փող չգտնելուն՝ թուրքը բարկացաւ և աղէկ մը  
 ծեծելէն ետքը, խեղճ հրեային քիթը կարեց ու փա-  
 խաւ։

Եղելութիւնը ոստիկանութեան իմաց արուելուն  
 պէս ոստիկան մը չարագործը ձերբակալեց։

Քիթն իր տիրոջը տրուեցաւ։

Այս արդար գատաստանին ըսելիք ունիք. ևթէ  
 գողջուածը դրամ ըլլար՝ հրեան չեր կրնար դրամը  
 վերստին ձեռք բերել, թող աղօթք ընէ, որ քիթն  
 էր գողջուածը։

— 2 Յունիս —

Ես ալ այսօր համոզուեցայ, որ թատրոնը մեծ  
 մարդերու դպրոց մըն է։

Բայց մեծ մարդիկ ի՞նչ կ'ուսանին այդ դպրոցին  
 մէջ։ Ինդիրը հոս է։  
 Թող ուրիշները պնդեն, թէ բարոյականութիւն  
 կ'ուսանին հոն. ևս կը պնդեմ և եթէ հարկ լինի՝ եր-  
 կու տաճիկ վկայ ալ կը բերեմ —որովհետեւ քրիս-  
 տոնէի վկայութիւնը ընդունելի չէ — որ թէպէտ և  
 բարոյականութիւն դաս կը տրուի հոն, բայց աշա-  
 կերաները մարմնակազմութեան դաս կ'առնեն, վասն  
 զի հանդիսանեսները գերասանուածի մը աւելի թե-  
 ւերուն, պարանոցին, սրունքներուն կը դարձնեն  
 իրենց ուշը, քան թէ անոր արտասանած խօսքերուն։  
 և եթէ գերասանուածին թեւերը գեղեցիկ գտնեն՝  
 կ'ըսեն.

— Շատ սքանչելի ներկայացում մըն էր։  
 Խեղճ հեղինակներ... կը կարծեն. թէ իրենց  
 գործը կը ծափահարուի... մինչդեռ շատ անդամ գե-  
 րասանուհին հեղինակն է որ կը ծափահարուի...։

---

Խափանուած «Լրագիր» օրագրոյ խմբագիրն այսօր  
 Տպագրական Տեսչութեան ներկայացաւ և հրաման  
 խնդրեց, որ թերթը վերստին հրատարակէ։ Տեսչն  
 աղօթք ընելու գնացած էր։

---

Յունաստանի, Գարատաղի և Հայաստանի նկատ-  
 մամը վեց տէրութիւնները տուին իրենց համբաստ  
 ծանուցագիրը Բ. Դրան։

Մեր ազգայիններն իրենց խանութիւնները գոցած՝  
 արուելիք պատասխանին կը սպասեն։

Հնդկանուր կարծիքն այն է, որ տէրութիւնները  
կարելի եղածին չափ պիտի աշխատին Հայստանը  
քիւրտերու ձեռքէն ազտակու:

Թուրքիոյ մէջ բան մը ընել անկարելի է...  
Թուրքիոյ մէջ ամէն բան կարելի է:

Վերահրատարակման հրաման արուեցաւ այսօր  
«Թէրճիմանը էֆքեար» օրագրին, որ բոլորվին խա-  
փանուած էր անգլիական լրագրէ մը հայոց նպաստա-  
ւոր յօդուած մը քաղելով հրատարակած լինելուն հա-  
մար:

— Հայրիկ, առջի օրը կ'ըսէիր, թէ կարմրնալն  
ամօթխածութեան նշան է:

— Այո՛, երբ որ մէկն իր ըրածին վրայ կը խպնի  
և երեսը կը կարմրի, ըսել է թէ պարկեշտ է:

— Բաել է թէ մայրիկս շատ պարկեշտ է:

— Ինչո՞ւ:

— Վասն զի ամէն առառ իր երեսը կը կարմրցնէ:

Ո՞վ գոյներ, միթէ դո՞ւք ալ այսչափ կը փոխէք  
եղեր ձեր նշանակութիւնը:

— 3 Յունիս —

Բ. Դուռը բողոքել որոշեց Պելինի դեսպանա-  
խորհրդոյ դէմ:

Քանի մը տարիներէ հետէ Բ. Դուռը այնչափ կը

բողոքէ, որ դիւանագիտութեան մէջ կատարեալ բո-  
ղոքական մը գարձաւ:

Պ. Մեղաւորեան մանկավարժական սրահ մը հաս-  
տառեց, ուր պիտի երթան մանկավարժներն և ու-  
սուցման եղանակներուն վրայ պիտի խօսին:

Լաւ կը լինէր, եթէ Պ. Սպանդարեան խօսէր ու-  
սուցման այն եղանակի վրայ, որով աշակերտ մը չկա-  
րողանար ոչինչ ուսանիլ:

Այս եղանակը գտնուելուն պէս միւս եղանակները  
փնտռելու հարկ չի մնար:

«Լէվանթ Հէրտլո»ի անօրէնը Տպագրական Տես-  
չութեան ներկայացաւ իր խափանեալ թերթին նորէն  
հրատարակման հրամանն ուղելու:

Տեսուչը քնանալու գնացած էր:

— 4 Յունիս —

Լրագիրները մեծ գովեստով խօսած էին Ս. Պատա-  
րիարքին երկու արձաններուն վրայ, զորս երկու ազ-  
գային գեղարուեստագէտ երիտասարդներ շինելով  
ի տես հասարակութեան դրած են Ապառալլահ եղբայր-  
ներու գործարանը:

Հետաքրքրութեան համար այսօր գնացի այդ ար-  
ձանները տեսայ և բարկացայ, վասնզի լրագիրներէ  
խաբուած ըլլալս անմիջապէս զգացի:

Այս արձաններէն մին, որ իտալիա ուսումն առած  
երիտասարդի մը գործն է, բնաւ չի նմանիր Պատրիար-

քին . Նորին Սրբազնութեան եղբայրներուն ալ չի  
նմանիր :

Զերցի համբերել , մօտեցայ արձոնին և անոր ա-  
կանջն ի վար փսխացի .

Պարո՞ւ արձան , զուարք երես,  
Համակրական եւ աղուոր ես,  
Այլ , ի՞նչ օգուտ , չունիս լեզու ,  
Ու բաեր ինձ՝ ո՞վ ես դու :

Միւսը , որ հոս ինքնիրմէ ուսած երիտասարդի  
մը գլուխ գործոցն է , քիչ մը արձանին իսկականին  
նմանութիւնը կը բերէ թէպէտեւ , բայց այնչափ տձեւ  
կերպով շինուած է որ ,

Թէ լրագիր մ'այսպէս զծէր  
Պատրիարքին ներքին պատկեր ,  
Ամմիջապէս իր խափանման  
Կ'ընդուներ նա Դունեն հրաման :

Այսպէս են մեր թատրոնի հեղինակներէն շատերն  
ալ . իրենց ուզածին պէս կը ներկայացնեն անձերը , և  
կը կարծեն թէ մնծ գործ տեսած են : Արշակ մը , Հայկ  
մը , Սանդուխտ մը պէտք է այնպէս ներկայացուի ,  
ինչպէս որ են և ոչ թէ ինչպէս որ կը փսխաքին յար-  
դոյ հեղինակները :

Դեսպանախորհուրդը այսօր բացուեցաւ Պերլին :  
Այս գիշեր Պիզմարք իշխանին տունը գինի պիտի  
խմուի :

Թուրք կառավարութիւնն ալ անշուշտ այս երե-  
կոյ հեռագրով անուօ հրամեցիք պիտի ըսէ գինի խմող-  
ներուն , որոնք գինիին վրայ պիտի կլլին անշուշտ  
... Եանիան :

—5 Յունիս—

Ինչպէս «Մեղու»ի , «Մշակ»ի , «Փորձ»ի արդիլուած-  
է Պոլիս մտնելը , նոյնպէս նաև արդիլուած է Խտիվի-  
հարեմին :

Միթէ այս հարեմն ալ թուրք քաղաքականու-  
թեան վեասակար յօդուածներ ի լոյս ընծայած է որ  
Պոլիս մուտքն արդիլուած է իրեն : Յայտնի չէ : Խտի-  
վին սրդին կը մերժէ իր մայրերը , Բ . Դուռը չուզեր  
ընդունիլ զանոնք և կիներով բեռնաւորուած նաւը  
քաղաք մը կը փնտոէ , ապրանքը դուրս հանելու հա-  
մար :

Նկատողութեան արժանի է որ այս հարեմին Պէ-  
շիքայի առջեւ սպասելը Հնդկաստանի ճասաբուն դպած  
չէ . եթէ դպած լինէր՝ Անգղիոյ խորհրդարանին մէջ  
հարցումները իրարու կը յաջորդէին .

— Խտիվի հարեմը Նաբոլիէն ինչո՞ւ մեկնեցաւ :  
— Ինչո՞ւ համար Պէշիքա զնաց :

— Իտալիոյ կառավարութիւնը ինչո՞ւ թող չը-  
տուաւ որ այդ կիները իր երկրին մէջ բնակին : Իտա-  
լիոյ կառավարութիւնն այս ընթացքը Անգղիոյ թա-  
գուհւոյն աշխարհավարութիւնն վեաս մը չի բերեր :

Եւ կառավարութիւնն այս հարցումներուն պա-  
տասխանելով , ինդրոյն վրայ լոյս կը սփոէր և ամէ-  
նուն հետաքրքրութիւնը կը փարատէր :

Իսկ մենք որ տանկ հարցումներ ընելու համար-  
ձակութիւն չունինք , կը շատանանք ըսելով , որ Խտի-  
վի հարեմը Անգղիոյ նաւատարմիզէն աւելի իրարան-  
ցում պատճառեց հոս :

Այսօր մայրաքաղաքու հասաւ Պ . Արգար Յովհանն

Նիսեանց, Խմբագիր-Տնօրէն «Փորձ» լրագրոյ, և Լիւք-  
սենպուրկի օթեւանն իջաւ:

—6 Յունիս—

Մայրաքաղաքիս մէջ այսօր սպանութիւն տեղի  
չունեցաւ. կը կարծուի թէ ոստիկանութեան նախա-  
բարին պատուանշան մը տրուի վաղը:

— — —

Անունով Միացեալ Ընկերութիւն դեռ զատ զատ  
կը գործեն, իւրաքանչիւրը իր սենեակին մէջ:

— — —

Մարդուն մէկը լրագրի մը հրաման առնելու հա-  
մար Տպագրական Տեսչութեան գրասենեակը գնաց:  
Տեսուչը կերակուր ուտելու գնացած էր:

— — —

Մայրաքաղաքիս մէջ բժիշկներու թիւը օր ըստ  
օրէ աւելնալու վրայ է. նոյն իսկ այսօր մէկ մարդու  
երկու բժիշկ կ'ինայ:

Իրաւ է օր շատ աղքատներ առանց բժիշկի կը  
մեռնին, բայց ո՛րչափ բժիշկներ ալ կան օր առանց  
հիւանդի կը մեռնին:

—7 Յունիս—

Անաստուի սովելոց համար մեծ վիճակահանու-  
թիւն մը պիտի լինի... գալ տարի:

Ցիշեալ վիճակահանութեան Գործադիր Ժողովը  
շրջաբերական պիտի զրկէ գաւառները, յորդորելու  
համար սովուալները որ համբերեն և անօթութենէ չը-  
մեռնին, մինչեւ որ իրենց հաց զրկուի:

Կը յուսանք որ մեր աղդայինները կը համակեր-  
պին այս շրջաբերականին: Քաջ գիտեն արդէն անսոնք  
որ այս սովը եթէ Եւրոպա լինէր, շատ աւելի զո՞ն կը  
տանէր իր հետ. փառք տալու ենք որ թուրք բա-  
րեինամ կառավարութիւնը շատ տարիներէ հետէ նա-  
խատեսած լինելով այս սովը, ազդու մէջոցներ ձեռք  
առած էր իր հաւատարիմ հպատակները անօթութեան  
վարժեցնելու:

— — —

«Փունջ» լրագիրը քանի մը ժամանակէ հետէ ա-  
նասուններու հիւանդութիւններու վրայ յօդուածներ  
հրատարակելով՝ ընթերցողներուն ուշագրութիւնը կը  
հրաւիրէ:

Արդեօք «Փունջ»ի խմբագիրը իր ընթերցողները  
անասունն կը կարծէ...:

—8 Յունիս—

Զբոյց կը պտտի, թէ Տփղիսի աղդայինները իրենց  
առաջնորդ պիտի ընտրեն Գեր. Խորէն Արշակունեան,  
Լուսինեան, Բագրատունեան, Քանթարեան, Հայկա-

= 16 =

չանց, Գալֆայեան, Խուբինեան, Նար-պէյ, Խորխո-  
ռունի արքեպիսկոպոսը:

— — —

Սովետներուն օգնելու համար ճամբայ մըն ալ  
ես կ'առաջարկեմ, այն է սովետ գաւառներէն հե-  
ռացնել այն մարդերը, որ շատ կ'ուտեն:

Հետեւապէս կ'առաջարկեմ, որ վանահայրերը  
Պոլիս կանչուին, մանաւանդ Մամբրէ եպիսկոպոսը,  
որ Մշոյ վանքը ամբողջ կերաւ:

— 9 Յունիս —

Տպագրութեան Տեսուչը դեռ ճաշը չլմնցուց:

— — —

Այսօր կը տեսնեմ որ կերակուրները մեծ ազդե-  
ցութիւն ունին մարդուս կարծիքներուն վրայ: Կը  
չանչամ մէկը, որ տարի մը առաջ իր կեանքը պա-  
նիր հացով կ'անցընէր և ամէն օր ազգային գործերուն  
վրայ կը խօսէր, իսկ հիմա որ կովու միսով կ'ապրի,  
աղդային խնդիրներու վրայ խօսողները կը ծաղրէ:

— — —

Վեց Տէրութիւնները կ'ըսեն Բ. Դրան.

— Եանիան Յունաստանի տուր:

Բ. Դուռը կը պատասխանէ յոյներուն այն լեզ-

= 17 =

ուսպ, որով ասոնք պատասխանեցին ժամանակաւ  
Քսերքսեսին:

— Եկուր անձամբ ա՛ո:

— 10 Յունիս —

Լրագրի մը մէջ հետեւեալը կարդացի.

«Նախանթաց օր Խւակիւտարի Պուրչուրլու գիւղը  
տան մը վրայ կայծակ իյնալով մէջը գտնուող երկու  
կանանց ականջները խուլցուց»:

Ինձ կը թուի, թէ կայծակ մըն ալ ուսումնական  
խորհրդոյ սենեակին մէջ ինկած է, վասն զի աս ալ  
խուլցած է և չի լսեր թաղային վարժարաններուն  
վրայ խօսուած խօսքերը:

2018-2008

Այսօր ատաղձագործ մը կանչեցի և փայտէ գլուխ  
մը շինէլ տուի ինծի համար. եթէ մուհաճիրին մէկը  
յանկարծ գլուխս կտրէ, բնաւ հոգ չեմ ըներ, անմի-  
ջապէս փայտէ գլուխը կ'անցընեմ:

Առանց գլուխի պտտելին շատ աղէկ է փայտէ  
գլուխ մը ունենալ:

— 11 Յունիս —

«ՍէմաՓօր» լրագիրը կը ծանուցանէ, թէ իր  
ցրուիչն օմմանեան պանքային գումար մը առնելու  
զրկուած լինելով, յիշեալ պանքային գնացեր, դրամն  
առեր և անյայտ եղեր է. ուստի ով որ այս ցրուիչին  
ուր ըլլաւը գիտէ, թող «ՍէմաՓօր»ին գրասենեակը  
իմացնէ և վարձատրութիւնը ընդունի:



(2)

Մենք խրատ կուտանք «Սէմաֆօր»ին որ գանձու պաշտօնէութեան մէջ անգում մը փնտռել տայ ցըուի-չը . . . :

Քահանային մէկը . . . եկեղեցւոյն մէջ գանձանակն մէնիսիի մը սխալմամբ գրապանը նետած պահուն ընկերը տեսաւ : Կէս ժամ վիճաբանութենէ ետքը մէնիսիին իրենց մէջը բաժնեցին :

Միացեալ Ընկերութիւնք դեռ ոչ-միացեալի պէս կը գործեն , Հայրը Որդւոյն և Հոգւոյն հետ համաձայն չերեւիր :

—12 Յունիս—

Պ. Խոսրով Տէմիրծիպաշեան անուն մէկը «Մասիս»ի մէջ Վոլնէյի Աւերակէը թարգմանելով կ'ըսէ .

«Եոյն միջոցաւ արդի անորոշ ու անկանոն աշխարհաբարի նկատմամբ գրաբարին նման մի կանոնաւոր ու կրթեալ լեզուի տիպար ներկայելով հայ ժողովրդեան մի փոքր ծառայութիւն մատուցանել . . . »

Օրհնեալ է Աստուած , աշխարհաբարի խնդիրն ալ լուծուեցաւ չնորհիւ Պ. Խ. Տէմիրծիպաշեանի , որ բարեհաճեցաւ կրթեալ լեզուի տիպար ներկայել :

Եւ արդարեւ լեզուն բաւական կրթեալ տեսանք հեղինակին հետ բաղդատելով :

Օ՞ն անդր առաջ , Պ. Խոսրով , կրթեալ լեզուիդ քերականութիւնը հրատարակէ որ տեսնենք :

Կէս օր . — Պատրիարքարանի պաշտօնեաները հի-

մա Պատրիարքարան եկան . խահվէ խմելնուն պէս իրենց պաշտօնին գլուխը պիտի անցնին :

—15 Յունիս—

Աշխարհիս վրայ ժամանակն է որ կ'ընէ ամէն բան : Բան տարի առաջ ժամանակն ուզեց որ Պ. Թէրզեան Սանդուխս Կոյս անուամբ ողբերգութիւն մը գրէ ժողովրդեան , որ շատ բաներու կարօտ էր բացի Սանդուխտէ : Բանի մը տարի ետքը այս ժամանակն ուզեց , որ Սանդուխտի հեղինակը ոտանաւորներ գրէ ժողովրդեան , որ արձակը գժուար կը հատկնար : Այսօր ժամանակը կ'ուզէ որ Ապողոնի աշակերտն արհեստից և գիտութեանց ծաղկաբաղ մը հրատարակէ , բայց մեծ հոգ և խնամք տանի , որ լեզուն անհասկնաւի լինի անոնց , որոնց համար կը հրատարակուին ընդհանրապէս նմանօրինակ հանդէմներ : Շատ հաւանական է , որ ժամանակը տարի մը ետքը ուզէ , որ Պ. Թօվմաս Թէրզեան գրէ միայն այն ճիւղին վրայ , որ իրեն ժատուկ լինել կը կարծուի :

Ինդիբն այսօր Ծաղկաբաղին վրայ է :

Տեսայ այս հանդէսին առաջին թիւը , որուն մէջ կարդացի , ի մէջ այլոց , մանիշչակագոյն լուսոյ ազգեցութիւնը բոյսերու և կենդանիներու վրայ : —Մոռցայ ըսելու , թէ ոտանաւոր խմբագրուած չէ թերթը : —Փորձուած է , կ'ըսէ Ծաղկաբաղն (որ փորձած չէ) որ մանիշակագոյն ապակիներով ծածկուած ջերմոցներու մէջ բոյսերը շուտ կ'աճին և արդիւնաւոր կը լինին , ինչպէս նաև կենդանիները շուտ կը մեծնան և կայտառ կը լինին :

Ծաղկաբաղին անկեղծութեանը վատահ լինելով

կը հաւատամ իր խօսքին և մինչեւ իսկ կը պաշտպառնեմ իր կարծիքը, յայտնելով որ մարդն ալ, իրբեւ բոյս և կենդանի, եթէ մանիշակագոյն ապակիներով ծածկուած սենեակներու մէջ պահուի, աւելի շուտ կը ծլի և կ'ածի. մէկ տարուան մէջ... տասը տարեկան կը լինի. նոյնպէս ալ կին մը տարբին չորս անգամ զաւակ կը բերէ և իր մազերն ու եղունգները մէկ ու կէս քիլոմէթր երկայնութիւն կ'ունենան: Կարծեմ Ծաղկաբաղ գոն պիտի լինի այս հետեւութենէս: Արդէն այլ և այլ գոյներուն մարդուս վրայ տարբեր ազգեցութիւններն ամէնուս ծանօթ են, օրինակի համար ո՞վ կարող է ուրանալ կապոյս գոյնին ազգեցութիւնն երբ աղջկան մը աչքերուն մէջ երեւի այդ գոյնը. ո՞վ չէ կրած այն ազգեցութիւնը, զոր կը ներգործէ վարդը երբ կոյսի մը շուրթերուն վրայ բացուի. ո՞վ չի տեսներ երբեմն այնպիսի կիներ, որ եղեք ամիսէն զաւակ բերած են, անշուշտ մանիշակագոյն ապակիներու տակ սնուած լինելնուն պատճառաւ: Այս ամէնը լաւ, բայց խնդիրը հոս չէ, տէ՛ր խմբագրապետ:

Ի՞նչ հասկնայ խեղճ գաւառացին քու մանիշակագոյն ապակիներէդ, երբ ան ջերմոցի վրայ դեռ գաղափար չունի. Ի՞նչ պտուղ քաղէ քու պտուղ չորցընելու համար տուած քարոզէդ, երբ ծառերու մշակութեան վրայ չէ կարդացած ոչինչ. Է՞ի՞նչ պարտականութիւն ունի չորս հինգ տարի աշխատելու քու առողջապահկան յօդուածդ հասկնալու համար: Կը փափաքէի որ Բոբովիչի «Արևես Երկայնակեցութեան» անուն գիրքին լիզուն և ոձը օրինակ ունենային իրենց այն անձերն, որ ժողովրդեան խօսելու կը պատրաստւին: Բայց այս ո՞չ Թէրզեանի գործ է, ո՞չ Սաքզեանի և ո՞չ Ապտուլահեանի, այլ այն անձերու գործն է, որոնք հմտութիւն և փորձառութիւն ունին

այն գիտութիւններու և արհեստներու մէջ, որոնց վրայ պիտի խօսին ժողովրդեան: Այս գործը գժուար է, խիստ գժուար է և վերջապէս այնչափ գժուար է, որչափ գիւրին է ֆրանսերէնէ արհեստական կամ գիտնական յօդուած մը թարգմանելով հրատարակելը, ինչպէս որ կ'ընէ Ծաղկաբաղ: Երկրագործը կարող է գիտնալ, թէ ի՞նչ պէտք է մշակուի Վանայ մէջ և ի՞նչ պէտք չէ մշակուի կարնոյ մէջ. այսպէս իմացիր ամէն ճիւղերուն համար:

Եթէ ոչ ողբալի գոնէ ծիծաղելի է տեսնել, որ ազգի մէջ գիտութիւն և արհեստ գիտցող քանի մարդ որ կայ ամէնն ալ դուրս ձգուած են այս Ծաղկաբաղէն, որուն խմբագրապետն է բանտառեղծ մը: Բայց յուսալի է, որ Պ. Թէրզեան ուշագրութեան կ'առնէ մեր անկեղծ գիտողութիւններն և ամէն ջանք ի գործ կը դնէ իր յաջորդ Ծաղկաբաղները մանիշակագոյն ապակիներով ծածկուած սենեակի մը մէջ խմբագրել տալու, որպէս զի քիչ ժամանակի մէջ աճին և պտղատու լինին Հայաստանի մէջ:

—16 Յունիս—

Երէկ ըստած էի.

«Աշխարհիս վրայ ժամանակն է որ կ'ընէ ամէն բան»:

Այսօր կ'ըսեմ.

«Աշխարհիս վրայ մեր Ազգ. Վարչութիւնն է որ բան մը չ'ըներ:

Դաստիարակութեան խնդիրը, սնտուկի խնդիրը, վաճարէից խնդիրը, ամէնը հոն է ուր որ էր քսան տարի առաջ և ուր պիտի լինի քսան տարի ետքը:

Ժամանակաւ երբ իմաստասէր մը Դիոգինէսի հետ վիճաբանութիւն կ'ընէր համոզելու համար շնականը, թէ շարժում չկայ, կարասաբնակը քալել սկսաւ և իր ընդդիմաբանին ըստաւ.

«Բու փաստերդ կը հերքեմ» :

Եթէ Անտիսթենէսի անառակագոյն աշակերտին պէս ընդդիմախօս մը ունենայի, Ազգ. Վարչութիւնը կը նետէի անոր տուջեւ և կ'ըսէի.

«Բու փաստերդ ալ ես կը հերքեմ» :

Դեսպանախորհուրդն իր որոշումը տուաւ Յունաստանի խնդրոյն մասին :

Ո՛չ միայն որոշում տուաւ, այլ Եանիան ալ տուաւ Յունաստանի :

Հիմա Յունաստանի կը մնայ առնել Եանիան որ իրեն տրուած է :

Եթէ թուրք կառավարութիւնը հակառակի այս որոշման, վեց տէրութիւնները պիտի օգնեն Յունաստանի : Այս'... ուրիշ դեսպանախորհուրդով մը....

Ես ալ այսօր իմ որոշումս տուի Հայաստանի նըկատմամբ .

Ինքնօրինութիւն տուի Հայաստանին :

Գնա' առ, եթէ կարող ես :

Օտար լրագիրներէ յօդուածներ քաղած լինելուն պատճառաւ, «Սթամպուլ» լրագիրը տասնեւհինգ օր

դադարման հրաման ստացաւ Տպագրական Տեսչութ քենցն :

Որչափ լաւ կը լինէր, եթէ Տպագրական Տեսչութիւնն ալ գոնէ տասն օրուան համար դադարման հրաման առնէր....

Այսօր տասը գողութիւն տեղի ունեցաւ և մէկ ձերբակալութիւն տեղի չունեցաւ, մինչդեռ ուրիշ օրեր քառասուն ձերբակալութիւն կը լինի և մէկ գողութիւն չի լինիր :

Ընդհանրապէս անոնք միայն կը պատժուին, որ գողութիւն չեն ըներ, վասն զի մայրաքաղաքիս մէջ մնձամանութիւնը գողերու քովն է և սահմանադրական կառավարութիւնները, ինչպէս յայտնի է, մնձամանութեամբ կ'որոշեն ամէն բան :

Սպարտայի օրէնսդիրն այն գողերը միայն կը պատժէր, որոնք վարպետութեամբ չէին կատարեր իրենց արհեստը : Այժմ նոյն օրէնքը մայրաքաղաքիս մէջ գործադրուելու վրայ է.... Երանի՛ անոնց որ բան չունին տալիք գողերուն :

Հայաստանի խնդրոյն նկատմամբ դեռ պատասխան չտուաւ Բ. Դուռը վեց տէրութիւններու համբաւած ծանուցագրին :

Կ'երեւի թէ պատասխան չունի տալիք :

Գաւառական թղթակիցները Դեր. Մաղաքիս վարդապետ Օրմանեանի մեծ հանդէսով Տրապիզոն և անկէ Կարին մտնելը կը նկարագրեն : Այդ նկարագ-

բութիւններուն մէջ ճարտասանական ամէն ձեւեր գործածուած են, ակնարկ մը միայն կը պակսի հոն Տեառն մերոյ Յիսուսի Քրիստոսի Երուսաղէմ մտնելը մնդի յիշեցնելու համար:

Չափազանցութենէ սիրտս կը խառնուի. այս մասին շատ փափուկ ստամոքս մը ունիմ:

Հայր Օրմաննեանը ես ալ կը սիրեմ և կը յարգեմ, վասն զի նորին գերապատուութիւնը վեց ատենաբանութիւն ըրաւ ազգին հոգւոյն և մարմնոյն վրայ և այսուհետեւ ալ կարող է երկու հարիւր յիսուն տեսնախօսութիւն ընել ազգին մարմնակազմութեան վրայ, ուստի միշտ քաջալերութեան արժանի է, մանաւանդ երբ առաջնորդութիւնը կը ստանձնէ այնպիսի քաղաքի մը, ուր ընդարձակ ասպարէզ մը կը բացուի իր առջեւ գործելու համար: Սակայն երբ կը տեսնեմ որ գաւառացին չափազանցութեան կը դիմէ, իմ նուիրական պարտք է չափանորութեան հրաւիրել զայն:

Նա, որ ինքինքը մարդկութեան համար զոհեց, Օրմաննեանէ շատ մեծ է անշուշտ. արդ, երբ նա աւանակի վրայ նստած կը մտնէ Երուսաղէմ, իր աշակերտը ինչպէս մտնելու էր Կարին: Բայց որովհետեւ մեր եկեղեցականները չունին իրենց վարդապետին խոնարհութիւնը, գոնէ պարզութեան մէջ մնալու ուխտ ընելու են:

Բայց Օրմաննեան ի՞նչ յանցանք ունի երբ իր ժողովուրդը չափէն աւելի կը յարգէ զայն: Նորին գերապատուութիւնը զրուցելուէ, թէ ինք այնչափ յարգանաց արժանի չէ:

Նորին գերապատուութիւնը թող ներէ մեզ այս տողերը գրելնուս համար, որովհետեւ Կարնոյ թղթակիցին նամակը հոս հրատարակուած օրը շատերն ըսին.

«Կ'երեւի որ կարնեցինները մարդ տեսած չունին մինչեւ հիմա»:

Ես չեմ ուզեր, որ կարնեցինները այսպէս զրպարատուին . . . :

—19 Յունիս—

Միացեալ Ընկերութիւնն անուն Ընկերութիւնը ի զուր աշխատեցաւ չորս ամիս իրեն յարմար անուն մը գտնելու համար. վասն զի հիմակուան անունը բնաւ չի համապատասխաններ իր բռնած ընթացքին: Եթէ իմ կարծիքս հարցուէք, ես կ'առաջարկէի որ Ոչ-Միանալիք Ընկերութիւնն անունով կնքուէր այդ Ընկերութիւնը:

Մինչեւ այսօր պաշտօնական յայտարարութեամբ չծանուցուեցաւ հասարակութեան, որ Արարատեան, Դպրոցասիրաց-Արեւելեան և Կիլիկեան Ընկերութիւնները լուծուած են:

Կը զրուցուի, թէ Հայրը դժուարութիւններ կը յարուցանէ և հաշիւնները տալու կը գժկամակի, առարկելով թէ անկաժըման ունի: Եթէ Որդին և Հոգին ալ անկաժըման ունին, ժողովուրդը իր առւած ուկիներուն հաշիւն առնելիք չունի:

Դեռ ամիս մը առաջ, Արարատեան Ընկերութեան պատուականագոյն անգամներէն մին անդամակցութենէն կը հրաժարէր հետեւեալ նամակը գրելով.

«... Կ'աղաչեմ, ջնջեցէք իմ անունս Արարատեան Ընկերութեան ցանկէն, որով զիս երախտապարտ կը կացուցանէք եւայլն . . . »

Ի՞նչ պատիւ Արարատեան Ընկերութեան . . . մարդս աւազակներու խումբէ մը փրկուած ժամանակ երախտագիտութիւն կը յայտնէ, բայց Ընկերութենէ մը դուրս ելնելու համար աղաչել և երախտապարտ մնալ կարծեմ քիչ մը զարմանալի է . . . :

Տասնեւհինգ օրուան համար դադարուած Սրամ-  
պուլ լրագիրն իր պայմանաժամը լրացնելով երկու  
օրուան մէջ՝ այսօր վերստին հրատարակուիլ սկսաւ:

Արեւելեան Ռումէլիի ընդհանուր կառավարիչ Ա-  
լէքս բաշան իր ամուսնոյն հետ մայրաքաղաքս եկաւ:  
Կը զրուցուի, թէ Արեւելեան Ռումէլի Պուլկարիոյ հետ  
պիտի միանայ և Պուլկարիոյ իշխանը Ֆիլիպէ պիտի  
փոխադրէ իր աթոռը:

Աղօթենք որ այս միացումը մեր ընկերութիւննե-  
րուն միացման պէս դժուարութիւններու չհանդիպի...:

—20 Յունիս—

Լիքիտասիօն և Լիքիտասիօն:

Մայրաքաղաքիս մէջ չկայ փողոց մը, ուր խա-  
նութի մը ճակատը ճերմակ լաթ մը քաշուած չլինի  
և վրան Լիքիտասիօն գրուած չլինի...:

Փամանակաւ ճերմակ լաթերու վրայ ազատու-  
թիւն, հաւասարութիւն, եղբայրութիւն կը տեսնէինք,  
իսկ հիմա Լիքիտասիօն... ամէն մարդ գործը մաքրե-  
լու կ'աշխատի 60 առ հարիւր զեղչով ապրանքները  
ծախսել խոստանալով. ումանք 90 առ հարիւր զեղչ  
կ'ընեն և եթէ թուաբանական ճմարտութիւնը խա-  
բէութեան չափ դրած չլինէր, 110 առ հարիւր զեղչ  
ալ պիտի ընէին մեղ մեր պատուաւոր վաճառական-  
ները:

Եւ գիտէ՞ք ինչ են այս Լիքիտասիօններու պատ-  
ճառները:

Կը ճանչնամ մին, որ ճամբորդութեան պատճառաւ  
Լիքիտասիօն կ'ընէ տասը տարիէ ի վեր:

Ուրիշ մը գործէն քաշուելու միտք ունենալուն  
համար իր վաճառատան ճակատը Լիքիտասիօն գրած է  
քսան տարիէ ի վեր:

Ուրիշներն ալ մէյմէկ պատճառ գտած են ժողո-  
վուրդ խաբելու:

Կարող եմ ըսել, թէ միայն Բ. Դրան վրայ Լիքի-  
տասիօն չէ գրուած: Լաւագոյն չէ՞ր լինէր, եթէ քա-  
ղաքապետութիւնն այդ լաթերը ժողվել տար և մեծ  
լաթ մը կարել տալով անոր վրայ ոսկեզօծ տառերով  
Լիքիտասիօն դնէր և այդ լաթն իբրեւ դրօշակ մայրա-  
քաղաքիս դռներուն վրայ պարզէր:

Խտիվի խեղճ հարեւն արտօնութիւն ստացաւ  
թերթ մը հրատարակելու... արտօնութիւն բառը  
սխալեցուց զիս, ներկեցէք... արտօնութիւն ստացաւ  
Զմիւնիս բնակելու:

«Փորձ»ի խմբագիր Պ. Աբգար Յովհաննիսեան այ-  
սօր մեկնեցաւ մայրաքաղաքէս Վառնայի շոգենաւով:

—21 Յունիս—

«Վագըթ», կէս-պաշտօնական թուրք լրագիրը  
կամ, լաւ եւս, 1/16 պաշտօնական լրագիրը մեծ ցաւ  
կը յայտնէ այսօր ծանուցանելով, թէ պետութիւնները  
Հայաստանի համար յատուկ կանոնագրութիւն կը պա-  
հանջէն:

Թուրքերը մեծ ցաւ կը զգան, երբ հայերը հարա-  
տահարութենէ փրկուին:

Խօսակցութիւն մը կիներու բաղնիքին մեջ:

- Սա օրիորդը ՞վ է, տիկին:
- Զե՞ս ճանաչեր, մեր գրացին է, Լուսիկն է:
- Լուսի՞կն է... սխալ է, տիկին, Լուսիկը ձերմակ է, այս սեւի մօտ բան մըն է...:
- Բաղնիքն ելնելուն պէս դարձեալ կը ձերմըկնայ:

Դիտողութիւն.— Ամուսնական շատ մը կոհւներ կը վերնային, երբ խօս-կապը բաղնիքի մէջ արուել:

—22 Յունիս—

Կիրակի.— Պ. Նորայր Բիւզանդացի միշտ կ'աշխատի իր գաղղիերէն-հայերէն բառարանին, որ մեծ առաւելութիւններ ունի իր նախորդներուն վրայ:

Ահա մարդ մը, որ ամէն քաջալերութեան արժանի է. ահա գործ մը, որուն ամէն բարի ընդունելութիւն կը վայլէ:

Տասը հարուստ վաճառական այսօր միանալով ընկերութիւն մը կազմեցին Նորայրի բառարանին մէկ բաժանորդ գրուելու համար . . . :

—23 Յունիս—

Հայաստանի խնդրոյն նկատմամբ Բ. Դուռը այսօր պատասխան տուաւ վեց տէրութիւններու ծանուցադրին:

Ցիշեալ պատասխանին մէջ Բ. Դուռը կ'ըսէ, թէ շատ բարենորոգումներ ըրած է Հայաստանի մէջ, թէ իրաց վիճակը քննելու համար քննիչներ զրկած է — քննիչ զրկելը մեծ բարենորոգում մըն է մնալի համար — թէ ժանարմթի կազմած է —և եթէ ժանարմթին

շնչք տեսներ այսօր, պատճառն այն է որ Բ. Դուռը փառասէր չլինելով միշտ գաղտնի բարիք կը գործէ ըստ Աւետարանին, թէ աջ ձեռքին տուածը ձախը տեսնելու չէ — թէ՝ միտք ունի հայերնակ գաւառները նահիներու բաժանել և անոնց գայլազամ ընտրել այն մասէն, որ մեծամասնութիւն կը կազմէ — թոյլ պիտի տա՞ն արդեօք, որ հայերը մեծամասնութիւն կազմեն — թէ՝ տուրքերու տասներորդ մասը նահիներուն բարոյական և նիւթական յառաջդիմութեանը պիտի յատկացուի — խոստովանիմ և հաւատամ — թէ՝ շարժուն դատական խորհուրդներ պիտի կազմուին գլխաւոր քաղաքներ երթալով անիրաւ որոշումները վերաքննելու համար — անիրաւ խորհուրդներուն անիրաւութիւնները ՞վ պիտի քննէ: Ասոնք ըսելէն յետոյ, Բ. Դուռը հետեւեալ վիճակագրութեամբ կը կնքէ իր պատասխանը.

79 առ հարիւր միւսլիման

17 առ հարիւր հայ

4 առ հարիւր այլեւայլ հասարակութիւններ:

Եթէ Վանայ, Կարնոյ, Տիարալէքիրի և այլ Կողմերու մէջ հայերը 17 առ հարիւր կը կազմեն, ըսել է թէ 53 առ հարիւրը վերջերս կամ քիւրտերէ սպաննուած են և կամ այդ վիճակագրութիւնը ընող պաշտօնեաներէն:

—24 Յունիս—

Մինչեւ որ Զմիւռնիոյ մէջ բնակարան մը հաստատուի, Խորիվի հարկմը նաբոլի պիտի բնակի:

—25 Յունիս—

Գարատաղի և Բ. Դրան միջեւ պաշտօնական յա-

ըաբերութիւնները խզուեցան : Գարատաղի դեսպանը պիտի մեկնի : Քօնսօլիտներն ինկան : Եթէ Յունաստանի դեսպանն ալ մեկնի , քօնսօլիտներն ա'լ աւելի պիտի իյնան : Իսկ եթէ քանի մը դեսպան մէկէն մեկնելու լինին , քօնսօլիտը բոլորովին կը վերնայ . . . :

Ապէտին բաշա առկաի մնացած խնդիրներու համար բանակցութեան մտաւ Գարատաղի դեսպանին հետ , որ ետ ձգեց իր մեկնիլը :

— — —

Սուրիոյ կուսակալ Միտհատ բաշա յիշեալ նահանգին համար բարենորոգմանց ծրագիր մը զրկած է կայսերական կառավարութեան :

Ամէն կողմէ ծրագիր . . . Ապէտին բաշան որ կողմ որ դառնայ իր դէմը ծրագիր մը կ'ելնէ . դիւանագիւտութեան Բուրսօնեաֆ դարձաւ :

— Ա՛ռ սա ծրագիրն , աղէկ է :

— Ա՛ռ սա ծրագիրը , շատ լաւ է :

— Տո՛ւր սա Եանիան որ քեզի շատ աղէկութիւններ պիտի բերէ :

— Տո՛ւր սա Տուլչինեօն որ խալըսիս :

Մեզի ամէն կողմէ խրատ , յորդոր և ծանուցագիր կը զրկեն , մինչդեռ մենք դրամի միայն պէտք ունինք :

— 26 Յունիս —

Պ. Կոշէն կայսեր հետ տեսակցութիւն մը ունեցաւ :

Մեծ կարեւորութիւն կը տրուի այս տեսակցութեան : Պաշտօնէից փոփոխութեան խօսքեր կը լսուին ականջէ ականջ :

— — —

Եըլտըզի պալատէն հարճ մը Անդղիոյ դեսպանատունը փախչելով , անոր պաշտպանութիւնը խնդրած է : Ի՞նչ բանի համար . յայտնի չէ :

Արդեօք այս հարճն ալ ինքնօրինութիւն կը պահանջէ :

— 27 Յունիս —

Ամենակարեւոր յայտարարութիւն մը . . . : Կրօնական պատկառելի ժողովը պաշտօնական յայտարարութեամբ կը ծանուցանէ բարեպաշտ ժողովրդեան , որ իր և Պատրիարքին միջեւ բնաւ սնհամաձայնութիւն չկայ :

Մեր պաշտօնական չնորհակալութիւնները կը յայտնենք այս պաշտօնական յայտարարութեան :

— 28 Յունիս —

Պատերազմական դործոց նախարար Օսման բաշա , որ Բլէվլայի մէջ քառասուն հազար զօրքով ոսւսաց ձեռքը գերի իյնալուն ի վարձատրութիւն այս պաշտօնին բարձրացած էր , պաշտօնէ ինկաւ և անոր յաջորդեց Հիւաէյին Հիւանի բաշան , որ ժողովրդեան ծանօթ է իր անձանօրութեամբ :

Կ'ըսէն թէ Օսման բաշան պատերազմ ուզելուն սմար ինկաւ . իր յաջորդն ալ անշուշտ պատերազմ չւզելուն համար պիտի իյնայ :

Մենք ալ շուարեցանք մնացինք , թէ ի՞նչ ուզենք և ի՞նչ չուզենք :

— 29 Յունիս —

Այսօր կիրակի է և պաշտօնական կիրակի — շաբա-

թուան միւս օրերն ալ ժողովուրդը գործի չերթար, վասն զի թուրքիոյ մէջ գործ չկայ — սարսափելի տաք կ'ընէ, միայն թուրք լրագիրներն իրենց պաղ յօդուածներովը օդը կը բարեխառնեն:

«Թէրճիմանը Հագիգաթ»ն ամենէն պաղն է. Վիքթօր Հիւկօն, կ'ըսէ, քիւրտերէն դաս առնելու կարու է զեռ...: Քիւրտերն աշխարհիս ամենէն աւելի լուսաւորեալ ազգերէն մին կը կազմեն եղեր. լաթակա՞զմ թէ թղթակազմ:

Զղային հիւանդութեան ենթակայ մին եթէ տու ընելու տեղ գլխէն վար «Թէրճիման Հագիգաթ» թերթերէն թափէ, կը կարծնը մնձ օգուտ կը գտնէ:

—30 Յունիս—

Քաղաքականութիւնը թատերական ընկերութիւններէ ամիսը հինգ ոսկի տուրք պիտի առնէ: Այդ ընկերութիւնները թուրքիոյ մէջ ոչնչացնելու համար լաւագոյն ձամբայ մը չեր կարող գտնել քաղաքապետութիւնը:

Տուրք մըն ալ թատրոն գացողներէն առնելու է որ չերթան:

-----

Դերմանսական դեսպան Հացֆէլտ կոմսն այսօր Բ. Դրան պիտի ներկայացնէ դեսպանախորհուրդին ծանուցագիրը:

Քաղաքապետութիւնը ծանուցագիրներուն վրայ տուրք մը դնելու է որ խալսինք անոնց ձեռքէն...:

—1 Յուլիս—

Անաքսաքորաս կ'ըսէ, թէ բնութեան մէջ դատարկութիւն չկայ:

Ես կ'ըսեմ, թէ բնութեան մէջ դատարկութիւն չկայ:

Մի կարծէք, թէ հակառակ խօսած ըլլալու համար Անաքսաքորասի կարծիքը չեմ ընդունիր, երեսփոխան չեմ, փառք Աստուծոյ:

Այո՛, պարոններ, Անաքսաքորասի կարծիքէն չեմ... և Անաքսաքորաս ալ վշտանալու չէ. վասն զի Անաքսաքորաս գիտնալու է, թէ Անաքսաքորասի դարն անցած է, թէ Անաքսաքորասին մտիկ ընող չկայ և թէ մատէն մարդ Անաքսաքորասի պէս իրաւունք ունի իր կարծիքը յայտնելու: Կարծիքները շատ ազատ են այժմ և իրաքանչիւր ոք իրաւունք ունի այսօր առանց կարմրելու սեւին ճերմակ և ճերմակին սեւ ըսելու: Ես ալ կը վայելեմ այդ իրաւունքը քը, բայց խղճմանքի տէր ըլլալով՝ կը կոչեմ ոնձերն և իրերն այնպէս, ինչպէս որ կ'երեւին ինձ, և եթէ այս անձերը և իրերը չեն երեւիր ինձ այնպէս ինչպէս որ են, յանցանքը իմս չէ:

Ի՞նչ փաստ ունի այս Անաքսաքորասը պնդելու համար, թէ բնութեան մէջ դատարկութիւն չկայ, ինչո՞ւ անգամ մը աչքէ չէ անցուցած մեր երեսփոխանսական ժողովոյ ատենադրութիւնները, համոզուելու համար թէ բնութեան մէջ ո՛րչափ դատարկ խօսքեր կան: Թողունք ասիկա: Պ. Անաքսաքորաս կը հածի՞ արդեօք քիչ մը գլուխն երկնցնել և մեր կառավարութեան գանձին մէջը նայիլ՝ տեսնելու համար, թէ բնութեան մէջ ո՛րչափ դատարկ մնանելոր կան, մնանելու մանաւանդ, որ լեցուելու նպատակաւ միայն շինուած են:

Չեմ կարծեր, թէ Անաքսաքորաս իր կարծիքը փոխէ, բայց ես ալ կը հարցնեմ իրեն. «Եթէ մեր կառավարութեան մնանելը դատարկ չէր, ինչո՞ւ այսօր

գերմանացի ելեւմտագէտ մը եկաւ Պերլինէն մեր գանձ  
ձին վիճակը կանոնաւորելու համար»:

Անուրանալի ճշմարտութիւն մըն է որ մեր գանձն  
այսօր շատ խեղճ վիճակի մէջ է, անօթի ժողովուրդն  
անոր բարեկարգուելուն կը սպասէ անհամբեր, որ  
չնորհակալութեան գիր մը գրելով յիշեալ ելեւմտա-  
գէտին դիմէ և ներկայացնէ անոր իր... գրպանները:

Սակայն կէտ մը կայ որ իմ գարմանքս կը գրաւէ  
և այս կէտն ալ սա է որ, եթէ այս գերմանացին դա-  
տարկ գանձերը լիցնելու մասին այնչափ վարպետ է,  
Գերմանիան ինչո՞ւ այդ գերմանացին իր գանձին հա-  
մար չի պահեր:

Բայց Պ. Անաքսաքորաս միշտ կը պնդէ, կրկ-  
նելով.

«Բնութեան մէջ դատարկութիւն չկայ, ամէն բան  
չի է»:

Այո՛, լի է... բայց դատարկութեամբ...:

Պոլսոյ մէջ մարդս կամ քիչ մը հաւատք ունե-  
նալու է, կամ քիչ մը դդում... վա՛յ անոր որ ո՛չ  
հաւատք ունի և ո՛չ դդում, այնպիսին տգէտ է, ան-  
պիտան է, աշխարհիս ծաղըն իր վրայ շարժելու հա-  
մար ստեղծուած էակ մըն է:

Ընթերցողը գուշակեց անշուշտ որ ծովու լոգա-  
րաններու վրայ պիտի խօսիմ:

Հին յոյներու մէջ լողալն այնքան սովորական  
էր, որ մէկու մը տգէտ ըլլալն հասկցնելու համար  
կ'ըսէին. Ահա մարդ մը, որ ո՛չ կարդալ զիտէ և ո՛չ լո-  
ղալ, ինչպէս որ թուրքերն ալ այդ իմաստով հետեւ-  
եալ առածը կը զործածեն. ահա պատօնեալ մը որ ոչ  
զրել զիտէ և ո՛չ կաւառք ուտել. սակայն մտքէս չէր  
անցներ բնաւ, որ լուսաւորեալ գարուս մէջ ալ լո-

Դալու արհեստը չգիտնալը մոլութիւն համարուէր և  
երբ այն ժաղովրդեան ծաղու նշաւակ ըլլար:

Դիպուածով գանուեցայ այսօր լոգարան մը, ուր  
բազմութիւն հանդիսականներ աւագունին շուրջը աթո-  
ուակներու վրայ բազմած՝ աւագանին մէջ նետուողները  
կը գիտէին: Մեծն Վարդան ողբերգութիւնն այսչափ  
հանդիսական տեսած չունէր: Այս բազմութիւնը տես-  
նելով ինքնիրենս կ'ըսէի. «Մեր ազգայինները թատ-  
րոնի վարժեցնելու համար հարկ անհրաժեշտ է որ  
թատերաբեմերու վրայ լոգարաններ շինուին և գե-  
րասուններն ու գերասանունները լոգարաններու մէջ  
մտնեն և հոն կատարեն իրենց գերերը:»

Անոնք որ Պետրոս Առաքեալի պէս հաւատք ու-  
նէին, մեծ յաջողութեամբ կը սովային ջուրին վրայ  
և բուռն ծափահարութիւններ կ'ընդունէին, ինչպէս  
նաեւ անոնք որ դգում ունէին իրենց թեւերուն  
վրայ, ջուրին երեսը կը մնային և հանդիսականնե-  
րուն կողմէ կը քաջալերուէին. իսկ անոնք, որ ո՛չ  
հաւատք ունէին և ո՛չ դգում, ջուրին տակը կ'եր-  
թային և մեծ դգուարութեամբ դուրս կը հանէին  
իրենց գլուխը... հանդիսականներու քահքահաձայն  
ծաղու ունկնդիբ ըլլալու համար...:

Խղճիս գպաւ այս տեսարանն և դուրս ելոյ. սա-  
կայն քանի մը քայլ առնելէս ետքը համոզուեցայ,  
թէ միայն լոգարաններու մէջ տեղի չունենար այս  
ծաղը և թէ լոգարանէն դուրս ալ ամէն անհատ, ա-  
մէն անօրէնութիւն, ամէն կառավարութիւն իրեն աս-  
պարէզ ընտրած ծովու մէջ՝ ջուրին երեսը մնալու  
համար՝ դգումի պէտք ունի: Այս համոզումէն մզուած՝  
«Մոշեցի դգումի կապել.

Ա. Ապէտին բաշայի թեւերուն,

Բ. Մեր թաղային վարժարաններուն,

Հաքիքաթ», որ իր քաղաքական տասնեւլից բունթօյդուածներով մեծ ծառայութիւն կը մատուցանէ քիւրանու, կը յայտնէ թէ Հայաստանի մէջ ըլլալիք բարենորոգումները մեծ յուզում պատճառած են քիւրանուն և թէ կառավարութիւնը հեռագրով անոնց միրտը հանդարտեցուցած է:

Ապագայ բարենորոգումներու զրոյցն եթէ այսչափ յուզում պատճառէ, եթէ բարենորոգումները գործադրութիւն սկսին՝ ո՞րչափ յուզում պիտի պատճառեն արդեօք:

«Թէրձիման» քաշուած հեռագրին պատճէնը չի հրատարակեր, որ մենք ալ կարդայինք, բայց հաւանաբար հետեւեալն ըլլազու է.

«Քիւրտե՛ր, հսնգիստ եղէք, ազատ էք, ինչպէս ե երբ որ ուզէք հայերու ստացուածքը, կեանքն ու պատիւը բռնաբարելու. բարենորոգում չպիտի ըլլայ հոս. եթէ երբեմն երբեմն մեր բերնէն բարենորոգում բառը լսէք, մի հաւատաք, Եւրոպն խաբելու համար կը գործածենք զայն։ Դուք ձեր գործին նայեցէք և բնաւ հոդ մի ընէք, Օսմանեան բարեխնամ կառավարութիւնը զձեղ չի զրկեր և ոչ մէկ բանէ մը։»

Այս իմաստով հեռագիր մը միայն կարող է քիւրտերը հանդարտեցնել :

Բայց իրօք քիւրտերը յուզուած են և կառավարութիւնը հեռագիր զրկած է։

Մենք չենք հաւատար, «Թէրձիման»ը կը ստեղծէ այս լուրերը, առանց սակայն խորհելու, թէ երբ Օսմ. կառավարութիւնը Պերլինի 61րդ յօդուածն ընդունեց՝ Հարկ չտեսաւ յօդուած մըն ալ քիւրտերու յուզմունքին համար աւելցնել։

= 36 =

Գ. Միացեալ ընկերութեան գործադիր ժողովոյն,  
Դ. «Մասիս»ի մէջ Վոլնէի Աւերակի թարգմանին,

Ե. Երեւանու Պակին,

Զ. Թուրքիոյ զրահաւոր նաւերուն,

Է. Ծաղկակաղ արքեսից և գիտութեանց անուն հանդէսին։

Բայց ի՞նչ կ'ընեմ ես, այսպէս մի առ մի թուելով տասը հազար Փորձ կը լեցնեմ, համառօտեմ խօսքս և ըսեմ։

Մեր երկրին չորս կողմը գդումներ կապելու է, որ կարողանայ ջուրին երեսը մնալ, օտարներու ծիծաղէն խալսիլ և ապրիլ իր պարունակած այլ և այլ ժողովուրդներով...։

—2 Յուլիս—

Մայրաքաղաքիս մէջ ամէն օր գողութեան դէպքեր կը պատահին։ Երէկ յոյն մը և սստիկան մը աւճապարանօք ոստիկանութեան գոնէն ներս կը մտնէին։

Խուռան բազմութիւն մը կեցած էր դրան առջեւ. ամէն մարդ գիտէր, թէ գողութեան դէպք մը պեղի ունեցած էր, բայց ոչ ոք գիտէր, թէ սստիկանը ձերբակալած էր յոյնը, թէ յոյնը ձերբակալած էր ոստիկանը։

Այսօր ստուգուեցաւ որ գողութեան հեղինակը ստոիկանն է եղեր... ի՞նչ վտիոխութիւն... ատեն մը սստիկանները կը ձերբակալէին գողերը, իսկ այժմ գողերը կը ձերբակալին ոստիկանները։

—3 Յուլիս—

Չորս ամիսէ ի վեր յանձնաժողովը մը կայ Պոլսոյ մէջ, որու պաշտօնն է Երուսաղէմի պարտքերը բառնալ:

Այս յանձնաժողովը չորս ամիսէ ի վեր չորս գրադիր փոխեց. ահա այն միակ գործը, զոր տեսաւ չորսամու մէջ. եթէ ութ գրագիր փոխէր՝ տեղի մեծ գործ մը տեսած կ'ըլլար:

Սոյն յանձնաժողովոյ տաենապեան է այնպիսի մարդ մը, որ ոչ ինքզինքը կը ճանչնայ և ոչ դիմացինը . . . :

Կը կարծուի թէ յանձնաժողով մըն ալ պիտի կազմուի այժմ յիշեալ յանձնաժողովը բառնալու համար:

Իսկ մենք կ'առաջարկենք որ յանձնաժողով մըն ալ կազմուի Երուսաղէմի վանքը բառնալու համար, վասն զի քանի վանքը մնայ՝ պարտքն ալ պիտի մնայ և ազգն ա՛լ ժամանակ չունի վանքերու պարտուց համար ահագին գումարներ վճարելու. երեսուն հազար ոսկիով ազգը մեծ գործեր կարող է տեսնել:

— — —

Միացեալ Ընկերութեան գործադիր ժողովոյ անդամներու մէջ անհամաձայնութիւնը երթալով կ'աճի:

Ընկերութեան ազուոր անուն մը դնելու համար այսչափ վէճ ըլլալիքն եթէ առաջուց գիտնայինք, կ'առաջարկէինք որ Ընկերութեան անունն Արայ Գեցիկ դրուէքր . . . :

—4 Յուլիս—

Երբեմն այնպիսի պարտգաներ կ'ըլլան, ուր մարդու քանի կը կարդայ անասուններուն:

Եատ մը խնդիրներ կան, որ անասուններու մէջ լուծուած են և մարդերու մէջ գեռ վիճաբանութեան տակ են:

Լեզուի խնդիրը, օրինակի համար:

Զպիտի քննեմ, թէ ոչխարը գրաբա՞ր կը խօսի թէ աշխարհաբար, թէ գաւառաբարբառներ ունի՞ թէ ոչ, թէ ոչխարի լեզուն Հնդիկ եւրոպակա՞ն է թէ ոչ. ասոնք քննելու բնաւ պէտք չունիմ. վասն զի Բաղէշի մէջ ծնած ոչխարին լեզուն շատ ազիկ կը հասկնայ այն ոչխարը որու հայրենիքն է Սպանիան, մինչդեռ մշեցիի մը հայերէնը չի հասկնար Պոլսոյ հայն, որու լեզուն չի հասկնար վանեցի հայն, որու լեզուն չի հասկնար և այլն և այլն: Այս խառնաշփոթ լեզուներուն վրայ տեելցուր նաեւ այն հայերէն լեզուներն, որոնք ամէն օր կը շինուին և ամէն օր կը կործանուին, այն ատեն գուալ ինծի պէս երջանիկ պիտի գտնես գրականութիւնն անասուններու, որոնց իւրաքանչիւր տեսակն իր տեսակին լեզուն կը հասկնայ:

Այս տողերուն պատճառ տուաւ այն առիթը, զոր այսօր ունեցայ վասնայ գիւղերէն նոր եկած համբորդի մը նետ տեսնուելու: Սովին վրայ տեղեկութիւն հարցուցի իրեն և ան ալ պատասխանեց ինծի շատ մը բառերով, որոնց և ոչ մին հասկցայ, բացի մաւալիս բառէն . . . :

—5 Յուլիս—

Առատ առատ նօրաներ, բայց մուզիքային ձայնը չլսուեցաւ գեռ . . . : Դեսպաններն ամէն օր նօրաներ կը խմբագրեն և Բ. Դրան կը զրկեն. Բ. Դրան պատուհանէն ալ այդ նօրաներուն նօրաներով կը պատասխանուի:

Բ. Դուռն այսօր դեսպաններուն նօրա մըն ալ զրկեց, որով կը ծանուցանէ թէ անհնարին է իրեն Տուչինեօն Գարատաղի յանձնել:

Վեց տէրութիւնները կը ստիպեն զմեզ որ բոլոր սահմանակից տէրութիւններուն կամ իշխանութիւններուն մէջմէկ կտոր երկիր տանք: «Տուէք այդ երկիրները որ, կ'ըսեն, Թուրքիոյ ամբողջութիւնը պահպանենք... ձեղի համար մեծ բարիք է որ այդ երկիրները ձեռքէ հանէք... Պերլինի դաշնագրութեան առջեւ մոմ վառելու էք որ ձեր իրաւունքները հզօրապէս պաշտպանեց»:

Կեցցե՞ն պաշտպանք Թուրքիոյ...:

—————

Դեսպաններն այսօր նոր ժողովք ըրին հայկական խնդրոյն համար:

Անգղիոյ և Ֆրանսայի դեսպանները մէջմէկ ծրագիր պիտի պատրաստեն:

Ժողովրդեան մէջ ումանք կը պնդեն, թէ Ֆրանսայի դեսպանին ծրագիրը պիտի ընդունուի, ոմանք ալ կը պնդեն թէ Անգղիոյ դեսպանին ծրագիրը պիտի ընդունուի. ես կը պնդեմ թէ և ոչ մին պիտի ընդունուի: Հայ կուսակալ մը դնելու զրոյցն երթալով հաստատութիւն կը գտնէ:

—6 Յուլիս—

Ամենապատիւ Սրբազն Պատրիարքն այսօր պատրագ ըրաւ Ղալաթիա, որու եկեղեցւոյն տօնախըմբութեան օրն էր:

Շատ մը գողեր ուխտաւորներէն ստակ գողցան:

Գողերէն մին, որ հայ էր, ձերբակալուեցաւ Քանի մը ազգայիններ հարց ու փորձ ըրին զինքը.

— Ուսկի՞ց առիր աս երկու մէնիտիկն:

— Գանձանակէն առի:

— Ինչո՞ւ առիր:

— Ի՞նչ կ'ըլլայ եղեր առնելով:

— Գողութիւն եղած կ'ըլլայ:

— Ես գող չեմ:

— Ինչո՞ւ առիր և գրպանդ դրիր:

— Նախորդ թաղական խորհրդոյ անդամներէն եմ ես:

— Սուտ կը խօսիս, դու բնաւ թաղական խորհրդոյ անդամ եղած չես. բայց ենթադրելով թէ եղած ես, ի՞նչ ըսել կ'ուզես:

— Սա ըսել կ'ուզեմ որ թաղական խորհրդոյ անդամ մը կարող է այդպիսի բան մը ընել, առանց գող ըսուելու:

Պատասխանը գոհացուցիչ լինելով, մարդուն ճամբայ տրուեցաւ:

—7 Յուլիս—

Ամէն մարդ հետաքրքիր է գիտնալ, թէ տէրութիւններն ի՞նչ ընթացք պիտի բռնեն եթէ Թուրք կառավարութիւնը դժկամակի Պերլինի դեսպանախորհրդոյ որոշումները գործադրելու:

Ժողովուրդը երբեմն խստապահանջ կ'ըլլայ և գիտնալ կ'ուզէ տէրութիւններու բռնելիք ընթացքը, ոոր տէրութիւններն իսկ չեն գիտեր...:

—8 Յուլիս—

Եթէ պատուանչանի վաճառականութիւն ընել ոո-

Վորութիւն եղած ըլլար՝ ամէն ամէն ասեմ ձեզ՝ տարուան մը մէջ Ռօչիլտի չափ հարուստ կը լինէի :  
— Ի՞նչպէս :

— Թուրքիայէն աժան գնով պատուանշան կ'առնէի, նաւերով Եւրոպա կը դրկէի և միլիոնաւոր ոսկիներ կը քաշէի :

Վերջին օրերս շատերը հոս պատուանշան առին և շատ աժան գիներով . . . կարծեմ շատ առնողին տէրութիւնը պատրաստ է հարիւրին զեղչ մը ընել . . . ափսո՞ռ որ մեր պատուանշաններն ալ մեր արժեթուղթերուն պէս յարդ չունին Եւրոպայի մէջ . . .

-----

Շաբթուս արտաքին բերքը Ժեղվիքներն են . . . շոգենաւերն այս ապրանքէն կը բերեն մեղի առաւառութեամբ :

Եթէ մաքսատան անօրէն ըլլայի, ծանր տուրք մը կ'առաջարկէի ասոնց որ մեր երկիրը չմտնեն :

Բայց այս մարդերը դրամ կուտամն . . . ապրանքին տեսակէն հարիւրին տասը առնելու իրաւունք ունիս, կ'ըսեն, և տաս տասնընդինք Ժեղվիք կը թողուն մաքսատուն և կը հեռանան :

Մաքսատան անօրէնութիւնը որո՞ւ ծտխէ ասոնք, թաշկինակ, դուլպայ կամ գաւաթ չեն որ վաճառականներու ծախէ :

Ահա այնպիսի ապրանք մը, որ ո՛չ կ'առնուի և ո՛չ կը ծախուի . . . գոնէ իրենց մականունը փոխէին թշուտականները . . . Յիսուսեան . . . ի՞նչ անպատութիւն Յիսուսի . . .

— 9 Յուլիս —

Թնդանօթ նետեցէ՞ք . . .

Վերջապէս ազգային երեսփոխանական ժողովոյ բացումը տեղի պիտի ունենայ յառաջիկայ ուրբաթ օրը, Յուլիսի 11ին : Բոլոր երեսփոխաններն հրաւիրուած են, ինչպէս որ սովորութիւն է, ներկայ գըտնուիլ, ունայն խօսքեր ընել և իրենց ազգասիրական պարտքը կատարել :

Ս. Պատրիարքը պիտի բանայ ժողովը և բացման առթիւ պիտի խօսի հայ քաղաքականութեան վրայ :

Ազգայիններն անհամբեր Յուլիս 11ին կը սպասեն Պատրիարքին բերնէն աւետիս առնելու համար : Ես ալ սպասեմ ուրեմն :

— 10 Յուլիս —

Վերջին ոռւս-թրքական պատերազմը չհրատարակուած՝ Միդհատ փոշան ընդհ. ժողով գումարեց հոսե ամէն ազգի գլուխները հրաւիրելով իրենց հարցուց .

— Թող կուտա՞ք որ մեր կառավարութեան անկախութեանը վեսանեն :

— Թող չենք տար, թող չենք տար, պատասխանեցին իրեն :

— Թուսիոյ դէմ կ'ուզէ՞ք պատերազմիլ :

— Այո՛, պատերազմիլ կ'ուզենք, կուրծքէն զարսուելով մեռնիլ կ'ուզենք, քան թէ մեր անկախութիւնը վասառած տեսնել . . . 0՝, մեր անկախութեան մատ չենք դպցուներ, այդ չըլլար :

— Բայց մեծ զոհողութիւններ պէտք են, կարո՞ղ էք դիմանալ :

— Կարող ենք, անօթի կը մնանք և կը պատերազմինք առաջ Աստուած :

Այս պատասխանները տուին դրեթէ բոլոր ազգին

գլուխներն , որոնք ուրիշ կերպով չէին կարող պատասխանել , կը քարկոծուէր եթէ յանդգնէր մէկն ըսել՝ չպատերազմինք :

Այս օրերս զրոյց կը պտտի , թէ նմանօրինակ ընդհ . ժողով մը պիտի գումարուի և կարծիք պիտի հարցուի եղեր , թէ Յունաստանի դէմ պատերազմելո՞ւ է թէ չէ :

Եթէ յաղթող ենենք , ի՞նչ պիտի շահինք , խնդիրը հոս է :

Եւրոպան մեզի պիտի ըսէ .

«Մեծ քաջութեամբ կոռւեցաք և Յունաստանին յաղթեցիք , ապրիք . բայց որովհետեւ Յունաստանը մեծ վես ըրաւ՝ ուստի պէտք է որ դեսպանախորհրդոյ որոշած տեղերէն զատ ուրիշ քանի մը մեծ քաղաքներ ալ տանք խեղճին որ վեսը գոցուի» :

Որչափ շատ յաղթենք , այնչափ տեղ կը կորսնցը-նենք և միշտ պատերազմիլ կ'ուզենք . . . :

— 11 Յուլիս —

Ազգային երեսփոխանական ժողովը բացուեցաւ : Ամեն . Ս . Պատրիարքը ներկայ չէր :

— Ո՞վ բացաւ ուրեմն ժողովը :

— Ոչ ոք . . . ինքնիրմէն բացուեցաւ :

Ս . Պատրիարքը նամակ մը գրելով հզմիրլեանի , յայտնած էր թէ ակարութեան պատճառաւ չէր կարողացած ժողովոյն ներկայ գտնուիլ , թէ Աստուծոյ ողորմութեամբը հայկական խնդիրէն յուսահատ չէր , թէ ակարութեան պատճառաւ ամիսէ մը ի վեր պատրիարքարան գացած չէր և ասկէ ետքն ալ երթալու ժամանակ չունէր և վերջապէս հրաժարական տալով կը կնքէր նամակը :

Իզմիրլեան այս նամակը կարգաց և ատեանը . . . դոցուեցաւ դիւանի ընտրութենէ ետքը :

Հայկական խնդրէն չյուսահատիլն ամէնուն ուրախութիւն պատճառեց , բայց Աստուծոյ ողորմութիւնը քիչ մը տրտմեցուց ժողովուրդը :

— 12 Յուլիս —

Կարնոյ մէջ անհամաձայնութիւն երկու առաջնորդներու մէջտեղ :

Հոռվմէական ազգայիններու առաջնորդ Մելքիսեդէկ գերազայծառը կը պնդէ եղեր տեղւոյն կառավարութեան ժողովներու մէջ գեր . Օրմանեանէ վերնստիլ և թուղթերն անկէ առաջ ստորագրել :

Գեր . Մաղաքիս վարդապետ Օրմանեան կը բոռ-դոքէ և ժողովէն գուրս կ'ելնէ առանց ստորագրելու :

Եթէ ևս Օրմանեանի տեղ ըլլայի , երբ տեսնէի որ Մելքիսեդէկ իմ տեղս նստած է , ևս ալ կ'ելնէի անոր կոնակը կը նստէի . . . : Նստելու վերաբերեալ խնդիրները լուծելու կարծ ճամբան աս է :

Վանայ Պօղոս վարդապետը եպիսկոպոսութեան աստիճանի բարձրանալ կը փափաքի եղեր , և պատրիարքարանը Խրիմեանի կը հարցնէ , թէ այդ մարդն արժանի՞ է եպիսկոպոսութեան :

Յայտնի է որ այս վարդապետին ինչ ըլլալը քսան տարիէ ի վեր ազգին հասկցուցած է Խրիմեան , և այս պատճառաւ հալածուած է յիշեալ վարդապետէն և պրեամբէնէրէն . արդ՝ ի՞նչ կը նշանակէ Ս . Պատրիարքին այս մասին Խրիմեանէ տեղեկութիւն ուզելն :

Զարմանալի՞ բան . . . որպէս թէ բոլոր եպիսկոպոս ձեռնադրութեածներն արժանի լինէին եպիսկոպոսութեան . . . :

—13 Յուլիս—

Սաոյդ վիճակագրութեան մը նայելով՝ Պոլսոյ հայերն այսօր ունին երեք հազար չորս հարիւր գիւնետուն, երեք գըսավաճառի խանութ, հազար երկու հարիւր պարի դասատու, հինգ հայկաբանութեան դասատու, երկու հարիւր զբանարան, երեք թանգարան, չորս հազար ծրար խաղի թուղթ, հինգ լրագիր:

Եւ այս վիճակագրութիւնը հերիք է Պոլսոյ հայերու բարոյական վիճակը ցոյց տալու:

Տրապիզոնէն շարունակ զօրք կուգայ հոս . . . շատ ապացոյցներ ունինք հաւատալու որ մեր կառավարութիւնն Յունաստանի գէմ պիտի պատերազմի:

Լրագիր մը կը ծանուցանէ որ Գարատաղի և Ալպանացիներու մէջտեղ պղտիկ կոխներ տեղի ունեցած էն:

Ուրիշ լրագիր մըն ալ կը ծանուցանէ, թէ Գարատաղի և Ալպանացիներու մէջտեղ կոխներ տեղի ունեցած չէն:

Պոլսոյ մէջ լրագիր մը պէտք է, որուն պաշտօնն ըլլայ միայն սուստ լուրերը հերքել:

—14 Յուլիս—

Այսօր Պոլսո եկաւ Պ. Սըր Ռիվըրս Ռւիլսըն, որ առաջ Եղիպատոսի ելեւմտական վիճակը բարւու-

քելու համար Անգղիայէն պատուիրակ գացած էր Փահիրէ:

Այլ և այլ մեկնութիւններ կը արուին այս անձին հոս գալուն վրայ:

Եթէ քանի մը օրէն մեկնի՝ նորէն մեկնութիւններ պիտի արուին:

Խմբագիրներն իրենց լրագիրները քշելու համար այն տեսակ լուրեր միայն կուտան, զորս ժողովուրդը մեծ հաճութեամբ կը կարդայ:

—————

Վեց տէրութիւնները նաւային ցոյց մը ընել որոշած էն, իրենց որոշումներն Բ. Գրան գործադրել տալու համար:

Բ. Դուռը այս նաւային ցոյցին առաջքն առնելու ճամբայ մը գտնելու նպատակաւ, բոլոր նախարարները ժողովի հրաւիրելով որոշեց՝ Մէքքէէն վեց կամարդներ բերել տալ, որպէս զի կարդան, դեւերը հրաւիրեն և վեց տէրութիւններու մէջ անհամաձայնութիւն դոյցացնեն:

Առ այժմ դեւերու տեղ մարախներ թափուեցան մայրաքաղաքիս մէջ, որոնց մէկ մասը անօթութենէ մեռաւ և միւս մասն ալ սնունդ չգտնելուն պատճառաւ Ասիոյ կողմը անցաւ:

—15 Յուլիս—

Լրագրի մը մէջ հետեւեալը կը կարդամ.

«Բ. Դուռը պատերազմական նախարարին խընդիրանոք հրաման վրկած է գաւառական իշխանութիւններուն, որ իւրաքանչիւր գաւառի մէջ գտնուած

Ճիերուն վիճակագրութիւնը շինելով Բ. Դրան զրկեն :  
Հապա պայտերու վիճակագրութիւնը :  
Վերջին պատերազմէն դարձող ճիերուն մեծ մասը  
պայտ չունէին :

Ինչ որ գուշակած էի անցեալ ամսու առաջին  
օրը, այս ամսու տասնըհինգին կատարուեցաւ :

Ըստ էի Պ. Գ. Ապտուլահ վառվուն երիտա-  
սարդի համար, թէ չպիտի կարողանայ Միացեալ Ըն-  
կերութեան գործադիր ժողովոյ մէջ առենապետու-  
թեան պաշտօն վարել, և թէ ինքն արժանաւորու-  
թիւն ունի առենապետութիւն ընել այնպիսի ժողո-  
վոյ մը, որու պաշտօնը լինի չէնքեր կառուցանել օ-  
դի մէջ :

Մարգարէութիւնս կատարուեցաւ. քառասունը-  
հինգ օր շարունակ վիճաբանելէն ետք, գործադիր ժո-  
ղովոյ անդամներն հրաժարական տուին : Իրենց հրա-  
ժարականն ընդունուեցաւ և ուրիշ գործադիր ժողով  
մը ընտրուեցաւ :

Այժմեան գործադիր ժողովը պաշտօնէութեան ձե-  
ւով կազմուեցաւ : Պ. Յովհաննէս Թորոսեանի յանձ-  
նուեցաւ, որ իր ուզած անձերէն գործադիր ժողով մը  
կազմէ և այս անձն ալ կազմեց զայն այն անձերէն,  
զորս ուզելու հարկադրուած էր . . . Յարգոյ հասա-  
րակութիւնն համոզուեցաւ, թէ չահախնդրութիւնն էր  
և է անմիաբանութեան պատճառն և միաբանութիւնն  
այն ատեն իր գրոշը պիտի պարզէ, երբ գործադիր  
ժողովոյ իւրաքանչիւր անդամն ընկերութենէն շահ մը  
հանէ իր անձին համար և աս ալ հաւանական չէ առ  
այժմ :

Արդ՝ ցաւելով կը ծանուցանենք, թէ Միացեալ  
Ընկերութիւնն իր համակրութիւնը կորուսած է .  
զայն գանողին և տիրոջը դարձնողին մեծ վարձա-  
տրութիւն խոստացուած է հոս :

«Թէրձիմանը Հաքիքաթ» այս օրերս, ինչպէս  
կ'ըսէ ուսմիկը, ածուխ է կերած և հուր կը ժայթքէ  
բերնէն :

Ի՞նչ իրաւունքով, կ'ըսէ այս լրագիրն, Աւատը-  
րիոյ կառավարութիւնը թերթիս Պօնա և Հերսէք  
մանեւը կ'արգելու . . . միթէ այս քաղաքները օսման-  
իան բարեխնամ կառավարութեան չեն :

Զգիտենք թէ այս հարցումը որո՞ւ կ'ուղղէ . եթէ  
ինձի ուզած ըլլար, ես հետեւեալ պատասխանը կու-  
տայի .

«Բարեկամ, Աւատրիոյ կառավարութիւնը քանի  
որ առ ժամանակեայ կերպով տէր եղած է այդ քա-  
ղաքներուն, առ ժամանակեայ կերպով կ'արգելու քու-  
թերթիդ հոն մանեւը : Սա ալ մոռնալու չէ, որ քա-  
ղաքակիտութեան մէջ առ ժամանակեան մօնղենաւոր  
կը նշանակէ :»

Օրէնքը մեծ խստութեամբ կը գործադրուի Պարս-  
կաստանի մէջ :

Յիշեալ կառավարութեան ներքին գործերու պաշ-  
տօնեան որոշուած գնէն բարձր գնով ուտելիք ծա-  
խողներուն ականջը կտրած է : Ականջը խօսի :

Այս պատիժն հոս ալ կարելի էր գործադրել, եթէ

ծախողները հարիւրական ականջ ունենային։ Եթէ այսպէս լինէք, օրը անոնց իւրաքանչիւրէն տառնական ականջ կը կտրէինք, տասն օրուան մէջ կարող կը լինէինք թերեւս զանոնք ուղղութեան հրաւիրել։ Մեր ծախողները միշտ այնչափ բարձր գիներով կը ծախեն, որ այդ հաշուով իրենց երկու ականջը կէս ժամուան մէջ կը կորսուին, վերջը ի՞նչ պատիժ տալու է։

Բայց նախ և առաջ քաղաքապետութեան ականջը կտրելու է, որ ժողովրդեան սովորականէն վեր գնով հաց գնել կուտայ։

Բարեկամներ, եթէ այդ պատիժը անաչառաբար գործադրուի Թուրքիոյ մէջ, քիչերը արժանիք պիտի ունենան ականջ կրելու։

— 17 Յուլիս —

Հայկական խնդիրն Անգղիոյ խորհրդարանին մէջ միշտ վիճաբանութեան նիւթ կ'ըլլայ. թեր ու դէմ խօսողները պակաս չեն։

Վերջին գումարման մը մէջ Սըր Վ. Լոսըն հետեւեալ կերպով կը յանձնարարէ մեր աղգը։

«Քիչ բան դիմում, կ'ըսէ, այս աղգին վրայ, բայց մանկութենէս ի վեր լսած եմ թէ հայերն ամենամեծ խարեւաներ են Եւրոպիոյ մէջ» — չգիտցուիր թէ հայերը փոխադրած է Եւրոպա թէ Եւրոպան փոխադրած է Ասիոյ կողմը։

Սըր Վ. Լոսընի Եւրոպիոյ մէջը խորհրդարանին ծիծալը կը շարժէ և Սըր Վ. Լոսըն խօսքն ետ առնելով կ'ըսէ։

«Եւրոպիոյ մէջ չէ, աշխարհի մէջ»։

Սըր Վ. Լոսըն մեր աղգին նկատմամբ քիչ բան

դիմաւով ծաղրելի չէ այսպէս խօսելուն համար, վասն զի ուրիշներն առանց բանի մը վրայ տեղեկութիւն ունենալու կարծիք կը յայտնեն. օրինակի համար Մոլիէրի Ագանին հետեւեալ կտորին մէջ վալերը.

«Հարբակօն. — Վալե՛ր, զքեղ դատաւոր կարգեցինք մեր վրայ. ըսէ՛ ուրեմն, ե՞ս իրաւունք ունիմ թէ աղջիկ»։

Վալեր. — Յայտնի է որ դուք իրաւունք ունիք։ Հարբակօն. — Բայց գիտէ՞ք թէ ի՞նչ է խնդիրը։ Վալեր. — Ոչ, բայց դուք չէք կրնար իրաւունք չունենալ, իրաւունքը ձեր քովն է»։

Այսպէս ալ Անգղիոյ խորհրդարանին Վալերը կ'ըսէ հայ աղգին. — Ճես կրնար խարեւայ չըլլալ, թէ պէտ և զքեղ ճանաչելու պատիւը չունիմ։

Ես կը կարծեմ թէ այս մարդը կտաւի վաճառական մըն է և մեր աղգայիններէն մէկէն վնաս տեսած է առուտուրի մէջ. ուստի կտաւին վրէժը հայկական խնդիրէն կը լուծէ……

— 18 Յուլիս —

Այսօր նորէն գումարուեցաւ աղգային երեսփոխանական ժողովը։

Այսօր նորէն բացակայ գանուեցաւ Ս. Պատրիարք Հայրը, տկարութեան պատճառաւ. Երեսփոխաններէն շատերը ներկայ չէին իրենց. . . քաջառողջութեանը պատճառաւ. Անոնք միայն ներկայ էին, որ թեմեւ հարբուխ ունէին։

Դիւանի նորընափիր անդամները միաբերան հրաժարական տուին. Ս. Պատրիարքին պիտի յանձնարարէն, որ դիւանին անդամներուն երթայ և աղաչէ, որ իրենց պաշտօնը աղգասիրաբար կտարեն։

Աղջային ժողովոյ մէջ պաշտօն յանձն առնելն ալ  
ձեւեր ունի, ինչպէս տուներու մէջ խահվէ կամ թէյ  
լսմելը.

- Հրամմեցէ՛ք, առէ՛ք ձեր թէյը:
  - Ենորհակալ եմ, ես չեմ ուզեր:
  - Կ'աղաջեմ, ընդունեցէ՛ք:
  - Դուք հրամմեցէք:
  - Ես ալ պիտի տոնեմ:
  - Եթէ գուք առնէք՝ ես ալ կ'ընդունիմ:  
Եւ թէյը վերջապէս կը խմուի:
- 

Իմ կողմէս հարցում մը երեսփոխանական ժողովոյն.

— Ծովուն տակը չերթալու համար շատերը զդում  
եը կապեն իրենց թեւերուն վրայ, երկինք չհամբառ-  
նալու համար թեւեւներն ինչո՞ւ համար կապար չեն  
կապեր իրենց ուներուն, երբ ցամաքի վրայ դանուին:

—19 Յուլիս—

Կարո՞ղ էք խորանէն թատերաբեմ ցատկել:

Պատասխան տուէք, համարձակութիւն ունի՞ք  
ի մէջ անարիս և առաջի Աստուածինկալ և այլն  
ըսելէն ետքը լա դօնեա և մօպիլէ, բուալ բիում ալ  
վենո երգել:

Եթէ գուք կարող չէք՝ Թարգմանեան գերապա-  
տիւ Անտոն վարդապետը կարող է:

Այո՛, այս վարդապետը Ֆօքշանի մէջ եկեղեցա-  
կանութիւնը թողլով կալացի մէջ խոտական թատե-  
րաբեմին վրայ գերասանութիւն ընել սկսած է:

Իր ամրեքին նայելով՝ պէտք է որ սիրահարի գե-  
րը կատարէ:

Անկեղծաբար խօսելով ուրախ ենք որ յիշեալ  
վարդապետն այս քաջութիւնն ունեցած է և ազգին  
մեծ ծառայութիւն մատուցած է, երանի թէ ուրիշ  
կղերներն ալ Թարգմանեանի օրինակին հետեւէին և  
մտնէին այն ասպարէզին մէջ, որ իրենց սիրելի է:

Աւելի ուրախ պիտի ըլլայինք՝ եթէ Թարգմանեան  
վարդովեանի խումբը մտնէր հոս, կամ Տփխիս եր-  
թար և աղբային ներկայացումներ տար:

---

Իգական սեռի ծովու բալնիքին մէջ.

— Տիկին, չնայիս ո՞վ է սա կինը:

— Ի՞նչպէս ճանչնամ, գլուխը ծովուն մէջն է և  
ոտները միայն կ'երեւէին ջուրին վրայ:

— Աղէկ ա՛, չվազե՞ս աղատելու... պիտի խեղ-  
դուի...:

— Կէս ժամէն աւելի է որ այդպէս կեցած է և  
ես ալ կը կարծէի որ իր պզտիկ ոտները ցուցնելու  
համար այդ գիրքով կեցած էր...:

—20 Յուլիս—

Սաստիկ տաք...:

Կնիկներն էրիկներէ քաժնելու չափ տաք...:

Այսօր քանի մը կնաթողութիւններ տեղի ունե-  
ցան:

—21 Յուլիս—

Զերմաշափն այսօր չուքի մէջ քառասունըմէկե-  
րորդ աստիճան կը ցուցնէ:

Այս տաքութիւնը կարծես հերիք չէր և ահա կառավարութիւնը Պայազիտի հրապարակին վրայ դարձեալ մեծ քանակութեամբ թղթադրամ այրեց :

Աւելի լու չէր լինէր, որ կառավարութիւնը ձմեռուան պահէր այրուելիք թղթադրամները, որպէս զի ձմեռուան ցուրտ օրերուն մէջ խեղճ և աղքատ ժողովուրդը քիչ մը տաքնար :

Մէկ կողմէն ալ կը խորհինք, որ կառավարութիւնը մեծ շուայլութիւն մը կ'ընէ այսպէս մոխիք զարձնելով իր թղթադրամները, որոնք կրնան վառարաններու մէջ գործածուել :

Ես՝ որ տարին եօթը ոսկի կուտամ փայտի և ածուխի համար, երկու միլիոն թղթադրամի համար սիրով կը վճարեմ չորս ոսկի և այդ քանակութեամբ թղթադրամով տարի մը թէ՛ կը տաքնամ, թէ՛ կերակուրներս կ'եփեմ և թէ՛ լաթերս լուսնալ կուտամ: Ուրիշներն ալ ծախու կ'առնեն ինծի պէս և կառավարութիւնն ալ շահ մը կը գոյացնէ :

Փառք Նախախնամութեան, թղթադրամներն այնչափ առատ են, որ քսան տարի կրնան դոհ ընել Պոլսոյ ժողովուրդը . . .:

—22 Յուլիս—

Մէծ անիրաւութիւն մը . . .:

Սիկիլիոյ Քաթանա քաղաքին օսմանեան գերահետափոսը տեղւոյն դատական իշխանութեան կողմէրանտարկուած է :

Ինչո՞ւ :

Վասն զի այս դեր-հիւպատոսը մասնակցած է ժողութեան մը, որ ասկից առաջ տեղի ունեցաւ Հռոմի ազգային պանքայի մէջ :

Մեր պաշտօնեաները շատ սրբողած են այս բանապարկութեան դէմ և կը զրցուի, թէ այս օրերս բողոք մը պատրաստելու վրայ են հարցնելու համար, թէ օտար կառավարութիւն մը ինչ իրաւունքով կը պատփէ օսմանեան կառավարութեան պաշտօնեաներուն մէկ հնաւանդ սովորութիւնը :

Մենք ալ կը ձայնակցինք իրենց և կը պոռանք, կրօնքի և սովորութեան ազատութիւն . . .:

Քաղաքական պարտամուրհակ մը . . .:

Օսմանեան բարեխնամ կառավարութիւնն հետեւեալը ստորագրեց այսօր .

«Ստորագրեալս թուականէս քսանըմէկ օր ետքը պարտաւոր եմ ներկայս բերողին վճարել Տուլչինեօն, որ Գարատաղի պիտի յանձնուի»:

— Եթէ չվճարէ՞ :

— Վեց տէրութիւնները պիտի տան և մեր տէրութեան հաշուոյն պիտի անցնեն :

Արդ, Գարատաղի խնդիրը լուծուած է . . . թուղթի վրոյ :

—23 Յուլիս—

Յունաստանի խնդիրն ալ գիւրութեամբ կը վերջանար, եթէ անոր ալ ուզածը չափազանց չըլլար :

Սահման գծողներն որ քաղաքին մէջ որ յոյն տեսած են՝ Յունաստանի տուած են զայն . . . եթէ ասոնք իզմիր երթալու պատիւն ունենային, այդ քաղաքն ալ Յունաստանի պիտի տային :

Մեր կառավարութիւնն որոշած է մինչեւ վերջին

շունչն ընդգիրմանալ, ուզոււած տեղերը Յունաստանի տալու համար: Արիւնով առնոււած են անոնք, կ'ըսեն թուրք լրագիրները, և արիւնով միայն կրնան տրուիլ, մինչդեռ յոյն լրագիրները կը պնդեն, որ կարմիր մելանով տրուին անոնք:

Կլատոթընի տկարութեանը վրայ կ'ուրախանան տեղւոյս թուրք լրագիրները. եթէ հեռագիրը վաղը լուր տայ, թէ կլատոթընի հիւանդութիւնը ծանրացաւ, մայրաքաղաքիս տաճիկ լրագիրները խնձոյք մը ընելու միտք ունին:

Հայատանի մէջ հարստահարութիւնները կը շարունակուին: Մեր կառավարութիւնն երեալ հոն գարձնելու ո՛չ ժամանակ ունի և ո՛չ ալ կամք: Իրաւունք ալ ունի, այն մարդն՝ որուն փորը կը ճեղքեն բժիշկները, սանտր չուզեր անշուշտ մօրուքը սանտրելու համար...: Բայց մօրուքը խառնաշփոթ վիճակի մէջ է եղել, որու հոգ. երբ բռնկի՝ այն ատեն կարեւուրութիւն կը տրուի... մօրուքին:

Սըր Ռ. Լուսն վեհանձնութեամբ յետա կը կոչէ այն խօսքն, որով թշնամանած էր մեր ազգը:

Մեծ ցաւ զգացած է եղեր բերնէն այդպիսի խօսք մը փախցուցած ըլլալուն համար, մեր ազգը պատռաւոր ազգ մըն է եղեր և իր մէջ, ուրիշ ազգերու հետ բաղդատմամբ, գէշերը սակաւաթիւ են եղեր:

Երբ կը խոստովանի մէկը, թէ այս ինչ խօսքը բերնէս փախած է՝ պատասխանատութենէ կ'ազատի, մարդս իր կամքովն իր բերնէն դուրս ելած խօսքեարուն միայն պէտք է պատասխանատու նկատուի:

Բնութիւնն երբեմն այնպիսի խօսքեր կամ ձայներ հանել կուտայ մեղի, որոնք անշուշտ հաճութիւն չեն պատճառեր լսողներու, բայց որովհետեւ անոնք մեր կամքէն կախում չունին՝ մեր ալ պատասխանատութիւնը հրաւիրելու իրաւունք չունին:

Սըր Ռ. Լուսն դատը վաստկած է:

Ամերիկացի բժիշկ մը, տօքթէօր Թաննէր, բժշկական քննութիւն մը ընելու համար քառասուն օր անօթի մնալու որոշում տուած է:

Այս բժիշկն այժմ քսանեօթը օր է որ անօթի կը մնայ: Ամերիկայի, ինչպէս նաև Եւրոպայի բալոր լրագիրներն ահազեին էջեր կը զոհին այս մարդուն համար:

Զաթալճայի ամրութիւնները պահպանող օսմանեան զօրքերն անցեալները երեսունհինգ օր անօթի մնացած էին և տեղական լրագիրներէն ոչ մին յօժարեցաւ երկու տող գրել, իսկ հիմա ալ ամերիկացի բժիշկ մը փորձի մը ձեռք կը զարնէ, աշխարհիս բոլոր լրագիրները իրենց էջերը գովեստով կը լեցնեն, մինչդեռ այդ գիւտին փառքը Զաթալճայի զօրքերուն կը վերաբերի, այն զօրքերուն, որ երեսունհինգ օրէն աւելի չկարենալով գիմանալ՝ զէնքերը կը թողուն, եղելութիւնը կ'իմացնեն և Օսման բաշայի անկումը կը պատճառեն:

Զօրքերն ալ մէկդի գնենք և դարձեալ պիտի ականենք, որ այս գիւտը նոր բան մը չէ. մեր գրա-

դէտներուն ամենէն հարուստը վարժուած է տասն օր անօթի մնալու:

Մարդս կ'ամչնայ ասանկ սովորական մէկ բառը իբրեւ դիւս լրագիրներու մէջ անցընելու:

----

Այսօր նորէն գումարուեցաւ ազգային երեսփոխանական ժողովը: Ս. Պատրիարքը բացակայ էր հիւնդութեանը պատճառաւ:

Վարչական կազմակերպութեան ծրագիրը նկատողութեան առնուելով՝ քուէի դրուեցաւ հետեւեալ իմաստով.

«Ով որ վարչութեան կազմակերպութեանը ստիպողականութիւնը կը ձանաչէ և յաջորդ նիստին մէջ անոր վերջնական որոշումը կ'ուզէ, թող ձեռքը վեր վերցնէ»:

Մէկ մասը վեր առաւ իր ձեռները:

Մէկ մասն ալ յայտնեց, թէ վարչական կազմակերպութեան ստիպողականութիւնը կը ձանաչէ, բայց յաջորդ նիստին մէջ անոր յօդուած առ յօդուած քննուիլը կ'ուզէ, ո՛չ թէ վերջնական որոշումը:

Վերջնական որոշումն ընդունուեցաւ և որոշուեցաւ որ ժողովն երկու շաբաթէն գումարուի:

Ահա խումբ մը բժիշկներ, որ հիւնդի մը քով կ'երթան և անոր հիւանդութեանը անմիջական դարմանի պէտք ըլլալը զգալէն ետքը որոշում կուտան, որ տասնհինգ օրէն ետքը միանդութեանը վրայ խորհրդակցին . . . :

—26 Յուլիս—

Սերպիան ալ զինուորական պատրաստութիւններ

կ'ընէ. արդեօք ա՞ս ալ իր սահմաններէն գո՞ն չէ:

Գիտէք որ սահմանէն գո՞ն չեղողը միշտ մեզի կը վազէ. քանի մը տարիէ ի վեր օտար կառավարութիւններուն սահմանները ուղղելէն ուրիշ գործ տեսած չունինք և մինչեւ որ ամէն մարդ իր սահմանէն գո՞ն չլինի. հանգիստ քնանալիք չունինք:

Բ. Դուռը հարցուց Սերպիային, թէ ի՞նչ կը նշանակեն այդ պատրաստութիւնները: Սերպիան պատասխանեց, թէ ոչինչ կը նշանակեն:

Անցեալ անգամ ալ այս պատասխանը տուած էր Սերպիան և մեր կառավարութիւնն ալ այդ պատասխանով գո՞ն եղած էր:

—28 Յուլիս—

Պատերազմական նախարար Հիւսէյին Հիւսնի բաշան քանի մը օրէն Ալպանիս պիտի երթայ Տուչինեօն Փարատաղի յանձննելու համար:

Արդեօք Եանիան ալ Յունաստանի յանձննելու համար առաջին նախարարը պիտի երթայ, թէ ամէնքս մէկանց պիտի երթանք:

—29 Յուլիս—

Մարդասէր մէկը չկայ որ մեզի յիսուն հազար ոսկի փոխ տայ . . . :

Բամազանի առթիւ ամսակտն վճարելու համար ելեւմտական նախարարութիւնը քանի մը օրէ ի վեր Ղալաթիոյ փողոցները պտտեցաւ որ սեղանաւորներէն յիսուն հազար ոսկւոյ փոխառութիւն մը ընէ և չյաջողեցաւ:

Կ'երեւի որ այս Բամազանին ամսականը գալ Բամազանին արուիլ պիտի որոշուի:

—30 Յուլիս—

«Սէմաֆօր» լրագիրը վեց տէրութիւններուն ընեւ Արք նաւային ցոյցը կը ծաղրէ, հրատարակելով Սիմուր ծովապետին արուած հրահանգներուն պատճէնը, զոր որպէս թէ անգղիական լրագիրներէ քաղած է:

Յիշեալ հրահանգներու համեմատ՝ սոյն նաւային ցոյցը խաղաղական հանգամանք պիտի ունենայ և եթէ Պ. Սիմուր լոկ բարոյական ցոյցով չաջողի Գարատաղի և Յունաստանի տրուելիք հողերը ալպանացիներու և թուրքերու ձեռքէն առնել՝ ծանր պատասխանատուութիւն մը պիտի հրաւիրէ իր վրայ: Եթէ լեռներու վրայ ալպանացիներ երեւին՝ զրահաւորները թշնամւոյն ետեւը պիտի շարուին. զրահաւորներու մէջ զօրքերը գինիի և սիրոյ երգեր պիտի երգեն, գերմանական և ֆրանսական զրահաւորներն իրարմէ հեռու պիտի մնան, որ իրարու չզարնեն, նոյնպէս իտալական և աւստրիականն ալ ամենէն հեռու: Գարատաղցիներուն կամքը կատարուելուն պէս զրահաւորները Յունոյքները պիտի երթան. Պ. Սիմուր ինձոյքներ պիտի տայ միւս հրամանատարներուն, բայց ծախքն Անգղիոյ կառավարութեան վրայ չպիտի լինի:

—31 Յուլիս—

Դեսպաններն հայկական ինդրոյն վրայ միշտ կը խորհրդակցին, բայց արդիւնքը դիո յայտնի չէ:

----

Եւ որովհետեւ նաւային ցոյցին զօրութիւնը լոկ բարոյական է, կ'առաջարկեմ որ վեց տէրութիւնները պարապ տեղը մեծ ծախքերու չենթարկուին՝ իրենց զրահաւորները թուրքիա զրկելով, հերիք է որ այդ զրահաւորներուն պատկերները քաշել տան և շրջանակի մը մէջ անցնելով զրկեն մեզի, որ Բ. Դրան մէջ պատէ մը կախենք:

—1 Օգոստոս—

Մարախներն որ անցեալ ամիս մայրաքաղաքիս մէջ թափուեցան և ուտելու բան չգտնելով Ասիա անցան, Պիէծիկի կողմերը գացած են և բոլոր հունձքերն աւրշտկած են հոն:

Այդ տեղի բնակիչները յետին ծայր դժբախտութեան մէջ ինկած՝ գաղթելու կը պատրաստուին:

Հրաշք չէք համարեր, եթէ իմացնեմ ձեզ, թէ այդ կողմի հայերէն այս մասին հանրագրութիւն մը եկած չէ Պատրիարքարան հետեւեալ իմաստով.

«Մարախները մեր գիւղերուն վրայ յարձակեցան և մեծ վլաս տուին հունձքերուն ստացուածքի ապահովութիւն չկայ... հակառակ Պերլինի դաշնագրոյն 61րդ յօդուածին: Կ'աղաչենք, բարեխնամ կառավարութեան ուշադրութիւնն հրաւիրեցէք այս գազանաբարոյ և կրօնամոլ մարտիներուն վրայ և անոնց պատժուիլ ինդրեցէք: Զարմանալին այն է թէ այս բարբարոս մարտիներն կը համարձակին տեղոյս Վահմ. կուսակալին առջեւ հասցնել մեզ այս չարիքներն և Վահմ. կուսակալը բոլորովին անտարքեր՝ ոստիկան մը անգամ չզրկեց զանոնք ձերբակալերու համար. զրոյց կայ թէ կուսակալին թելադրութեամբն է որ մարախներն այսպէս կը հարստահարեն զմեզ: Անյա-

ԴՐԱՎՈՒՄ ԵՄ ՁԻ ՔՄԱՆ ԱՅ ՎԼՈՒՄ ԱՄ ՀԱՅՈՒՄ ՄԱՅԻՆ ՀԱՅՈՒՄ  
ՀԱՅՈՒՄ ՄԱՅԻՆ ՀԱՅՈՒՄ ՄԱՅԻՆ ՀԱՅՈՒՄ ՄԱՅԻՆ ՀԱՅՈՒՄ

ւոզս ովրանու յշակամցրի վշանմաղցաստի և ահեգրց : Ակագ  
ժղուղպտօք . ժղունասց մը նվթ ոչխմխով մղմ :  
մղբեսքը վէ նմոր մս ' զդշվթասղակամն նղիմն դ զվա  
ռողջմո դահակիլքմ շարստ անգրամց մս մէ շաստատուն  
դշալունը մոստցնոյ զարդորչիզ : վշանիսուց նմունը  
քաշամ հզգթանղարփց նպի զշամս մը նղուրփէ Բոկի  
մս ոչտնզպ ' վշանիսուչ զլունը քոսդր հզգթանղարփց  
նպի զշամս մը լազագը Բոկի : վշազը նեղուրփէ մմզ  
' զզնաղոց մէ զդատ զմո լո զմզպշվթանղուրփէ  
: հ ճնաստածոթ ոչին վթակիմք մս ' զնմոր զմո իսլուս նըսն  
նղթ հզողուտատես վավին ' հ ոմո մս հ վզարոթ  
: իշվրմ մէտ ' ընղուրփէ հ իւլ —  
զզիշվրմ մշանմու — ուսւ —

Հ գորամունակով պղպղուստ գըլ խալդքմոկ ըզմի  
։ Հղուպիուտուն մէ դշամդժոով Բղազու լու Ն,ս ։ Հղուպա  
մէ Ամդղնազար մէտպղզու Ն,ս մս ՚ Խսնդուստ դ Խսմուի  
ռոփ վոփեսմու վեռամաւու մէ Համդղուսփթշաքմոկ զոկ  
ռոմաւսցին մգի զ հմօ ըց վզմժ ՚ զգ քանդու մզդշագրչ  
ոմսհցասոթոյի ոշտուկոց ոշտու ՚ զունտ բրակութը

Հաւութեալ Խակոսուսի վզտառութոչ զվաստումտեն  
մի ըմդցվիտենեած մսւած սվթանոժումտոյ բումի դշամգմ  
շուն նազամ քարազստ ժօմումի զմսմնզոյ պակաղիթոչ

—2—

Հ ովհանք բառցի խմա զ պատուարոց ուսմղպէղոտեւ  
շմամ զվմաով զվուանզմ մս բգմնով մի զցովթաւ  
գոչակ զւածդրաչ վկիցչիկի խոլզմաւացմաղ նմղ  
: զվելուատի լզմնորդիկն  
հ ուսկաւամդու ոքիս մի մմդ զցուաժմավմտով հրվե  
զմովիր զցատ ոմ ո զթով հ նամակ մս փոնմա վտուով  
և լու լզուրջմամ զւամզպաւցատու նմտ զմոց վետաւարու  
մս հ յուր զմուկու ։ հ լզուս զցուով մը զցովթաւաովիշու  
աւանեօսու զլգիւուննու ուս վյո սու վյո ժուազու մս զց  
թօնուք զուժումու լու զմգուացատու ուս ո բհն վեհցմնին  
յուկ վտուովի լզուուտու շժովինժով ոզմի վոչի մի  
մուցչու խմա մզպաւցատու յուսենու վուս ոմոց վետու  
աւարու նը ։ ուլզուանզմ ժովպաւոչ մի լու ժովը  
։ ։ ։ ։ ։

— Ի՞նչպէս էք, Ամբակում աղա :  
 — Մի ձախ, մի յաջ . . . ;  
 — Զեղի խօսք մը ունէի ըս . . . ;  
 — Հապօն յառաջ, կը գոչէ Ամբակում աղան և  
 այնպիսի արագութեամբ մը կ'անցնի բժիշկին քովէն,  
 որ Ասկղեափիոսին տշակերտը գետին կ'ինայ:  
 Բժիշկը վար կ'երթայ և Ամբակում աղային տիկ-  
 նոջը կ'ըսէ :  
 — Ամուսնոյդ ուղեղը վնասուած է :  
 — Խելագարած է :  
 — Գրեթէ :  
 — Ի՞նչ կ'ըսէք. հիմա խելքու կը թոցնեմ . . .  
 ասոր մէկ ճա՞րը :  
 — Ճարը . . . կապելու և Փրկիչ տանելու է :  
 — Ըլլալու բան չէ . . . գոնէ ազգային երեսփո-  
 խանական ժողովը տանինք . . . ;  
 — Երեսփոխանական ժողովը յիմարանո՞ց է :  
 — Ի՞նչ գիտնամ, երէկ քրոջս տղան կ'ըսէք որ  
 ազգային երեսփոխանական ժողովոյ մէջ խենթ ու խե-  
 նու խելագարելու պատճառ մը չունէք :  
 — Բնանի մը վրայ շատ մտածե՞ց :  
 — Բնաւ երբեք :  
 — Մեծ վիշտ մը կրե՞ց :  
 — Ոչ :  
 — Ամբագրութիւն կ'ընէ՞ :  
 — Ամենեւին :  
 — Ֆրանսերէնէ հայերէն ընդարձակ բառարան մը  
 կը հրատարակէ՞ :  
 — Ոչ, ոչ, ատանկ բան մը չըներ :  
 — Զափազանց ուրախութիւն մը զգա՞ց մօտերու և  
 — Գրեթէ քանի մը տահնէ ի վեր միշտ ուրախ

էր, ամէն օր կ'ըսէք. «Հայաստանի կուսակալ պիտի  
 ըլլամ» :  
 — Խեղճ մարդ :  
 — Խղճալի՞ ամուսինս :  
 Բժիշկը գեղագիր մը կը գրէ . այցելութեան վար-  
 ձը կ'ընդունի և կը մեկնի :  
 Ամբակում աղան վար կուգայ և կը հրամայէ, որ  
 սեղանը պատրաստուի :  
 Ամբակում աղային ուղեղը վնասուած չէ . անոր  
 հիւսնդութիւնն է կուսակալութեան համար չափա-  
 զանց սէր :  
 Կարծեմ աւելորդ կը լինի ըսել թէ, եթէ Հայաս-  
 տանի ինքնօրինութիւն տրուի՝ իւրաքանչիւր գիւղին  
 ութը կուսակալ պիտի իյնայ . ամէնքս ալ կառավա-  
 րող պիտի լինինք և կառավարուելու համար Եւրո-  
 պայէն ժողովուրդներ բերել պիտի ստիպութիւնք :

— 3 Օգոստու —

Նաւային ցոյցի համար զրոյցներն երթալով կ'եր-  
 թան և հաստատութիւն կը գտնեն :  
 Վեց տէրութիւնները հաստատապէս որոշած կն  
 զրահաւորներ զրկել Գարատաղի և Յունաստանի  
 խնդիրներու լուծումը դիւրացնելու համար :

Անտարակուսելի է այսօր, որ տէրութիւնները  
 Հայաստանի խնդրոյն համար ալ իրենց ազդեցութիւնը  
 պիտի գործադրեն, բայց չգիտեմ թէ Հայաստանի հա-  
 մար ի՞նչ զրկել պիտի որոշեն : Ես չեմ կարծեր որ  
 Հայաստանի համար ալ զրահաւոր զրկեն, վասն զի  
 մեծ զժուտութիւններ կան վեց տէրութիւններուն  
 զրկելիք քսան զրահաւորները . . .

Տէրութիւնները թող իրենց ուղածին պէս վար-  
 ձը կ'ըսէք . ամէն զրահաւորները . . .

ուին . մենք միայն ազօթելու ենք ո՛ը համաձայնութիւնը կարճատեւ չլինի անոնց մէջ :

Բնաւ չպիտի մոռնամ այն պատստիանը , զոր այս տուաւ գաւառացի հայ մը պոլսեցի հայու մը , որու կնկան հաւաստարմութիւնը կասկածելի է :

— Դուք գաւառացիներդ անզգայ էք , ըստ պոլսեցին :

— Ինչու :

— Սիրտ չունիք :

— Ո՞վ ըստ :

— Վաս էք :

— Ո՞ւր կարդացիք :

— Քիւրտերը ձեր վրայ կը յարձակին և դուք տղու պէս կուլաք :

— Պոլսեցին միշտ այսպէս կ'ըսէ , առանց պատճառները հարցնելու :

— Եատ լաւ : Ուրիշ կէտ մը կայ , ատոր ի՞նչ պիտի ըսես :

— Ո՞ր կէտն է այն :

— Ձեր կիներն ուրիշները կը յափշտակեն և դուք ձայն չէք հաներ :

— Այդ կէտը Պոլսոյ մէջ գաւառներէն աւելի կայ , բարեկա՞մ . դուն այդ կէտին քով վերջակէտ մը դիր և փակածի մէջ դոցէ :

Պոլսեցին պեխերը կրծել սկսաւ :

— 4 Օգոստու —

Անգղիա վերջապէս կ'ուզէ Հայաստանի ճիշդ վեճագրութիւնն ունենալ ի ձեռին , որպէս զի ըստ այնմ գործէ :

Քիւրտերն իմացած ըլլալով Անգղիոյ կառավա-

րութեան այս դիտաւորութիւնը , Միութիւն մը կազմելու վրայ են իրենց մէջ՝ հայերը ջարդելու նպատակաւ : Եթէ քրտական Միութիւնն յաջողի գործադրել իր նպատակը , մեծամասնութիւնը հարկաւ քիւրտերու քովը կը մնայ :

Ինչ կտրուկ ճամբայ մեծամասնութիւն ունենալու համար . . . .

Ոստիկանութեան նախարարը մեծ գործ տեսաւ այսօր , ձերբակալել տուաւ . . .

— Հիսարու ոճրագո՞րծը :

— Ո՞չ :

— Ամերիկացին սպաննո՞ղը :

— Զէ :

— Ձերբակալել տուաւ տասնեւչորս տարեկան թրքուհի մը :

Այս մատղաշ օրիորդը ոճիր մը գործած է , թող տալով իր մազերուն որ երեւին :

Մուհամետի կրօնքը կ'արդելու կիներուն ի տես աշխարհի գնել իրենց մազերը :

Մուհամետի շատ խստութեամբ վարուած է մազերու հետ , մինչդեռ մարմնոյ մասին սահմանած օրէնքները շատ թոյլ են :

Օրիորդին հայրը , որ բարձրաստիճան զինուորական մըն է , պիտի բողոքէ եղեր ոստիկանութեան նախարարին դէմ , որ բոլոր թրքուհիներուն մազերը ածիլել կուտար , եթէ իշխանութիւն ունենար , այնչափ ջերմեռանդ գարձած է Բամազանի օրերուն մէջ :

— 5 Օգոստու —

Ազգային հաստատութիւններուն մէկէն պաշտօնա-

եայ մը կը ճամբուկի:

— ի՞նչո՞ւ ճամբեցին զքեզ, բարեկամ, կը հարցնէ ճանօթներէն մին:

— ես ալ չգիտեմ:

— իմացայ որ գողութիւն մը ըրած ես պաշտօնիդ մէջ:

— Զրպարտութիւն է:

— Կ'ըսեն թէ ճշմարտութիւն է:

— Թո՛ղ ըսեն թէ ի՞նչ գողցած եմ: Եղբա՛յր, ամէն օր խղճիս սա հարցումը կ'ընեմ. «բան մը գողցա՞յ», և խիղճս ալ սա պատասխանը կուտայ. «Տէրողորմեայ, դուն անանկ մա՞րդ ես, դուն գողութիւն ընելու համար ստեղծուած չես. դուն բան մըն ալ գողցած չես»:

— Թերեւս խիղճդ կ'ամչնայ և երեսը չի բռներ ճշմարիտն ըսելու քեզ:

— Զէ, իմ խիղճս ամչնալ չունի, ճշմարտութիւնն համարձակ կը խոստովանի:

— Ստո՞յգ է ըստծդ:

— Այո՛, որու որ կ'ուզես հարցուը, թէ այս ինչ մարդուն խիղճը ճշմարտախօ՞ս է. ամէնքն ալ պիտի պատասխաննեն, թէ պատուաւոր և ճշմարտախօս խիղճ մըն է:

— Եթէ այդպէս է, խիղճէդ գաղտնի ըրած ես այդ գողութիւնը:

-----

— Ժը մանձ, թիւ մանձ, իլ մանձ, նու մանձօն, վու մանձէ, իլ մանձ...:

— Այդ ի՞նչ է, կարսպէ՛տ աղա, քառասունէն հառքը նոր բաներ կը հանես:

— Ի՞նչ ընեմ, Յակո՛ր աղա, Հայոստանի մէջ բարենորոգումներ պիտի ըլլան եղեր, թերեւս մենք ալ պաշտօն մը ձեռք կ'անցընենք:

— Ի՞նչ կը սերտես:

— Ուսեմ բային ֆրանսերէնը կը կարդամ....:

— Ֆրանսերէնի ե՞րբ սկսար:

— Ժամ մը առաջ:

— Մէկէն ի մէկ այդ բային ի՞նչպէս եկար հասար:

— Առաջին դասս է այս, Յակոր աղա, ի՞նչ ընեմ, Թուրքիոյ մէջ պաշտօն վարողներն ամենէն առաջ այս քայը կը սորզին:

### — 6 Օգոստու —

Կարնոյ երիտասարդութիւնը դիտաւորութիւն ունի կարնոյ մէջ մամուլ մը հաստատել և լրագիր հրատարակել:

Կը գովենք կարնոյ աշխոյժ և վառվառն երիտասարդութեան դիտաւորութիւնը, որուն իրանալուն համար յաջողութիւն կը մաղթենք մեր բոլոր սրանն, որ շատ լայն չէ դժբախտալար: Կը փափաքինք, որ այս երիտասարդութիւնն իրեն հետեւողներ ունենայ, բայց չենք կարծեր որ իրեն ընթերցողներ գտնէ, վասն զի մեր մէջ լրագիր կարդալը գեռ իբրեւ ապաշխարանք կը նկատուի, այնպէս որ եթէ մէկուն առաջարկես որ կամ շաբաթ մը բանստարկուի և կամ լրագրի մը տարեկան բաժանորդ գրուի, առաջինը կ'ընդունի և երկրորդը կը մերժէ: Ուստի՝ երիտասարդութիւնն ընկերութիւններ կազմելով աշխատելու է, որ ընթերցասիրութիւնն հածի մեր ազգին մէջ ալ մտնելու... և եթէ մտած է քիչ մը դուրս չելելու....

— Տղա՛ս, դուն քննութիւն չտուի՞ր։  
 — Տուի, հայրիկ։  
 — Պարզեւաբաշխութեան օրը դասատուի գիրք  
 մը նուէր չըրա՞ւ քեզի։  
 — Ո՛չ, հայրիկ։  
 — Ինչո՞ւ։  
 — Վասն զի կաղանդին օրը դասատուիս ես ալ  
 բան մը չտուի, հայրիկ։

— 7 Օգոստու —

Ապէտին բաշան երբ Սելանիկ էր, առժամեայ ոս-  
 տիկանութիւն մը կազմած էր։

Այժմ Սելանիկէն լուր կուտան, որ այդ առժամ-  
 եայ ոստիկանութենէն քառասուն հոգի իրենց պաշ-  
 տօնը թողլով մշտնջենաւոր աւագակներու հետ միա-  
 ցած են։

Իրաւունք չունինք հաւատալու, որ մայրաքա-  
 ղաքիս ոստիկաններէն շատերը գողերու հետ կը գոր-  
 ծեն։

Կեցցէ՛ բարենորոգում . . . :

Մայրաքաղաքիս թուրք մամուլը ալպանացի-  
 ները կը խրատէ, որ Գարատաղին ընդիմութիւն չը-  
 նեն և իրենց ոյժը Յունաստանի դէմ պահեն։

Օր պիտի գայ, ուր տաճիկ լրագիրները պիտի  
 յորդորեն ալպանացիները, որ Յունաստանին ընդի-  
 մութիւն չընեն և իրենց բազուկներու զօրութիւնը  
 կառավարութեան խօսքը մտիկ ընելու համար գոր-  
 ծածեն։

Այս է թուրք մամլոյն սովորական ընթացքը։  
 Նախ գրգռել և ապա հանդարտեցնել։

— 8 Օգոստու —

Հարստահարութիւններու վրայ խօսող հեռագիր-  
 ներ ամէն օր կուգան Պատրիարքարան կանոնաւոր  
 կերպով — արդէն այդ հեռագիրներէն զատ ամէն օր  
 կանոնաւոր կերպով Պատրիարքարան եկող չկայ, պաշ-  
 տօնեաներէն ոմանք կէս օրին կուգան և ոմանք բնաւ  
 չեն գար։ Այդ հեռագիրներէն մին այնչափ երկար էր,  
 որ անոր փոխադրութեանը համար ատար ոսկի օսման-  
 եան վճարուած էր հեռագրատան։

Հեռագրական տեսչութիւնը շատ գոհ է այն հա-  
 րստահարութիւններէն, որոնք տեղի կ'ունենան Հա-  
 յաստանի մէջ, վասն զի անոնց շնորհիւ հեռագրական  
 անտուկի մէջ բաւական ոսկի կը մտնէ։

Եւ կարծամիտ մարդերը կ'ուզեն որ կառավարու-  
 թիւնը իր եկամուտները պակսեցնէ այն պահուն, ուր  
 զանոնք աւելցնելու անհրաժեշտ պէտք կայ։

Թո՛ղ աւելցնէ, բայց ինչո՞ւ պիտմէի մէջ չի  
 նշանակեր հարստահարութիւններէ գոյացած հասոյթը։

— 9 Օգոստու —

Մեր բարեխնամ կառավարութիւնը ամէն օր կ'ա-  
 ղաչէ վեց տէրութիւններէն, որ Պերլինի գեսպանա-  
 լուրհրդոյ մէջ որոշուած հելլենական սահմանագիծը  
 քիչ մը բարեփոխեն։

— Կ'աղա չեմ, Պարո՞ն կոչէն, կ'ըսէ Վեհափառ  
 Սուլթանը, աս սահմանագիծը քիչ մը փոխեցէք։

— Անկարելի է, Վեհափառ տէր։  
 — Սահմանագիծ մը փոխելը այսչափ դժուա՞ր

զործ է, ես օրը երկու նախարար կը փոխեմ:  
— Դուք կարող էք, վեհափա՛ռ տէր:  
— Փոխէ՛, փոխէ՛ սա սահմանագիծը, ես ալ կերակուրէն ետքը նախարարութիւնը կը փոխեմ:  
— Զեմ կարող, վեհափա՛ռ տէր:  
— Քանի մը պատուանշան կուտած քեզի:  
— Կարելի չէ: Վեհափա՛ռ տէր, դուք գիտէք որ  
թագուհւոյն կառավարութիւնը որքան կը սիրէ ձեր երկիրը և ո՛րքան կ'աշխատի անոր բարւոյն համար,  
ուստի չնորհ ըրէք անոր խորհուրդները մտիկ ընելու: Վեհափա՛ռ տէր, Եանիան տուէք Յունաստանի, Տուշիներն Պարստաղի թողէ՛ք, թո՛ղ տուէք նովի Պարը Աւստրիան դրաւէ: Այն ատեն գանձը մեր տեսչութեան տակը կ'առնենք, բայց ձայն հանելու չէ, երբ արեւելեան Բուժելին Պուլկարիոյ հետ միանայ: Երբ որ գործերն այսպէս կարգադրուին, ներքին գործոց նախարարութիւնը մենք կը վարենք, արտաքին գործոց նախարարութիւնն ալ Ռուսիոյ կը յանձնենք և կը տեսնէք, թէ Երկիրը ո՛րչափ կը բարենորոգուի: Ձեր վեհափառութեան սիրան ալ հանգիստ կը լինի և փորձանքներէ խալսելու համար Տարտանէլը մեզի կուտաք, Սեւ ծովու նեղուցն ալ վարպետութեամբ մը Ռուսիոյ գլուխը կը փաթթէք և հանգարտ սրտով, մաքուր խղճով Ձեր վեհափառութիւնը ժամանակ կ'անցընէ իր կախարդներովը: Այդ երկու նեղուցները ձեր գլխուն փորձանք են, ջանացէք ուրեմն այդ փորձանքները հեռացնելու: Միւս տէրութիւնները, որոնք իրենց բաժինը պիտի ունենան այս փորձանքներուն մէջ, բնոււ գիտողութիւն չեն ընել և դուք ալ մտատանջութենէ կ'ազատիք: Ինչո՞ւ կը վախնաք, վեհափա՛ռ տէր, տէրութիւններն ո՞չ ապաքէն ձեր ամբողջութիւնը ապահոված են Պերլինի դաշնագրով:

Ասոնք են գրեթէ տէրութիւններուն առաջարկութիւնները, զորս եթէ չունդունինք, կ'ըսեն, մեր վրայ մեծ պատասխանատուութիւն պիտի հրաւիրենք եղեր, իսկ եթէ ընդունինք՝ օսմանեան կառավարութեան համար նոր դարագլուխ մը պիտի բացուի եղեր:

Գեղեցիկ առաջարկութիւններ, զեղեցկադոյն խրամներ, մարմինը քառասուն կտորի բաժնել և անոր երեսունեւութը կտորն առնելով օսմանեան կառավարութիւնը երկու քառասուներորդի վերածել և անոր ըսել.

— Ա՛լ անհոգ եղիր, քու ամբողջութիւնդ երաշխաւորուած է, Եւրոպայէն մի զատուիր, որ փրկութիւն գտնես:

Ո՞վ ամբողջութիւն . . . :

Ո՞վ փրկութիւն . . . :

#### — 10 Օգոստու —

Աւստրիական դեսպանն այսօր Ս. Պատրիարք հօռայցելութիւն ընելով երկարօրէն տեսակցեցաւ Նորին Սրբազնութեան հետ հայկական խնդրոյն վրայ: Խօսքերն արդեօք Ե՞րբ գործի պիտի փոխուին, Աստուածիմ:

Ալպանացիները կը պատրաստուին դէմ դնելու նաւային ցոյցին, որ տեղի պիտի չունենայ, Երէկուան հասած հեռագրի մը նայելով:

#### — 11 Օգոստու —

— Կսի՛կ, սա օղերդ տո՛ւր:

- Ի՞նչ պիտի ընես :
- Ի՞նչո՞ւ կը հարցնես :
- Ի՞նչո՞ւ չհարցնեմ :
- Պիտի ծախեմ և զքեզ հետո առնելով Հայաստան պիտի երթամ :
- Ես սրկէ հունա չեմ երթար :
- Հապա ամէն օր գլխուս միսը կ'ուաէիր որ Հայաստան երթանք :
- Բայց չէի ըսեր որ օղերս ծախենք ու այսպէս երթանք :
- Ըսել է թէ օղերդ Հայաստանէն աւելի կը սիրես :
- Այդ ի՞նչ խօսք է, Հայաստանը կրնա՞մ ականջներէս կախել . . . .
- Բայ իս՝ ասանկ կիներու ականջները կտրելու է . . . .

«Վագըթ» կը ծանուցանէ այսօր որ օսմանեան կառավարութիւնը չպիտի մասնակցի նաւային ցոյցին : «Վագըթ» չի հաճիր յայտնելու, թէ որո՞ւ դէմ պիտի ըլլայ նաւային ցոյցը, որուն մասնակցիլ չուզեր եղեր օսմանեան կառավարութիւնը :

Օսմանեան կառավարութիւնը երկար տարիներէ ի վեր հաց կը նուիրէ Ազգային հիւանդանոցին. այժմ այդ նուէրը դադրած ըլլալով՝ հիւանդանոցի հոգաբարձութիւնը, կ'ըսեն ազգային լրագիրները, մեծ նեղութիւն կը կրէ :

Ես կը կարծեմ, թէ հիւանդանոցին հիւանդները

Հոգաբարձութենէն տւելի նեղութիւն կրելու են այս  
պարագային մէջ :

Կառավարութիւնն իր նուէրը կարող է դադրեցը-  
նել, ինչպէս որ կարող է լրագիր մը դադրեցնել,  
ասոր ըսելիք չունինք. բայց կառավարութիւնը գոնէ  
շնորհք ընէր և Հայաստանի մէջ քիւրտերէ յափշտակ-  
ուած հացին փոխարէնը տար Ազգային հիւանդանոցին :

Եթէ կառավարութիւնը այս շնորհքը զլանայ,  
հօգաբարձութիւնը պիտի պարտաւորուի թաննըրի  
նոր գտած եղանակաւ, այսինքն քառասուն օր ջուր  
տալով ապրեցնել կամ մեռցնել հիւանդանոցին հի-  
ւանդները :

—13 Oqnuusnu—

Ճարոնի կառավարութիւնն արգիլած է բազմա-  
կնութիւնը։  
Կոստանդնուպոլսոյ մէջ ալ պիտի արգիլուի այդ  
աքաղաղային օրէնքը, եթէ առեւտուրներն այսպէս  
շարունակուին։

Քրիստոնեաներուն մէջ արդէն կին մը ունենալն  
անգամ արգիլուած է, և շատ երիտասարդներ տնտե-  
ալացիտական պատճառներու համար ամուրի կը մնան :

Անօթի զօրքեր և ռազմամթերք կը լրկուին Յունաստանի սահմանները, ինչպէս նաեւ կրետէ:

Յունաստան ալ մեծ պատրաստութիւններ կը  
տեսնէ, բայց իր թագաւորք դեռ ետ չի դառնար ճամ-  
բորդութենէ:

—14 Oqnuusnu—

Պ. Նորայր հարուստ սպայինի մը թերթ մը կը

Արկէ իր ֆրանսերէնէ-հայերէն բառարանէն, զոր մաս  
առ մաս կը հաստարակէ:

— Սա ի՞նչ է, կը պոռայ հարուստ ազգայինը,  
այս բառարանն ի՞նչ ընեմ ես. ժամանակ է հիմա ա-  
տանկ չնչին բաներու համար դրամ տալ. չեմ ուզեր,  
ետ դարձուցէք և ըսէք իրեն, որ մէյ մըն ալ ասանկ  
բաներ չղրկէ ինծի: Ահա, պարո՞ն գրագիր, քեզի ալ  
յատկապէս կը պատուիրեմ, որ եթէ իմ բացակայու-  
թեանս ինծի համար գիրք կամ լրագիր բերելու ըլ-  
լան՝ չընդունիք, ապա թէ ոչ կը վանտեմ զքեզ:

Ժամ մը կ'անցնի, ուրիշ մը կը մտնէ՝ որսէ շուն  
մը բերելով հետք:

— Ինծի՞ համար բերիք այդ շունը:  
— Այո՛, աէ՛ր:  
— Ի՞նչպէս է այդ շունն, աղէ՞կ է:  
— Շատ աղէկ ցեղէ է, աղնուական տոհմէ է:  
— Ի՞նչ կ'ուզէք ատոր համար:  
— Չորս ոսկի:  
— Երեք ոսկի տամ: Պարո՞ն գրագիր, սա շունը  
առ և տուն տար:

Եւ մեր գրագէտները գեռ չեն ուզեր համոզուիլ,  
որ մեր հարուստները ամէն բանի ստակ կուտան, բացի  
լրագիրներէ և գիրքերէ: Բացառութիւններ կան,  
բայց այնչափ հազուագիւտ են, որ արուեստահանդէսի  
մը զրկելու համար պահած եմ զանոնք:

—15 Օգոստու—

Բ. Դուռը նոր պայմանաժամ կը մուրայ Տուլչին-  
հոն Գարատաղի յանձնելու համար:

— Քանի մը օր պայմանաժամ:  
— Աստուած ողորմի:

— Ստակ մը չունիմ, քիչ մը պայմանաժամ ողոր-  
մեցէք:

— Բարի եկար:

— Տէր Աստուած գձեղ փորձութիւններէ ազատ  
պահէ, անօթի եմ, կտոր մը պայմանաժամ:

— Մանրութ չկայ:

Տէրութիւնները չեն տար Թուրքիոյ այդ պայմա-  
նաժամը. իրաւունք ունին, վասն զի Բ. Դուռն աէ  
չուզեր Տուլչինիոն Գարատաղին տալ:

Կայսերական պալտափին մէջ ամէն օր ժողովներ կը  
գումարուին խորհելու համար այն հնարքներուն վրայ,  
որոնցմով կարելի լինի ո՛չ Տուլչինիոն Գարատաղի  
տալ, ո՞չ Եանիան՝ Թունաստանի, ո՞չ ալ բարենորոգում  
Հայաստանի:

Զարմաննալու չէ, թուրք կտուավարութիւնը միշտ  
առնելու վարժուած ըլլալով՝ միշտ կը դժկամակի, երբ  
իրմէն բան մը ինդրուի:

—16 Օգոստու—

Կառավարութիւնը հրամայեց, որ մայրաքաղաք-  
քիս արու բնակիչներուն մարդտհամարը պատրաստուի:

Մեծ դժուարութիւն... մարդեր կան որ կերպա-  
րան քով արու են թէպէտեւ. սակայն էգէն բնաւ տար-  
բերութիւն չունին. ասոնք արուներու հետ պիտի  
հաշուուին:

Դարձեալ մարդեր կան, որ հազիւ մէկ ութերորդ  
մարդ կ'արժեն. եթէ ասոնց իւրաքանչիւրը մէկ մարդ  
պիտի համրուի, սխալ վիճակոգրութիւն մը կ'ունե-

Նանք: Ուղիղ վիճագրութիւն մը շինելու համար կ'առաջարկեմ.

Մէկ չորորդ մարդ հաշուել բոլոր թուրք խմբագիրներ.

Մէկ մարդ հաշուել հարիւր թուրք պաշտօնեան.

Մէկ մարդ հաշուել հարիւրքանհինգ թուրք սպան.

Մէկ մարդ հաշուել վաթսուն թուրք կուսակալ.

Այս հաշուով միայն կարելի է ուղիղ վիճակագրութիւն մը երեւան բերել:

—17 Օգոստո—

Պ. Թրոթըր, որ Հայաստանէն մայրաքաղաքս վերադարձած է, յայտնած է թէ Հայաստանի մէջ մարդահամար ընելն անկարելի ըլլալով՝ ինքը տուները համրելով գլուխ հանած է այդ դժուարին գործը: Պ. Թրոթըր իւրաքանչիւր հայու տունին տասը հոգի և իւրաքանչիւր քիւրտի տունին հինգ հոգի հաշուելով ունեցած է այսպիսի թիւ մը, որով հայերը մեծամասնութիւն կը կազմեն: Այդ թիւը կը հաստատեն նաեւ այս վիճակագրական տեղեկութիւնները, որոնք անցեալները Պատրիարքարանէն հաղորդուեցան տէրութիւններուն:

—————

— Կնի՛կ, Պոլսոյ մարդահամարը պիտի պատրաստեն եղեր:

— Ի՞նչ ընեմ:

— Քեզի ալ պիտի գրեն հարկաւ:

— Ինչո՞ւ:

— Դուն ալ մարդ չե՞ս:  
— Ինչո՞ւ ուրեմն կ'ըսեն, թէ և եղիցին երկոբեան ի մարմին մի:  
— Վիճակագրութեան համար չէ ան, նոնոշի՛կու:

—18 Օգոստո—

Հրդեհներուն առաջքն առնելու պաշտօնով մասնաժողով մը պիտի կազմուի:  
Յանձնաժողով մըն ալ պիտի հաստատուի հրդեհները մարելու համար:

Մէնք հիմա ուրիշ գործ չունինք. ամէն օր մասնաժողով, յանձնաժողով, մասնախումբ, յանձնախումբ կազմելէն զատ գործ տեսած չունինք:

Յունաստանի թագաւորը չվերադարձաւ տակաւին եր երկիրը:

Եւրոպական քանի մը լրագիրներ կը ծանուցանեն, թէ Պ. կլատըսթոն խորհուրդ տուած է Գէորգ թագաւորին, որ ժամ առաջ Աթէնք վերադառնայ:

Գէորգ թագաւորը Ռուսիա ուղեւորեցաւ:  
Եթէ կլատըսթոնի խորհուրդները միշտ այսպէս կը գործադրուին Յունաստանի կողմէ՝ շատ հաւանական է որ քիչ ատենէն շփոթութիւն մը ծագի իրարու մէջ:

—19 Օգոստո—

Աւստրիական կառավարութիւնը յայտարարեց որ,  
եթէ օսմանեան կառավարութիւնը Յունաստանի հետ  
պատերազմիլ սկսի՝ ինքն ալ պիտի հաճի նովի-Պատ-

Դարը գրաւելու :

— Ինչո՞ւ :

— Իր սահմանները պաշտպանելու համար : Հարկաւ Անդղիան ալ պիտի ուզէ ուրիշ կղզի մը գրաւել Հնդկաստանի ճամբան ապահովելու համար :

—20 Օգոստու—

Գաղղիոյ գեսպան այսօր Գանտիլի գնաց և Ս. Պատրիարք հօր հետ բանակցեցաւ հայկական խնդրոյն վրայ :

— — —

Ամենայն ինչ կատարեալ է . . . .  
Նոււային ցոյցը տեղի պիտի ունենայ :

Անդղիական , գաղղիական և իտալական զրահաւորները Փալերմոյ նոււահաննդիստին մէջ համախմբուածեն . ոռւսական զրահաւորները Ռակուզա են և գերմանական զրահաւոր մըն ալ Մալթային ճամբայ ելած է :

Անդղիական , գաղղիական , իտալական , ոռւսական և գերմանական զրահաւորներ . . . .

Կեցցէ՛ հիգլեզուեան նաւասորմիզը :

Ազօթենք ո՞ս այս նաւասորմիզին մէջ լեզուները շխառնուին , որպէսզի կարողանան աշտարակին կիսատմացած շինութիւնն աւարտել :

Ես ալ Թովմաս տուքեալի պէս թէպէտեւ Անդղիոյ կոտավարութեան կողը մասս չեմ խօթած , այսու ամենայնիւ հիմա կը հաւատամ որ տէրութիւններն Ալպանական Միութիւն կամ Երրորդութիւն մտիկ ընելու ժամանակ չունին և որոշած են տնպատճառ կարգադրել Յունաստանի , Գարաստաղի և Հայաստանի խնդիրները :

Տէր Աստուած անտասան պահէ տէրութիւններուն համաձայնութիւնը , համաձայնութիւն՝ որուն նմանը քերականութիւններու մէջ իսկ խիստ քիչ կը գտնուի :

—21 Օգոստու—

Կայսերական զօրքերն այսօր մեծ ուրախութեան մէջ են :

Յունիսի ամսականն այսօր վճարուեցաւ իրենց թուրք լրագիրները գոհութեամբ կը հրատարակեն այս լուրն և չեն կարմրիր :  
Թերեւս անոնք կը կարծեն , թէ ուրիշ տէրութիւններն իրենց զօրքերուն ամսականները չորս ամիս ետքը կը վճարեն :

— — —  
Գեսպանները նոր ծրագիր մը մատուցին Բ. Դրան Հայաստանի խնդրոյն նկատմամբ :

— — —  
Լրագիր մը կը ծանուցանէ , թէ Իրանտիոյ մէկ քաղաքին մէջ Մայր Աստուածածին հրաշքով երեւցած է երկու հարիւր տղաներու :

Անցեալները հոս ալ այսպիսի բան մը երեւցաւ ո՞չ տղաներու , այլ Մեծն Բրիտանիոյ գեսպան Պ. Կունիփ . սակայն քանի մը չարամիտ անձեր ըսին , թէ չենի . սակայն քանի մը չարամիտ անձեր ըսին , որ թագուհւոյն պալատէն փախսած կին մըն էր ան , որ թագուհւոյն կառավարութեան Պոլսոյ գեսպանին ծունկերուն փարելով ազատութիւն խնդրած է :

—22 Օգոստու—

Տպագրական տեսչութիւնը թոյլ կուտայ թուրք

Արագիրներուն, որ ամէն թշնամանք և զրպարտութիւն ընեն հայ և յոյն Պատրիարքներուն, իսկ ընաւ թոյլ չի տար որ քրիստոնեայ մամուլը թուրք մամլոյն պատասխանէ քաղաքավար լեզուաւ:

«Օսմանլի» անուն լրագիրն Յիսուսի դէմ ալ յարձակեցաւ և տպագրական տեսչութիւնը լոռութիւն պահեց:

Իսկ երբ «Նէոլողոս» յոյն լրագիրը «Թէրճիմանը Հաքիքաթ»ի դէմ յոյն պատրիարքարանը պաշպանել սկսաւ երկու ամսուան համար դադարուեցաւ տպագրական տեսչութեան կողմէն:

Ահա մամլոյ վերաբերմամբ հաւասարութիւն, զոր կը վայելենք թուրքիոյ մէջ:

—23 Օգոստո—

Սամսոնէն կը գրեն, թէ կին մը ամսոյս տասնընդին զաւակ մը բերած է, որուն կէսը մարդ և կէսը ձուկ է եղեր:

Կէսը կտրելով տապկելու և ուտելու էին:

Այս հրէշը ծնելէն քսնի մը ժամ և տքը մեռած է:

Այս հրէշին ծնելուն վրայ չեմ զարմանար, բայց այնչափ վաղ մեռնելուն վրայ կը խորհիմ:

— Ի՞նչո՞ւ:

Անոր համար որ ի՞նչպէս կ'ապրի ուրեմն մեր ազգային երեսփոխանական ժողովն, որուն մէկ քառորդը մարդ և երեք քառորդը թութակ է:

————

Լոնտրայէն առնուած հեռագրի մը նայելով՝ Սըր Զարլզ Տիլք հարցման մը պատասխանելով ըսած է.

«Անգղիական կառավարութիւնը լուր առած է, որ Քրական Միութիւն մը կազմելու զրոյց կայ, բայց ինքն անոր նպատակը չի գիտեր, ոչ իսկ տեղեակ է թէ այդ գաղափարը Բ. Դոնէն կը քաջալերուի: Իսկ եթէ Միութեան նպատակը քրիստոնեաներուն դէմ թշնամական լինի, Պ. Կոչէն պէտք եղած գիտողութիւններն ընէ Բ. Դրան:»

Կը ինգրենք Պ. Կոչէնէն, որ այդ Միութեան նպատակը քրիստոնեաներու դէմ թշնամական չեղած՝ պէտք եղած գիտողութիւններն ընէ Բ. Դրան:

—24 Օգոստո—

Պայրամի առթիւ տրուելիք ամսականները վճարելու համար կառավարութիւնն օսմանեան պանքայէն յիսունընդինգ հազար ոսկւոյ փոխառութիւն մը ըրաւ, կիպրոսի եկամուտներն և քանի մը գաւառներու տասանորդները երաշխաւորութիւն տալով:

Եթէ վաճառական մը իր գրագիրներուն և գործակատարներուն ամսականները վճարելու համար իր կալուածներն երաշխաւորութիւն ցոյց տար՝ անմիջապէս իր վարկը կը կորոնցնէր և սնանկացեալներու քով կ'երթար կը նստէր:

—25 Օգոստո—

Երկու ամսուան համար դադարուած «Նէոլողոս» լրագրոյն ի նպաստ մայրաքաղաքիս յոյներն երկու օրուան մէջ հազար ոսկի հանգանակեցին. այս հանգանակութիւնն աւելի պիտի գիրնայ, երբ ուրիշ քաղաքներու յոյներն ալ զրկեն իրենց նուէրները:

Եթէ մեր թուրքիոյ խմբագիրները գիտնան որ երենց համար այսպիսի հանգանակութիւն մը պիտի

Այս ճառին մէջ թագուհին յիշելով, թէ Հայաստանի յատուկ բարենորոգումներուն համար տէրութիւններն իրենց դիտաւորութիւնները հաղորդած են Բ. Դրան, կը յուսայ որ առաջադրուած նպատակին պիտի հասնին :

Ամէն անգամ, որ մեր ազգային լրագիրներն այս իմաստով յօդուածներ կը հրատարակեն, «Մանզումէ» լրագիրը կը պոռայ. «այդ լրագիրները ստուխօս են, ժողովուրդը խաբելով ստակ շահելու համար կը հրատարակեն այդպիսի յօդուածներ»:

Ժամ է արդ հարցնել «Մանզումէ»ի, թէ Անգղիոյ թագուհին ալ հայերը սին յոյսերով քնացնելու և անկէ ստակ քաշելու համա՞ր ըրած է այդ յայտարարութիւնը իր ճառին մէջ:

Պէտք է խոստովանիլ, թէ հայկական խնդրոյն եւրոպական լրագիրներուն և մանաւանդ Անգղիոյ խորհրդարանին մէջ մուտքն արդիւնք է այն անխոնջ ջանքերուն, զորս ի գործ դրած են Պատրիարքը, հայ ջրագէտներն և Լոռարայի ազգայինները: Թող «Մանզումէ» այնպէս հաւատայ, թէ հայկական խնդիրն ինքն իրմէ ծագեցաւ, ինքն իրմէ մտաւ եւրոպական ինքն իրմէ ծագեցաւ, և Անգղիոյ խորհրդարանին մէջ: Իսկ լրագիրներու և Անգղիոյ խորհրդարանին մէջ: Իսկ եթէ իրմէ զատ ուրիշ հաւատացող մը գտնէ, թող բարեհածի զայն ցոյց տալ մեզ:

Չեմ յիշեր Հայաստանի ո՛ր կողմը քայմաքամ մը իր պաշտօնատեղին գացած ժամանակը աւազակներէ կողոպտուեր է:

Աւազակներն իրենց պաշտօնակիցը մերկացնելով ըսած են անոր.

Ընեն, շաբաթը անգամ մը կը գոցուին և կամ մէյ մընալ բնաւ չիրատարակուելու համար կը խսկանուին:

Այս քաջալերութիւնը չկայ մեր ազգին մէջ, որ խմբագիրներն ալ քիչ մը տարբեր եղանակաւ խմբագրեն իրենց թերթերը:

Դարձեալ նախարարական փոփխութեան զրոյցներ կը գրուին լրագիրներու մէջ:

Միշեւ որ մեր գլուխները չփոխուին՝ նախարարական փոփխութիւնները չպիտի վերջանան:

Եւ որովհետեւ անկարելի է մեզ մեր գլուխները փոխել, պիտի ստիպուինք օր մը մեր գլխարկները փոխել: Այս է հիմակուան ընթացքը. գլուխը չփոխողին գլխարկը կը փոխեն. Եթէ չես հաւատար, Պուլկարիա գնա և տես:

Մայրաքաղաքիս մէջ ծանօթ մենիսիկին հեղծը կը շինեն եղեր քանի մը ընկերներ:

Այս խեղձերը ձերբակալուեցան այս օրերս, մինչդեռ պատուանչան տրուելու էր իրենց, վասն զի արծաթ մէծիտիէ չմնաց հրապարակի վրայ, հասարակութիւնը ի՞նչ դրամ գործածէ:

Հեռագիրն ոյսօր բերաւ մեզ համառութիւնը ճառին, զոր Անգղիոյ թագուհին խօսած է խորհրդարական նիստերու շրջանին փակման առթիւ:

Մեզի դէմ միշտ գանգատներ կը գրուին կ. Պու-  
լիս, իսկ քեզի համար չորրհակալութեան նամակներ,  
մինչդեռ դու և մենք միեւնոյն արհեստը կը գործենք  
տարբեր եղանակներով:

Քայլաքամը խօսք տալով որ անոնց ալ բայմա-  
ֆամուրիւն մը տրուելուն համար պիտի աշխատի՝ օձի-  
քը կ'ազատէ:

—30 Օգոստո—

Ալպանացիները որոշած են դիմադրութիւն ընել  
նաւային ցոյցին, որ այսօր կամ վաղը տեղի պիտի  
ունենայ:

—31 Օգոստո—

Նաւային ցոյցը չգործադրուեցաւ այսօր:

—————

Առաւօտ.— Առաջին նախարար անուանուեցաւ  
նախորդ առաջին նախարար Սայիտ փաշան, որ նշա-  
նաւոր է համակրութեամբը, զոր ունի մեր ազգին  
համդէպ:

—————

Կէսօր.— Ժամէ ժամ նոր փոփոխութիւններու  
կը սպասենք: Սայիտ փաշան դեռ պաշտօնանկ չնղաւ:

—————

Երեկոյ.— Սայիտ փաշան դեռ կը վարէ իր պաշ-

կը գրուցուի, թէ անցեալ ամսու մէջ Պ. կոչէնի  
երեւցած Աստուածածինը Ֆերանի հազած և երեսն ալ  
եաւմախով ծածկած է եղեր:

—1 Սեպտեմբեր—

«Մասիս»ի խմբագիրը քանի մը ժամանակէ ի վեր  
ինքինքը բոլորովին քահանայութեան տուած է. ա-  
մին անգամ, որ ձեռքս կ'առնեմ այս թերթը՝ մէջը  
ուրիշ բան չեմ գտներ բայց միայն նշանտուք կամ  
հարսանիք կամ ննջեցեալ և շատ անգամ ալ երեքը  
մէկէն:

Հարուստ մը նշանուելուն պէս «Մասիս» իր բե-  
րանը կը բանայ և կը սկսի այսպէս խօսիլ.

«Թերկրութեամբ սրտի իմացանք, որ վսեմափայէ  
այսինչին ազգասէր, բարեսիրտ, գթասիրտ և ազնուա-  
կան որդին — «Մասիս» գոյականներն իսկ կը շողո-  
քորթէ անոնց իւրաքանչիւրին երբեմն չորս ածական  
տալով — Մեծապատիւ այսինչին նազելաշուք աղջկա-  
նը նշանուած է և հարսանեաց հանգէսն ալ մօսերս  
պիտի կատարուի: Աւելորդ է ըսել, թէ այս միու-  
թիւնն ո՛րչափ բերկրութիւն պիտի սրտճառէ ողջա-  
միտ ազգայիններու. վասն զի այս միութենէն պիտի  
մնանին այնպիսի զաւակներ, որ — «Մասիս»ի բաժա-  
նորդ պիտի գրուին — մեծամեծ ծառայութիւններ  
պիտի մատուցանեն ազգին.】 այնպիսի զաւակներ  
որոնց փայլուն ապագան այսօր իսկ կարող ենք  
չնորհաւորել:»

Իսկ երբ հարուստ մը վախճանի՝ «Մասիս»ի խըմ-  
բագիր Տէր իւթիւնեան քահանան ննջեցեալին տղուն

հարցնել կուտայ ուրիշի մը բերնով, թէ պիտի շարունակէ «Մասիս»ի բաժանորդագրութիւնը. եթէ բացատական պատասխան տրուի՝ «Մասիս» լուս կը մնայ, իսկ եթէ հաստատական՝ շուրջառը կը հաղնի և կը սկսի պոռալ.

«Յաւօք սրտի կը ծանուցանենք, որ մեծապատիւ այսինչը երէկ գիշեր իր մահկանացուն կնքեց ծաղիկ հասակին մէջ —հարիւր քսան տարեկան— ի խոր սուգ ընկլմելով իր ազգականները, բրացիները, բարեկամները —հապա իր պարտատէրները— եթէ մխիթարուելու բան մը ունինք՝ այն ալ սա է, որ հանգուցեալը կը թողու բարեկիրթ զաւակ մը, որ խօսք տուած է «Մասիս»ի բաժանորդագրութիւնը շարունակել և ամենուն համակրութիւնն առ ինքն գրաւած ունի եւայլն»:

Երբ միշտ այսպիսի լուրերու կը հանդիպիմ «Մասիս»ի մէջ, ինքն իրենս կ'ըսեմ.

«Եթէ հարուստ մը չամուսնանայ կամ չվախճանի, «Մասիս»ի ելեւմտացոյցը շատ խեղճութեան մէջ պիտի իյնայ»:

Այս դիտողութիւնն ընելէս ետքը կը հարցնեմ ես ինձի, թէ «Մասիս»ի խմբագիրն ինչո՞ւ կնունքներն ալ չի հրատարակեր և կամ վերջապէս ինչո՞ւ քահանայ չի ձեռնադրուիր . . . :

## —2 Սեպտեմբեր—

Թրքական մամուլը կրակ ու բոց կը ժայթքէ մեր ազգին մօրուքին որ չի բռնկիր: «Թէրձիմանը Հաքիքաթ» կեղծ նամակ մը կը հրատարակէ այսօր Դանիէլ Պաղտատարօֆ ստորագրութեամբ: Այս Դանիէլն՝ որ նոյն իսկ «Թէրձիմանը Հաքիքաթ»ին խմբագիր Միտա-

համն է, կ'ըսէ թէ՝ եթէ՝ թուշք կառավարութիւնն Հայաստանի ինքնօրինութիւն չտայ՝ Եւրոպա պիտի այս զայն և եթէ Եւրոպան ալ չտայ՝ քանի մը տարիէն Ռուսիոյ նաւերը պիտի երեւան Սեւ ծովու մէջ: Յայտնի է որ Միտհատ շինծու նամակներով քիւրտերը գրգռել կ'ուզէ հայերու գլմ. սակայն քիւրտերը պիտի գրգռութին . . . : Արգեօք ասոնք գո՞հ են թրքական կառավարութենէն, որուն պաշտօնեաները մէյմէկ աւագակ լինելով՝ շատ անգամ կը յափշտակեն ինչ որ քիւրտերը պիտի յափշտակէին . . . :

## —3 Սեպտեմբեր—

Փոքրիկ կատակերգութիւն մը.

Գիտէք արգէն որ աղջիկ-տեսի սովորութիւնը բուլորվին վերցուած չէ մայրաքաղաքիս մէջ: Երիտասարդներէն շատերը երբ կին մը առնել ուզեն՝ այնպէս կը վարուին, ինչպէս կը վարուիմ ես՝ երբ կով մը կամ ձի մը գնել ուզեմ. աղջիկը իրենց ազգականներուն աչքերով կը տեսնեն և եթէ հաւանին, սակարկութեան կը սկսին, իսկ եթէ չհաւանին՝ ուրիշ աղջիկ մը տեսնելու կ'երթան: Ժամանակաւ սովորութիւն կայ եղել աղջիկները բաղնիքի մէջ ալ քննել տալ՝ համոզուելու համար, թէ մարմինը թերութիւններ չունի: Ա՛հ, ո'րչափ մարմնապաշտ են մարդերն ամուսնութեան մէջ. ո'վ մարդեր, գուշք մարդ չպիտի ըլլաք: Հոգւոյն բաղնիքն ալ քաւարանն է, բայց ո'չ ո'ք քաւարան կ'երթայ իր առնելիք աղջկան հոգւոյն թերութիւնները տեսնելու համար . . . միայն այն երիկներն, որ տգեղ կիներ ունին՝ քաւարան զրկել կ'ուզեն իրենց կիները . . . : Մարդերն աւելի նիւթապաշտ են քան հոգեպաշտ: Ի զուր կը պոռան աստուածաբանները, թէ հո-

գին մեծ է քան զմարմին . այո՛ , կ'ըսեն . հոգին մեծ  
է քան զմարմին , բայց մարմին զեղեցիկ է քան զու-  
գի և ամսւանութեան մէջ , կ'ըսեն , մեզի աւելի գե-  
ղեցկութիւն պէտք է քան թէ մեծութիւն : Ո՞վ յի-  
մարութիւն . . .

Ներեցէք , նիւթէս քիչ մը շեղեցայ :

Տիկին Թ . . . ին լուր կը արուի թէ Սեպահմբեր  
երեքին իր աղջիկը տեսնելու համար քանի ձը տի-  
կիններ աղջիկ-տեսի պիտի գան :

Տիկին Թ . իրար կ'անցնի և անմիջապէս աղջկը  
կը կանչէ :

Աղջիկը վազելով կուգայ :

— Քեզ տեսնեմ , աղջիկս , կ'ըսէ տիկին Թ . . .  
աղուորիկ մը հագուէ , աղուէ :

— Ի՞նչ կայ , մայրիկ :

— Քանի մը հիւրեր պիտի գան այսօր , անոնց  
առջեւը շատ մի խնդար , որ քաշել տուած ակռանե-  
րուդ տեղերը չերեւան :

— Մայրիկ , դուն ալ միշտ ակռաներս երեսիս կը  
զարնես , չորս ակռայ քաշելով Ի՞նչ կ'ըլլայ եղեր :

— Զէ , որդի , քուկին բարույց համար կը խօ-  
սիմ կոր : Թեւերուդ մէջ մէյմէկ կտոր բամպակ  
թխմէ որ գէր երեւաս :

— Իմին կազմս ի՞նչ ունի որ . . . աձե՞ւ եմ . . . :

— Դուռը կը գարնեն :

— Եկան , եկան , կը պառայ մայրը և դուռը բա-  
նալու կը վազէ , աղջիկն ալ հագուելու :

— Ա՞ս է տունը , կը հարցնեն հիւրերը դրան  
առջեւ :

— Աս է , աս , կը պատասխանէ տիկին Թ . . .  
ներս հրամմեցէ՞ք :

— Սխալմամբ ուրիշ տուն մը չմտնենք :

— Զէ , չէ , հոս պիտի գաք :

Հիւրերը , որոնք երեք տիկիններէ կը բաղկա-  
նային , ներս կը մտնեն :

Պէտք է զիսնալ որ այս հիւրերը Ընկերութեան  
մը անդամներն էին , որոնք տունէ տուն պատելով  
տիկիններէ դրամական նուէր կը հաւաքէին իգական  
սեռին դաստիարակութեան համար :

— Բարի եկաք , մատամներ , կ'ըսէ տիկին Թ . . .

— Բարի տեսանք , կը պատասխանեն երեք հիւ-  
րերը , որոնց մին քիչ մը կը սրդողի մատամ բառին  
վրայ , կ'երեւի որ տրմուազէլ էր :

— Ի՞նչպէս էք , աղէկ էք :

— Փառք Աստուծոյ , ձեզի տեսանք աւելի աղէկ  
եղանք :

— Ողջ եղէք , տափկա ձեր ազնուութիւնն է :

— Ի՞նչպէս ժամանակ կ'անցընէք գիշերը :

— Շիամակը՝ կոնուխ կը պառկինք . մեծաւորս  
պտտիլ չի սիրեր , հիմակուան զբօսանքներէն ալ շատ  
չախորժիր :

— Աղէկ կ'ընէք :

Աղջիկը որ աճապարանօք հագուած էր՝ սենեակէն  
ներս կը մանէ և հիւրերու ձեռքերը կը թօթուէ :

— Աղջիկս , ձեռք չպագնի՞ս :

— Տէր ողորմեա , այդ սովորութիւնը չկայ հիմա ,  
կը պատասխանեն հիւրերը :

— Ի՞նչո՞ւ չկայ , թո՞ղ տուէք որ պագնէ , կ'ա-  
ղչեմ :

— Թո՞ղ չենք տար :

— Իրաւ որ կը սրդողիմ , հայրն ալ իմանայ նէ  
կը բարկանայ ինծի , կ'աղաչեմ , թող տուէք որ ամեւ-  
նուդ ալ ձեռքերը զատ զատ պագնէ . մեղայ , բերանը  
չի մաշիր ա՞ . . .

— Շատ լաւ:

— Մենք մեր մհծերէն ինչ որ տեսեր ենք նէ՞ անանկ կ'ընենք: Ձեռքէս եկածին չափ աշխատեցայ, որ աղջիկս կրթեմ, ֆրանսերէն ալ սորվեցուցի. (աղջկանը դառնալով) աղջի՛կ, քիչ մը ֆրանսերէն խօսքեր չ'ընե՞ս մատամներուն հետ:

Հիւրերէն մին մատամ բառին վրայ կէս կանգուն վեր կը ցատկէ նստած տեղէն:

— Բաւական ձեռագործ ալ սորվեցուցի, կը շարունակէ տիկին թ... , պարել ալ գիտէ, եթէ կ'ուղէք, պարեցէք հետը քիչ մը:

— Թող մնայ այսօր, կը պատասխանէ հիւրերէն մին և գրանին անդորրագիր մը կը քաշէ, մատիտ մըն ալ հանելով ծոցէն:

— Եթէ կ'ուղէք՝ քիչ մը ֆրանսերէն խօսի... :

— Շնորհակալ ենք, խերը տեսնենք, մենք ալ անոր ուսումնականութեանը վստահելով հոս եկանք և շատ ուրախ ենք, որ մեր յուսացածէն աւելի կը թուած և պարկեշտ տեսանք զի՞նքը:

Տիկին թ... կ'ուրախանայ այս յայտարարութեան վրայ, որ իրեն համար կը նշանակէր. թէ խօսք-կապը հետեւեալ օրը պիտի զրկուի:

— Քանի՞ դահեկան գրենք, կը հարցնէ հիւրերէն մին, մատիտն և անդորրագիրը ձեռքին մէջ բռնելով:

— Քանի՞ դահեկան... :

— Այո՛, ձեր կարողութեանը համեմատ բան մը ըսէք:

— Ատոր խօսքը հօրը հետ պիտի ըլլուի:

— Հայրը ո՞ւր գտնենք. դուք գիտէք հարկաւ, թէ ի՞նչ կընաք տալ. ասիկա անանկ բան մըն է որ ամսէ ամիս պիտի առնուի:

— Ամսէ ամիս ինչո՞ւ առնուի. ասանկ գործի մը

ելնողը հարկաւ առաջուց պատրաստած է իր տալիք ստակը: Բայց ես ալ ձեզի բան մը հարցնե՞մ:

— Հարցուցէք:

— Այս ստուկն որու որ պիտի տանք նէ՞ ան ալ գոնէ դրամագլուխ մը ունի՞:

— Ի՞նչ կ'ըսէք, տիկին, հազար ոսկիի մօտ դրամագլուխ ունի այսօր:

— Հազա՞ր ոսկի:

— Այո՛:

— Իմ լսածս հազիւր հազիւր ոսկի ունի եղեր:

— Սիալ է, տիկին:

— Քանի՞ տարեկան բան է աս, որ հազար ոսկի ունինայ:

— Հազիւր երկու տարեկան կայ, տիկին:

— Զիս կը ծաղրէ՞ք կոր, մատամներ:

— Ծաղրելու ի՞նչ կայ, տիկին:

— Վնաս չունի, բայց ինձի բախն թէ քառասունի մօտ է եղեր և մօրուքին մէջ ճերմակ ալ ինկեր է:

— Ի՞նչ... մօրուք... մեր ընկերութիւնը մօրուք ալ ունի եղեր... :

— Զեր ընկերութիւնը... :

— Հապա գուշք որո՞ւ համար կը խօսէիք:

— Մեր փեսացուին համար չէի՞ք խօսեր:

— Ներեցէ՞ք, տիկին, սփալմամբ հոս եկած ենք.

... Պ. ի... հանի տունն ո՞ւր է:

— Մեր քովի տունն է:

— Թողութիւն կ'ընէք, մենք ընկերութեան մը համար դրամ հաւաքելու ելած ենք այսօր:

— Դուք ալ ներեցէ՞ք, ես ալ աղջիկ-տեսի համար հիւրերու կը սպասէի այսօր:

Հիւրերը կը բաժնուին տիկին թ... է, որ պատուհանին առջեւը կ'անցնի, կը նստի իր բուն հիւրերուն սպասելու:

## —4 Սեպտեմբեր—

Եթէ Հայուստանի մէջ բարենորոգում լինի՝ նմանը չտեսնուած արիւնահեղութիւն մը տեղի պիտի ունենայ եղեր հոն։ Քիւրտերը վախ չունենալով ո՛չ Ռուսիայէն և ո՛չ Եւրոպայէն՝ հաւու պէս պիտի մորթեն և պիտի ուտեն եղեր հայերը։

Այսպէս կը խօսի տաճկական մամուլը, որպէս զի Եւրոպան փոխէ իր ընթացքը, զոր որոշած է բռնել Արևմելեան առկախ խնդիրներուն լուծման համար . . . :

## —6 Սեպտեմբեր—

Նոր Ղազարուհի մը։

Հայ կին մը որ ժամանակէ մը ի վեր հիւանդ էր՝ առջի օր թաղուելու տարուած ժամանակ դադաղին մէջ կը նստի և խմելու ջուր կ'ուզէ։

«Մասիս» այս զէպքը յիշելով կ'ըսէ։

«Տասնեւիններդ դարուս մէջ կը վայլէ՝ որ կենդանի մը մեռեալ կարծուի։»

Ես ալ կ'ըսեմ.

«Ինչո՞ւ ուրեմն տասնեւիններորդ դարուս մէջ կենդանի կարծուի «Մասիս»ը, որ մեռեալ է։»

## —7 Սեպտեմբեր—

Մաքսատան պաշտօնեաները մեծ խնամքով կը քննեն մայրաքաղաքս մտած գիրքերը, որպէս զի կառավարութեան քաղաքականութեան դպչող կէտեր չպարունակեն անոնք։

Այսպէս, Վիեննայէն կամ Վենետիկէն դրկուած քերականներն ալ մէկ ծայրէն միւս ծայրը կը կար-

դացուին որ Տուլչինեցի կամ Յունաստանի կամ Հայաստանի վրայ բան մը գրուած չըլլայ անոնց մէջ։

Այսուհետեւ բառարաններն ալ խիստ քննութեան պիտի ենթարկուին։

## —8 Սեպտեմբեր—

Հայկական խնդիրը իր կարգին կը սպառէ որ լուծուի։ Նախ՝ Գարաստաղի խնդիրը պիտի լուծուի, ետքը Յունաստանի խնդիրը և վերջը՝ Հայաստանինը։

Պզտիկութեանս առակ մը կարդացած եմ՝ չգիտեմ ուր։ Այս առակը կը պատմէ, թէ վարժապետին մէկը տղու մը ձեռքը քերական մը տալով՝ կը հրամայէ որ այլ ըսէ։ Տղան այլ չըսեր։ Վարժապետը երկու շաբաթ շարունակ կ'աշխատի աշակերտին այլ մը ըսել տալու և չի յաջողիր։ Երբ պատճառը կը հարցուի տղուն՝ սս պատասխանը կը տրուի, թէ եթէ այլ ըսեմ, ետեւէն բենը, գիմը, դան և մինչեւ եւ օ Ֆ ըսել պիտի տաք ինձի, ուստի անոր համար այլը չեմ ըսեր, որ միւս զիրերն ալ ըսելու չստիպուիմ։

Մեր կառավարութիւնն ալ չուզեր Գարաստաղի լուգիրը լուծել, որպէս զի միւսներն ալ լուծելու չսուխպուի։

Թէպէտեւ վերոյիշեալ առակէն քաղուելիք իրատը չեմ յիշեր, բայց լաւ կը յիշեմ, որ վարժապետը հաստատամտութեամբ մինչեւ և եւ օ Ֆ ըսել տուած է տղուն։

Եւ կլատսթոնը, որ այդ վարժապետէն աւելի հաստատամիտ է, ոչ թէ միայն մինչեւ եւ, օ Ֆ ն, այլ ընթերցարան խիկ պիտի կարդացնէ թուրք կառավարութեան, թուրք կառավարութեան շահուն համար։

—9 Սեպտեմբեր—

Վա՛յ անոնց, որ կը յանդգնին Հայաստան բառը  
արտասահնել . . . :

Դատական նախարարութեան կողմէ ծանուցագիր  
մը զրկուեցաւ Պատրիարքարան, խստիւ պատուիրելով  
Ս. Պատրիարքին, որ այսուհետեւ չգործածէ Հայա-  
ստան բառը :

Բացի այս պատուէրէն, ծանուցագիրը կ'առգիլէ  
Ս. Պատրիարքին՝ Բ. Դրան քաֆրիր գրել այն ինդիր-  
ներուն համար, որոնք կրօնականին հետ յարաբերու-  
թիւն չունին : Կրօնական ինդիրներու համար Ս.  
Պատրիարքը պիտի վայելէ քաֆրիր գրելու չնորհը,  
իսկ երբ մեր ինչքը, կեանքն ու պատիւը բռնաբար-  
ուին՝ Ս. Պատրիարքը լոռւթիւն պահելու է եղեր :

Դատական նախարարութիւնը ծանուցագիր մըն  
ալ քիւրտերուն զրկելու է, ծանուցանելով իրենց՝ որ  
այսուհետեւ մեր ընչից, կենաց և պատոյն ինայեն  
և մեր կրօնքը միայն բռնաբարեն . . . :

—10 Սեպտեմբեր—

Քարաքաշեանի Աշխարհագրութիւնը հրատարակ-  
ուեցաւ այս օրերս :

Պ. Քարաքաշեան Մուշ և Վան քաղաքները Քիւր-  
տիստանի մէջ զնել բարեհաճած է այս անդամ, մինչ-  
դեռ 1866ի Աշխարհագրութեանը մէջ Հայաստանի մէջ  
չինած էր այդ քաղաքները :

Ի՞նչ նպատակաւ արգեօք այդ քաղաքները Հա-  
յաստանէն Քիւրտիստանի փոխադրուած են . . . ո՞ր աշ-  
խարհագրութենէն քաղած է իր տեղեկութիւնները Պ.  
Քարաքաշեան . . . — Լորտ Բիկոնսֆիլտի աշխարհագրու-  
թենէն անշուշտ . . . :

—11 Սեպտեմբեր—

Վարչական կազմակերպութեան ծրագիրը քուէար-  
կութեամբ ընդունուեցաւ Երեսփոխանական ժողովէն  
և Պատրիարքին յանձնուեցաւ ի գործադրութիւն :

Մինչեւ հիմա վարչական դրութեան վրայ կը  
բեռցնէինք այն բոլոր սխալները, զորս կը գործէինք  
վարչութեան մէջ . տեսնենք այսուհետեւ ո՞վ պատաս-  
խանատու պիտի ըլլայ մեր սխալ քայլերուն . . . արդ-  
եօք մէկ երկու տարիէն ետքը այս նոր դրութիւնն ալ  
չպիտի՝ բամբասէնք :

—12 Սեպտեմբեր—

Աղջային նոր հանդէս մըն ալ աւելցաւ :

Պ. Գ. Մսերեանի աշխատասիրութեամբ «Մէտէո-  
րա» անուամբ իզմիրի մէջ ի լոյս ընծայուեցաւ այս  
հանդէսը :

Նոյն բարեմաղթութիւնը կ'ընենք այս հանդէ-  
սին, ինչ բարեմաղթութիւն որ կ'ըւլան բարեկամ-  
ներու, նոր տարւոյ առթիւ :

«Մէտէորա», երջանիկ օրեր, յաջողութիւն, ա-  
ռատ բաժանորդներ և յարատեւութիւն կը մաղթեմ  
քեզի :

Պ. Մսերեան, քեզի ալ լայն սիրտ և ընդարձակ  
քսակ կը մաղթեմ, որ կարենաս վեասու կուրծք տալ  
և շարունակել ինչ որ սկսած ես :

—13 Սեպտեմբեր—

Բ. Դուռը որոշած է Տուլէինեօն յանձնել, եթէ

Յունաստանի և Հայաստանի խնդիրներուն համար նաւային ցոյց չլինի:

Ես կ'աղօթեմ, որ Տուլչինեսն չյանձնուի, որպէս զի Հայաստանի համար ալ նաւային ցոյց մը լինի:

—14 Սեպտեմբեր—

Բարձր Հայոց անգղիսկան հիւպատոս Պ. Թրոթը խիստ բարի վկայութիւններ կուտայ Հայաստանի հայերուն համար:

Պ. Թրոթը վկայութեանը նայելով՝ Հայաստանի գրեթէ բոլոր քաղաքներուն մէջ հայերը վարժարաններուն մեծ հոգ կը տանին, սակայն գիւղերու մէջ պէտք եղածին չափ վարժարաններ չկան դեռ: Անգղիսկան հիւպատոսը համոզուած է, որ Հայաստանի մէջ ապագան հայերունն է, որոնք միշտ օգնութիւններ կ'ընդունին կեղրոնէն —մայրաքաղաքէս— մինչդեռ քիւրտերը ոչինչ ունին գովեստից արժանի: Ժամէ որ Միացեալ ընկերութիւններն ու Արհեստասիրաց ընկերութիւնը բազմապատկեն իրենց ջանքերը Հայաստանի մէջ լոյս տարածելու:

—15 Սեպտեմբեր—

Ս. Պատրիարքը պատասխանեց դատական նախարարութեան կողմէ առ ինքն զրկուած ծանուցազրին:

Ներսէս Պատրիարքը կ'ըսէ, թէ ինքը չէ ստեղծած Հայաստան բառը, որ կը գտնուի նոյն իսկ թուրք կառավարութեան շինել տուած աշխարհացոյցներուն մէջ:

Ամենապատիւ Պատրիարքը կը յայտնէ յետոյ, թէ ինքը բնաւ հաճոյք չզգար հարստահարութիւններու համար քայրիր գրելով, թէ կառավարութիւնը պար-

տաւոր է բառնալ այդ հարստահարութիւնները, որպէս զի հարկ չմնայ քայրիր գրելու:

Եթէ թուրք կառավարութիւնը Հայաստանը և քայրիրը բառնալու տեղ հարստահարութիւնները բառնալու ջանար, տեկի մեծ ծառայութիւններ մատուցած կը լինէր իր երկրին: Սակայն մեր հաւատքն այն է, որ հարստահարութիւնները չեն վերնտր, մինչեւ որ չվերնան... քիւրտերը...

—16 Սեպտեմբեր—

Արհեստասիրաց ընկերութիւնը Մշոյ Ս. Առաքելոց վանուց մէջ երկրագործական վարժարան մը պիտի բանայ մօտերս:

Քիչ բացառութեամբ վանքերը մինչեւ այսօր մէկ մէկ ծուլարաններ են, ուր արժանապատիւ միաբանները կ'ուտեն, կը խմեն և կը պառկին, որպէս թէ Աւետարանը ըստ լինէր իրենց՝ գնացէ՛ք այսունետեւ, կերէ՛ք, խմեցէ՛ք և պառկեցէ՛ք:

Ուրախ ենք, որ Արհեստասիրաց ընկերութիւնը այս վանքերէն մին առնելով բարենպատակ գործի մը պիտի յատկացնէ զայն: Ուր էր թէ վանօրէից խորհուրդը միւս վանքերն ալ միաբաններուն ձեռքէն առնէր և աշխարհականներուն վարձու տար, որպէս զի այդ վանքերէն ալ քիչ մը օգուտ քաղեր ազգը:

Միաբաններուն գալով՝ անոնց համար անկելանոց մը շինելու և տեղ մը, որ երթան մէջը պառկին և բնաւ չելնեն: Հերիք տյաշափ տարիներէ ի վեր ազգին ժառայեցին, քիչ մըն ալ հանգիստ ընեն....:

—17 Սեպտեմբեր—

Հեղինակին միւս գործերը:

Դիտէ՞ք որո՞նք ևն հեղինակին միւս գործնըը:  
Համբերեցէ՞ք որ ըսեմ:

Քանի մը տարիէ ի վեր սովորութիւն դարձած է  
մայրաքաղաքիս մէջ, որ տասնեւվեց երեսներէ բաղ-  
կացեալ տետրակ մը հրատարակողը տետրակին անունը  
տետրակին թէ՛ ճակատին վրայ կը գրէ և թէ՛ ետեւի  
կողմը, որով մէկ աշխատութիւնը երկու աշխատու-  
թիւն եղած կ'ըլլայ: Կորդացողը կ'ուզէ գիտնալ, թէ  
հեղինակին միւս գործերը որո՞նք են և շուտ մը կը  
համոզուի, թէ հեղինակին միւս գործերը այն հրատա-  
րակութիւնն է զոր կը կարդայ:

Ոմանք ալ հեղինակին միւս գործերը ըսելով հրա-  
տարակուելիք գիրքերու անուններ կը շարեն: Ասի-  
կա պարզապէս ինքզինքը հայր անուաննել է այն զա-  
ւակներուն, զորս ապագային մէջ ունենալ կը կարծէ  
կամ կը փափաքի ոք:

Ալ ասկից կարող եք գուշակել, թէ ո՞րչափ փա-  
ռամուլ գրիչներ ունինք:

Գիրք հրատարակելը տեսակ մը մոլութիւն դար-  
ձած է կ. Պոլսոյ մէջ: Մին իր բարեկամին նամակ  
մը կը գրէ և հետեւեալ օրը զայն առանձին տետրակով  
մը կը հրատարակէ: Ուրիշ մը տան մը մէջ նիւթի մը  
վրայ քիչ մը շատախօսութիւն ըրած է, հետեւեալ օրը  
մասնաւոր տետրակով մը ի լոյս կ'ընծայէ իր խօսքերը,  
ծանուցանելով միանգամայն թէ բարեկամները աղա-  
չած են իրնն որ տպէ ու հրատարակէ իր շատախօ-  
սութիւնը: Եթէ այս մոլութիւնը այսպէս շարունակ-  
ուի՝ քիչ ատենէն Պոլսոյ հայ երիտասարդները տետ-  
րակներով պիտի խօսին իրարու հետ, որով թէ՛ առատ  
հեղինակներ ունեցած պիտի ըլլանք և թէ՛ տպարանի  
պետերը ստակ պիտի վաստկին:

—19 Սեպտեմբեր—

Անգղիոյ ազգ. երեսփոխանական ժողովոյն տն-  
դամ Պ. ձէյմս Պրայս այսօր մեր ազգային ժողովոյն  
ներկայ գտնուեցաւ: Ատեանը վերնալէն ետքը երես-  
փոխանաները Դալաթիոյ եկեղեցւոյն թանգարանին մէջ  
ընդունելութիւն ըրին յիշեալ ազատական երեսփո-  
խանին, որ յայտնեց թէ ազատականները ամէն ճիգ  
պիտի թափեն Հայատանի ինդրոյն լուծմանը համար.  
թէ հայերը մեծ բաներ պահանջելու չեն և շատանա-  
լու են լիբանանի կամ Արեւելեան Ռումելիի վարչու-  
թեամբ մը, որ իրենց պիտի արուի:

Ազատական երեսփոխանի մը այսպիսի յուսադրիչ  
խօսքերէն երեսփոխանները ուրախութեամբ լցուելով  
մեկնեցան:

Եւ սակայն Բ. Դուռը մինչեւ այսօր այլ չըսաւ . . . :

—20 Սեպտեմբեր—

Տէրութեան շահերուն վնասակար լուրեր տուող  
լրագիրները պիտի խափանուին:

Այս է տպագրական տեսչութեան նոր պատուէրը:

Տպագրական տեսչութեան այս պատուէրը տէրու-  
թեան շահերուն վնասակար չէ . . . :

—21 Սեպտեմբեր—

Ամէն օր նոր ծանուցագիրներ կը վոխանակուին  
Բ. Դրան և զեսպաններու միջեւ:

Բ. Դրան գրածները գեսպաններէն չեն ընդուն-  
ուիր, ոչ ալ զեսպաններուն գրածները՝ Բ. Դոնէն:

Դեսպանները գործերը աւելի փութով յառաջ տառնելու համար՝ լաւ կ'ընեն, եթէ Բ. Դրան մէջ հաստատեն իրենց բնակութիւնը և արտաքին գործոց պաշտօնէին հետ առատօրէն ծանուցադիրներ փոխանակեն:

Կարծենք մինչեւ այսօր Գարատաղի խնդրոյն համար հազար ծրագիր առաջարկուեցաւ և մերժուեցաւ. արգեօք Հայաստանի խնդրոյն համար քանի հազար ծրագիր պիտի խմբագրուի:

—22 Սեպտեմբեր—

Բ. Դուռը կը խստանայ Հայաստանի մէջ բարենորոգումները գործադրել, միայն թէ երեք ամիս պայմանաժամ կը խնդրէ: Եթէ երեք ամսուան մէջ այդ բարենորոգումները չգործադրուին՝ Բ. Դուռը իրաւունք կուտայ տէրութիւններուն, որ դարձեալ ազդարարութիւններ ընեն իրեն:

Ի՞նչ գեղեցիկ առաջարկութիւն:

Եթէ ազդարարութիւնները դարձեալ օգուտ չընեն, տէրութիւնները դարձեալ իրաւունք կ'ունենան ազդարարութիւն ընելու:

Ազդարարութիւն թող ընեն որչափ որ ուզեն. իսկ չնշում չենք ընդունիր:

—23 Սեպտեմբեր—

Բ. Դուռը ծրագիր մըն ալ առաջարկած է Հայաստանի բարենորոգումներուն նկատմամբ:

Սոյն ծրագրին համեմատ՝ հասոյթին հարիւրին տառը տեղական պիտոյքներու համար պիտի գործածուի և հարիւրին ինսուլնը՝ Պոլիս պիտի զրկուի:

Այս էր ապակեգորնացման վրայ հիմուած բարե-

կարգութիւնը...: Դեսպանները մերժած են Բ. Դրան այս ծրագիրն ալ և Բ. Դուռը երկրորդ մը խմբագրելու վրայ է: Ըստհանրապէս կը կարծուի, թէ մինչեւ 1881 ծրագիրներով պիտի զբաղի Բ. Դուռը:

—24 Սեպտեմբեր—

Գերմանիայէն պաշտօնեայ մըն ալ պիտի գայ արտաքին գործոց նախարարութեան խորհրդականի պաշտօն վարելու համար:

Ելեւտականի հոմար Գերմանիայէն եկած միւս պաշտօնեան առաւտօնէն մինչեւ երեկոյ Պանք Օթօմանի մէջ տօնովիսներու կարոնները կը համրէ և կ'ըսուի թէ հազիւ երկու տարուան մէջ կարող է աւարտել այս պաշտօնը...: Անշուշտ միւս գալիք պաշտօնեային ալ ծրագիրներ համրել պիտի տայ Բ. Դուռը...:

Փոխանակ այսպէս պաշտօնեաներ բերելու Գերմանիայէն, աւելի լաւ չենի՞ր որ մեր բոլոր գործերը Պիստարք իշխանին յանձնենք...:

—28 Սեպտեմբեր—

Սովելոց Մասնաժողովոյ անդամները մեծ անձնութիւննեամբ և զոհողութեամբ կ'աշխատին Հայաստանի սովետներուն վիճակը ձմեռուան եղանակին մէջ ալ ապահովելու համար:

Մեծ չնորհակալութեան և գովեստից արժանի են յիշեալ Մասնաժողովոյ բոլոր անդամները, որոնց մին թէպէտեւ միշտ գրաբար կը գրէ Մասնաժողովոյ յայտարարութիւնները:

Այս սովէն գրաբար լեզուն բաւական օգուտ քառեց. եթէ շատ մը մարդեր սովէն մեռան, մեռեալ

մըն ալ սովէն յարութիւն առաւ դոնէ լրագիրներու  
մէջ քանի մը օրուան համար :

—29 Սեպտեմբեր—

Բ. Դուռը վերջապէս որոշեց Տուչինեօն Գարա-  
տաղի յանձնել և այս խնդիրը լմնցնել :

Բայց տեսնենք, որոշումը պիտի գործադրէ .  
խնդրոյն ամենէն կարեւոր կէտն այս է :

—30 Սեպտեմբեր—

— Հայրիկ, քերականութիւնը ուղիղ խօսիլ  
չե՞ սորվեցներ :

— Այո՛, տղաս :

— Ի՞նչու ուրեմն լրագիրներէն ոմանք ուղիղ չեն  
խօսիր . . . :

—————

— Հայրիկ, ի՞նչ է ամուսնութիւնը :

— Տղա՛ս, սիրոյ մէջ բարդ բառ մըն է, որ երկու  
բառէ կը բարդուի :

— Հապա սիրական ի՞նչ ըսել է . . . :

— Դերանուն մըն է, տղա՛ս, որ ամուսնոյն տեղ  
կը դրուի անհաւատարիմ ամուսնութեան մէջ :

—1 Հոկտեմբեր—

Թո՛ղ տուէք ինձ, պարոննե՛ր, որ այս ամսու յի-  
շատակարանիս առաջին օրը կիներու ջիղերուն նուի-  
րեմ :

Ամէն օր կը կարդաք լրագիրներու մէջ արիւնա-  
յին յօդուածներ, մաղձային գրութիւններ . այսօր ալ  
իմ ջղային քանի մը տողերս կարդալ հաճեցէք :

Քանի մը ժամանակէ ի վեր մայրաքաղաքիս մէջ  
ջղային հիւանդութիւն մը երեւան եկած է և քիչ  
կնիկ կայ, որ այդ ախտին ենթակայ չլինի :

Դեռ անցեալ շաբաթ էր, որ փողոցէ մը անցած  
տաենս ստիգուեցայ մէկէն ի մէկ կանգ առնել՝ տունէ  
մը հետեւեալ խօսքերը լսելով .

— Շուտ ըրէք, ջուր բերէք :

— Կարապե՛տ, գուն բժշկին վազէ :

— Բացախը բերէք :

— Լիմոնը բերնին մէջ սեղմեցէք :

— Թորո՛ս, գեղագործին վազէ՛ :

— Մարկո՛ս, ի՞նչու կայներ ես, քահանային  
գնու :

Վախնալով որ զիս հոն տեսնելով ժամկոչին վազ-  
ցընել կուտան՝ քիչ մը հեռացայ և փողոցին ծայրը  
սպասեցի առ գործին վախճանը տեսնելու համար :

Քանի մը վայրկեանէն երկար գլխարկով բժիշկ  
մը յիշեալ տունը մտաւ : Զայները դադրեցան : Երեք  
վայրկեան եւս անցաւ և ահա տան սպասաւորը տու-  
նէն ելաւ ձեռքը ունենալով թուղթ մը՝ որ հաւա-  
նաբար բժշկին տուած գեղագիրն էր : Դեղագոր-  
ծութեան քիչ մը ծանօթութիւն ունենալով՝ սպասաւ-  
որին մօտեցայ և ազաէցի որ գեղագիրը տեսնեմ :  
Այս ժամբով, ըսի ինքնիրենս, հիւանդին ախտը կը  
հասկնամ և հետաքրքրութիւնս կը փարասեմ : Սպա-  
սաւորը հաճեցու և թող տուած որ կարդամ գեղա-  
գիրն մէջ . . . ահա կարդացածս .

«Ճերմակ գլխարկ մը,

Աջ կողմը սեւ փետուրներով զարդարուած,  
Զախ կողմը պղտիկ թռչուն մը,  
Առջեւի կողմը ծաղիկ մը,  
Ետեւի կողմը խնձոր մը»:

(Սառագրութիւն) թժ. Գ. Ք.

Կեանքիս մէջ բնոււ այսպիսի գեղագիր մը կարգացած չըլլալով. հետաքրքրութիւնս փարատելու տեղ աւելցաւ: Հետաքրքրութիւնս իրաւունք ունէր աւելնալու, վասն զի գլխարկ մը՝ մանաւանդ այդ տեսակ գլխարկ մը, որ պարագէղէ մը բնոււ տարերութիւն չունի, ո՛չ գեղահատի պէս կը կլլուէր, ո՛չ վերէն կը խմուէր և ոչ վարէն. ուստի սպասեցի թժիշկին. դուրս ենելուն պէս մօտեցայ իրեն և ներում խնդրելով քաղաքավարութեամբ հարցուցի.

— Արդեօք կրնա՞մ հարցնել, թէ ո՞վ էր հիւանդը:

— Քսանամեայ տիկին մը:

— Վասնգաւո՞ր է հիւանդութիւնը:

— Ոչ... չնչին բան մը... ջղային տկարութիւն մը... արիւային գօրութիւն մը... սանկ...:

— Դեղ մը տուի՞ք:

— Այո', ...: Բայց ներեցէ՞ք, աւելի երկար չեմ կարող խօսիլ, վասն զի հիւանդներ ունիմ նայելու, ըստ և մեկնեցաւ թժիշկը:

Նոյն իրիկունը գործը կը ստուգեմ և կ'իմանամ, որ այդ հիւանդ կինը օր մը տառաջ իր ամուսինէն գլխարկ կ'ուզէ և երբ կը տեսնէ օր ուզածը չէ առնուած՝ կ'որոշէ օր ջղային հիւանդութիւն ունենայ:

Թանի մը օր առաջ ուրիշ կին մըն ալ մազ մնաց որ պիտի մեռնէր, եթէ թժիշկը ժամանակին չի դար: Այս հիւանդունին ալ պարահանդէս մը հրաւիրուած էր, բայց պարահանդէսի շրջազգեստ չունենալով՝ իր էրիկէն ուզած էր դայն: Էրիկը ժամանակ չունէր,

այսինքն դրամ չունէր, — վասն զի անգործ ըլլալով շատ ժամանակ ունէր — իր կնկան խնդիրքը կատարելու: Կինը ամօթ կը համարէր սովորական շրջազգեստով պարահանդէս երթալը և իրաւունք ալ ունէր, վասն զի շատ անքաղաքավար է, խաւորեալ է այն կինը, որ պարահանդէս կ'երթայ և իր թեւերն ու կուրծքը ցոյց չի տար յարգոյ հասարակութեան: Եթէ կիները երեսփոխանական ժողով մը ունենային, սովորական հագուստով պարահանդէս գացող կիներուն պարսաւանաց քուէ կուտային. եթէ նախարարութիւնն մը ունենային նախարարութիւնէ վար կ'առնեին այդ կուրծքը և թեւերը ծածկուած կիները, անվատահութեան քուէ տալով անոնց և իրբեւ վեասակար քաղաքականութեան հետեւող ամբաստանելով զանոնք: — Արդ, այս կինը կ'որոշէ, որ ջղային հիւանդութիւն ունենայ. իր որոշումը կը գործադրէ, թժիշկը կուգայ և գեղագրին մէջ պարահանդէսի շրջազգեստ մը գրելով կը մեկնի:

Ահա, բարեկամնե՛ր, կիներու ջղային հիւանդութիւնը՝ զոր բուժելու համար կամ կօշիկ կամ գլխարկ կամ շրջազգեստ և կամ վերջապէս հագուստ մը պէտք է: Կրնայի բիւրաւոր դէպքեր պատմել այս հիւանդութեան վերաբերեալ, բայց գլխու ցաւ չպատճառ ուելու համար այս չափով կը շատանամ:

Ե՞րբ պիտի հրաժարիք այս պճնասիրութենէն, ով կիներ: Աստուած, կ'ըսէ Ս. Գիրքը, կինը մարդուն կը զէն հանեց. այո', բայց նորածեւութիւնն ալ զայն մարդուն գլուխը դրաւ:

— 2 Հոկտեմբեր —

Միայն կիները չեն, որ միշտ նոր ձեւով հագ-

ուիլ կ'ուզեն, հրապարակի վրայ ալ կը գտնուին  
քննադատներ, որ նոր ձեւով խօսիլ կ'ուզեն:

Կը ներկայացնեմ ձեզ Պ. Գրասէր Ատոմի, որ  
«Մասիս»ի մէջ նոր կամ հին հրատարակութիւններ  
քննադատելու պաշտօն կը վարէ: Ճաշակը կիրթ է և  
քննադատի մը հարկ եղած դրամագլուխին ունի, բայց  
շատ անգամ գիրք մը քննադատած միջոցին կը սկսի  
իր ցաւերը մեզի պատմել: Երբեմն ալ ինքը խօսած  
ատեն լիթրէն ալ խօսքի մէջ կը նետուի: Սա խօսքը  
չլինցուցած վիքթոր Հիւկո, Վոլթէո, Լամարթին և  
ուրիշ հարիւրաւոր հեղինակներ կուղան խօսքին մէջ  
կը խառնուին, այնպէս որ ընթերցողը կը ստիպուի  
ըսել.

— Կամ ամէնքդ ալ լոեցէք, կամ մէկիկ մէկիկ  
խօսեցէք որ հասկնանք:

Քանի քանի անգամներ ըսած եմ Պ. Գրասէր Ա-  
տոմին. «Պ. Ատոմ, թող տուր սա մարդերուն օձիքը  
և դու խօսելիքդ ըսէ»:

Օրինակի համար՝ ես կ'ըսեմ.

«Արշալոյսին արթնցայ, հագուստներս հագայ և  
քիչ մը հաց կերայ»:

Տուր այս տողը Պ. Ատոմին և հետեւեալ օրը քե-  
զի պիտի ըսէ.

«Արթնցայ Արշալոյսին, զոր Վարդամանն կ'ան-  
ուանեն դասականք, և հագայ հագուստներս՝ որոնք  
տձեւութիւն ծածկելու միայն ծառայելու են, կ'ըսէ  
ժան ժագ Ռուսօ, և կերայ քիչ մը հաց՝ թէպէտեւ  
Աւետարանը կ'ըսէ, թէ ոչ միայն հացիւ կեցցէ մարդ,  
այլ բանիւ Տեառն»:

Ինչու համար մտքին ուղղութեանը դէմ ապստամ-  
քիլ և ընթերցողներդ չարչարել, ո՛ Ատոմս, շիտակ

ճամբարդ գնա՛, ի՞նչ հարկ կայ ամէն քայլափոխիդ մէյ-  
մէկ հեղինակի դուռը ափ առնելու:

### —3 Հոկտեմբեր—

Լրագրի մը մէջ կարդացի հետեւեալ տողերը.

«Եթէ կղերին թերութիւնները գրել հարկ ըլլայ,  
հատորներ կը լինին»:

Իրաւունք տուի այս մարդուն. ես ալ փորձած  
եմ, որ եթէ կղերին առաւելութիւնները գրել հարկ  
ըլլայ, երկու տող չեմ կրնար լեցնել:

Մայրաքաղաքիս մէջ գտնուող վարդապետները,  
որոնք միշտ Հայրենիք, Հայրենիք կը պոռան՝ հիւան-  
դութիւն կ'ունենան երբ Հայաստանի մէկ գաւառէն  
առաջնորդ ընտրուին:

Կը հրաժարիմ յականէ յանուանէ զանոնք հոս յի-  
շելէ:

Ասոնք միշտ հոս մնալ կ'ուզեն. Վոսփորին երկու  
եղերքներուն վրայ կը փափաքին ծառայել Հայաս-  
տանի:

Ափսո՞ս, քիչ հայ կղեր ունինք, որ նօրալի ու-  
նենայ . . . :

### —4 Հոկտեմբեր—

Վաճառականի մը պարկերուն մէջէն հակ մը  
«Մշակ» լրագիր գտնուած և մաքսատունէն արգիւ-  
ռւած է, որովհետեւ օսմանեան կառավարութեան բա-  
րենորոգումներուն վրայ կծու յօդուածներ կը պա-  
րունակէ եղեր:

Հոս մտնել ուզող լրագիրները բարենորոգման  
վրայ խօսելու չեն, վասն զի շատ գժուար է թուր-

Քիայի մէջ բարենորոգում մուծանելը . մաքսատունէն  
անմիջապէս կ'արգիլուի իբրեւ վնասակար ապրանք :

—5 Հոկտեմբեր—

Ազգային ընկերութիւնները , առանց բացառու-  
թեան , աշխուժիւ և նռանդեամբ կը գործեն :

Միացեալ Ընկերութիւնն , Արհեստասիրաց Ընկե-  
րութիւնը , Ազգանուէր Հայուհեաց և Դպրոցաէր  
Հայուհեաց և վերջապէս բոլոր ընկերութիւններն  
իրարու հետ կը մրցին :

Այս ընկերութիւններէն մէկ քանին նուիրատոմ-  
սեր հանած ըլլալով , բաժանորդագնէ զատ նուէր ալ  
կը հաւաքէ ժողովուրդէն , որ իր լուման չի զլանար ազ-  
գօգուտ ձեռնարկութիւններու :

Յաւալի է սակայն , որ ժողովուրդն ընթերցասի-  
րութեան մասին այնչափ եռանդ ցոյց չտար . . . Պ.  
Նորայր , որ անյօդդողդ հաստատամութեամբ կը շա-  
րունակէ իր բաւարանին հրատարակութիւնը , այսչափ  
նեղութիւն չէր քաշեր , եթէ նուիրատոմսեր հանէր  
կամ եկեղեցւոյ մէջ գանձանակ պտտցնէր ինպատ  
իր բաւարանին :

Կ'ամչնանք խոստովանելու , բայց պէտք է ըսել  
որ , եթէ Վենետիկի կամ Վիեննայի միաբանու-  
թիւնները չլինէին՝ ազգն այսօր ո՛չ թէ գաղղիերէն-  
հայերէն . այլ միայն հայերէն բառարան մը իսկ պի-  
տի չունենար . . . :

Կեցցէ՛ Սահմանադրութիւն . . .

—6 Հոկտեմբեր—

Հայկական խնդիրը դեռ կը սպասէ , որ Գարա-

տաղի և Յունաստանի խնդիրները լուծուին , որպէս զի  
կարգը իրեն դայ :

Սոյն խնդիրները գորգեան հանգոյց դարձոծ ըլ-  
լալով՝ կը կարծուի թէ դանակը միայն պիտի կրնայ  
զանոնք լուծել :

Վեց տէրութիւններուն զրկած նաւատորմիջը  
մինչեւ այսօր օգուտ մը չունեցաւ . . . Տուլչինեօն դեռ  
Գարատաղի չյանձնուեցաւ , թէպէտե թուրք լրագիր-  
ներն ամէն օր կը պոռան , թէ քանի մը օրէն Տուլչին-  
եօն կը յանձնուի :

Ո՞վ չի գիտեր , թէ թուրքերուն մէկ օրը ամիս մըն  
է , ամիսը տարի և տարին դար : Երբ Թուրքիան երեք  
տարի պայմանաժամ խնդրէ բարենորոգման համար ,  
երեք դարու մէջ հազիւ կրնայ բարենորոգման օգտա-  
կար ըլլալուն համոզուիլ . . .

—7 Հոկտեմբեր—

Քիւրտերուն պարսից հողը մտնելը մտատանջու-  
թիւն կը պատճառէ մեր ազգայիններուն , որոնք կը  
վախնան թէ քիւրտերը երբ պարսից սահմաններէն  
հալածուին՝ չարիք չդորձեն դարձեալ Հայաստանի  
ժողովրդեան վրայ :

Արդէն լուր կուտան , թէ պարսից հողին վրայ  
բաւական հայեր ջարգուած են քիւրտերէ :

—8 Հոկտեմբեր—

Թուրք կառավարութիւնը Լուսինեան վեցերորդ  
կեւոն թագաւորին լուսանկար պատկերները ժողվել  
տուաւ հայ գրագաճառներու խանութներէն :

Կ'ըսուի թէ զանոնք հրացանի պիտի բռնել  
այ . . . :

Բ. Դուռը իր խորին՝ քաղաքագիտութեամբը համոզուած է թէ այդ պատկերներն են հայկական խնդիրը յուզողները :

—9 Հոկտեմբեր—

Թուրք լրագիրները պարծանօք կը հրատարակեն, թէ Պայրամի առթիւ պաշտօնեաներուն ամսական պիտի տրուի :

Մարդս ինքնիրեն հարցնելու կը ստիպուի թէ, եթէ ասոնք Պայրամ չունենային՝ պաշտօնեաները բնաւ ամսական չպիտի՞ առնէին . . . :

Ցաւալին այն է, որ տարին մէկ երկու Պայրամ ունին. միւս ամիսներն ի՞նչ կ'ուտեն պաշտօնեաները :

— Կաշառք . . . մանաւանդ Հայսասանի մէջ . . . :

—10 Հոկտեմբեր—

Սովը նորէն սկսաւ Հայսասանի մէջ երեւիլ :

Սովելոց մասնաժողովն այս մասին տիսուր լուրեր հրատարակելով՝ ազգային օգնութիւնը կը խնդրէ :

Դժբախտաբար մեր շատ մը հարուստ ազգային-ներուն սրտին մէջ ալ գթութեան սով կայ և երբ այս երկու սովերը իրարու հանդիպին՝ հետեւանքը գուշակելը շատ դիւրին է :

Այն հարուստները, որոնք կարող են սովեալներուն յօդուտ երկու հազար սոկի տալ՝ հազիւ տասը կամ քսան սոկի կուտան : Կ'երեւի թէ ասոնք միջին աստիճանի մարդերէն շատ չեն ախորժիր և անոնց վերնալը կը փափաքին աշխարհիս վրայէն, որպէս զի իրենք միայն մնան և հանդիսատ պտտին : Ուրիշ ի՞նչ կերպով մեկնելու է այս տեսակ հարուստներուն անհոգութիւնը . . . :

Յանկարծահաս դժբախտութիւնները անմիջական օգնութիւններու կը կարօտին և աս ալ հարուստներու գործն և պարտքն է . ժողովուրդը չի կրնար ըսել սովեալներուն . սպասեցէ՞ք, մի՛ մեռնիք, մինչեւ որ մէնք մեր մէջ դրամ հաւաքենք և ձեզի զրկենք :

Այս ճշմարտութեան չեն ուզեր համոզուիլ մեր հարուստներէն ումանք :

—11 Հոկտեմբեր—

Այսօր Սրբազն Պատրիարքին անուան տօնախըմբութիւնն ըլլալով՝ նորին Սրբազնութիւնը բազմաթիւ այցելութիւններ ընդունեց Պատրիարքարան : Վարչութեան անդամները, երեսփոխանները, շատ մը քահանաներ, վարդապետներ, եպիսկոպոսներ վութացին այցելութիւն տալ նորին Սրբազնութեան, որ թէպէտեւ տկար, ամէնքն ընդունեց և երեկոյին ուշատեն հազիւ կրցաւ Պատրիարքարանէն ելնել :

—12 Հոկտեմբեր—

Լրագրի մը մէջ կը կարդամ .

«Խորէն եպիսկոպոսը հանքային ջուրերը գնացեր է իր առողջութիւնը դարմանելու համար» :

Առողջութենէն վսա՞ս տեսած է արդեօք որ զայն դարմանելու համար հանքային ջուրերը գնացած է :

Գիտէինք որ առողջութիւն ձեռք բերելու համար հանքային ջուրեր կ'երթան, բայց զայն դարմանելու համար ջուրեր երթալն առաջին անդամն է որ կը լսեմ :

—13 Հոկտեմբեր—

Արմաշուր վանքին վանահայրը յիշեալ վանքին

մէջ երկրագործական վարժարան մը հիմնել կը փափաքի :

Կը շնորհաւորենք գերապատիւ վանահօր այս փափաքը և անոր իրականացման համար արդէն երկու մոմ վառեցինք այսօր :

Նորին Գերապատուութիւնը շատ փափաքներ ունէր ժամանակաւ յիշեալ վանքին վրայ, որ վերջապէս կործանման վիճակին հասաւ: Կը փափաքինք, որ այս անգամ ալ երկրագործական վարժարան բանալու փափաքով տիսոռի չվերածէ զայն:

#### —14 Հոկտեմբեր—

Անտոն վարդապետ Թարգմանեան՝ որ հոռմէական եկեղեցին լուսաւորչական եկեղեցին ցատկած էր մեծապատիւ Տօքթէօր Շիշմանեանի յորդորանոք, և որ վերջերս նորէն Լուսաւորչի եկեղեցին հոռմէական եկեղեցին անցած էր, և որ յայտնի չէ թէ քանի մը օրէն ո՞ր կրօնքը պիտի ընդունի, նամակ մը հրատարակելով կը հերքէ այն լուրը, թէ գերասանութիւն ընել սկսած է: Միայն թէ Թրանսիլվանիոյ մէջ գըտնուելով՝ այն տեղի սովորութեան համեմատ մօրուքը ածիլած է եղեր և մօրուքը պատճառ տուած է եղեր իր վրայ հրատարակուած անտեղի զրոյցներուն:

Ուրախ ենք, որ Անտոն վարդապետ իր մօրուքը ածիլած է: Եթէ հոս գտնուէք Պատրիարքարանը պիտի կատարէր այդ մօրուքին արարողութիւնը:

#### —15 Հոկտեմբեր—

Դեսպանի մը հօրաքոյրը մեր եկեղեցւոյ արարութեան շատ հաւած լինելով՝ խնդրած է, որ օր մը

ներկայ գտնուի: Երագիրներէն ոմանք այս լուրը հրատարակելով կը ծանուցանեն, թէ Ս. Պատրիարքը օր մը Բերայի եկեղեցւոյն մէջ յատկապէս պատարագ պիտի մատուցանէ:

Մենք հաւատք չենք ընծայեր այս լուրին: Թատերական ներկայացման համար մէկը կարող է ըսել «այս ինչ խաղը շատ սիրեցի, անդամ մըն ալ ներկայացուցէք որ տեսնեմ». բայց եկեղեցական արարութեան համար չենք կարծեր որ ասանկ առաջարկութիւն մը եղած լինի:

#### —16 Հոկտեմբեր—

Ամսեայ նոր հանդէս մըն ալ հրատարակուիլ սկսու «Վայելք» անունով և Պ. Մ. Գալէնտէրեանի տնօրինութեամբ:

Այս հանդէսը յատկապէս գեղեցիկ սեռին համար կը հրատարակուի և այդ սեռին վերաբերեալ հագուստները ձեւելու արհեստը կը սորվեցնէ:

Առաջին թիւը տեսնելու և տչքէ անցընելու պատիւն ունեցանք, բայց մենք բան մը չկրցինք հասկընալ: Եթէ մինչեւ ամսու գլուխ բան մը հասկնանք՝ կ'իմացնենք:

#### —17 Հոկտեմբեր—

Երեսփոխանական ժողովը Սրբազն Պատրիարքին ուղերձ մը ուղղեց ի պատախանի այն ձառին՝ զոր նորին Սրբազնութիւնը երեսփոխանական ժողովի բացման առթիւ զրկած էր յիշեալ ժողովին:

Երեսփոխանական ժողովը կը յայտնէ, թէ հայկական խնդրոյն համար վստահ է թէ՝ Աստուծոյ ողոր-

մութեանը, թէ՛ կառավարութեան արդարասիրութեանը և թէ՛ Ս. Պատրիարքին հայրենասիրութեանը: Աւզերձը կը վերջանայ գարձեալ Ս. Պատրիարքին յանձելով հայկական խնդրոյն շարունակութիւնը:

Ուզերձին լեզուէն ես այնպէս հասկցայ, որ երես փոխանական ժողովը աւելի Ս. Պատրիարքին հայրենասիրութեանը վստահ է քան թէ... քան թէ... կոստավարութեան արդարադատութեանը... ըսենք լինայ:

—18 Հոկտեմբեր—

Բնաւ դասագիրք մը այնչափ քննադատութեան նիւթ եղած չէր, որչափ որ կ'ըլլայ եղիշէ վարդապետ Դուռեանի հրատարակած «Ծնթացք ի գրոց բարբառ»:

Երկու ամիս է, որ մէկ կողմէն ամէն օր սխալներ կը գտննեն այդ դասագրքին մէջ և միւս կողմէն արժանապատիւ վարդապետը իր գրքէն սխալ քաղողներուն սխալները կը գտնէ: Որչափ ալ հայր եղիշէ համոզուիլ չուզէ և ուզած կերպով մեկնէ քերականական կանոնները՝ յայտնի է թէ իր դասագիրքը ունի սխալներ և թերութիւններ: Սակայն մենք իր ընդդիմախօսներուն պէս չենք ուզեր իր դասագրքին պատիւը կոտրել և զայն բալորովին անօգուտ համարել: Իր դասագիրքը ամէն դպրոցներու մէջ կընայ աշակերտներուն տրուիլ իրեւ վորժութեան գիրք և ուսանողները քերականութեան կանոններուն համեմատ անոր մէջ գտնուած սխալները կ'ուզեն: Արդէն քերականութեան շատ հեղինակներ այս դրութեան կը հետեւին, դիտմամբ սխալ կը գրեն, որպէս զի աշակերտները կանոններուն համաձայն դանո՞ք ուզեն:

Հայր Եղիշէի դասագիրքը մեծ յարմարութիւն ունի այս մասին... իրար անցնելու ի՞նչ կայ:

Աշխատելու ետեւէ եմ «Վայելք»էն բան մը հասկընալ, բայց կարելի չէ. եթէ իր հանդէսին բառարանն ալ մէկտեղ հրատարակած ըլլար՝ այսչափ դժուարութիւն չէի քաշեր:

—19 Հոկտեմբեր—

Ս. Երուսաղէմի վանուց մէկ նոր կանոնագիրը կը հրատարակեն ազգային լրագիրները:

Այս կանոնը վաեմ. Ստեփան փաշա Ասլանեան խմբագրած էր, երբ յիշեալ վանքին հաշիւները քըննելու համար քննիչ զրկուած էր Երուսաղէմ:

Նորին վսեմութիւնը երկու հարիւր ոսկի առաւ ի վարձատրութիւն իր ըրած քննութեան, որուն արդիւնքը դեռ ոչ ոք գիտէ:

Ահա վանք մը, որ երեսուն հազար ոսկւոյ պարտք կը դիզէ և մենք իրեն կանոն կը շինենք, առանց հարցնելու թէ ի՞նչպէս գոյացաւ այդ պարտքը, Երուսաղէմի Պատրիարքն է պատասխանատուն թէ միաբանութիւնը. ի՞նչ երաշխաւորութիւն կայ, որ ուրիշ անդամ վերստին պարտական չպիտի մնայ այդ վանքը. Կանոնի չգոյութեան պատճառաւ գոյացաւ այդ հաւատահարիչ պարտքը. ո՞վ էր պատճառ միաբանական ուխտին կանոն չունենալուն: Առանց այս հարցումներուն գոհացուցիչ պատասխաններն առնելու, խեղճ ժողովրդեան գիմել և ստակ ուզելն ուրիշ բան չի նշանակեր, եթէ ոչ հաստատել սա Ճշմարտութիւնը

թէ կրօնաւորները վանքերու մէջ պիտի նստին, պիտի ուտեն, պիտի խմեն, պիտի պառկին և ժողովուրդն ալ անոնց ծախքը պիտի հոգայ վասն երկնային փառաց:

—20 Հոկտեմբեր—

Անգղիական լրագիրները կը ծանուցանեն, որ Տուլչինեոյի յանձնումէն ետքը եթէ Անգղիա առանձին մնայ՝ աւելի առաջ չպիտի երթայ:

— Ե՞տ պիտի երթայ:

— Աս ալ չենք յուսոր:

Անգղիական լրագիրներուն այս գուշակութիւնները տխուր ազգեցութիւն մը ունեցան անոնց վրայ, որոնք իրենց յոյսը միայն Անգղիոյ վրայ դրած էին: Եւ արդարեւ Անգղիոյ ազատական կուսակցութիւնը շատ նպաստաւոր կերպով խօսեցաւ հայկական խնդրոյն համար, նոյն իսկ թաղուհին իր խօսած ճառին մէջ հայոց խնդիրն ալ յիշած էր: Սակայն մոռնալու չէ որ երբ շահը խօսի՝ յիշողութիւնը կը տկարսնայ և մարդս չի կրնար իր ըրած խօսառմը յիշել:

—21 Հոկտեմբեր—

Միացեալ Ընկերութիւնը Վանայ վարժապետանոցին մէջ բնական գիտութիւններու դասախոսութիւնն ալ աւելցուց: Յիշեալ ընկերութիւնը Կիլիկիոյ մէջ ալ գործել սկսաւ Ատանայի և Հալէպի դպրոցները իր տեսչութեան ներքեւ առնելով:

Քաղցը է մեզ հաւատալ, որ սոյն Ընկերութեան Գործադիր Ժողովոյ անդամները յաջողած են բառնալ այն անհամաձայնութիւնը, որ ի սկզբան կը տիրէր իրենց մէջ:

—22 Հոկտեմբեր—

Զրոյց կը պտտի, թէ Սաոյ Կաթողիկոսը Բ. Դրան հրամանաւ երեք վարդապետներու հետ կ. Պոլիս կը բերուի հսկողութեան տակ:

Լրագիրներուն ամէն խօսքին հաւատալո՞ւ է . . . :

Այսօր ալ չկրցի բան մը համենաւ «Վայելք» էն . . .

—23 Հոկտեմբեր—

Լրագիրները կը ծանուցանեն, թէ Կալնոյ և Վանայ գաւառներուն մէջ ըլլալիք բարենորոգումներուն երկրորդ հոմիւր Աղարէկեան Սարգիս էֆէստին Պոլիս եկած է:

Այս ալ սուտ լուրերուն կարգը անցընելու է: Եթէ եկած լինէր՝ եղած բարենորոգումներուն վրայ կրնայինք լուրեր առնել:

—24 Հոկտեմբեր—

Այսօր երեսփոխանական ժողովը գումարուեցաւ Ղալաթիա:

Երեսփոխանները բաւական խօսեցան իրարու հետ, բայց մեծամասնութիւն գոյացած չըլլալով՝ որոշումները յաջորդ նիստին թողուեցան:

— Ինչու՞ խօսեցան ուրեմն, քանի որ որոշելու համար մեծամասնութիւն չունէին:

— Ժամանակ անցընելու համար . . . :

—25 Հոկտեմբեր—

Կայսերական կառավարութիւնը Խուրսպան Պայքամին ծախքերուն համար չորս հինգ հազար ոսկեոյ փոխառութիւն մը ընել կը փափաքի Դալաթիոյ սեղանաւորներէն :

Եթէ այս փոխառութիւնը չյաջողի՝ պայրամը քանի մը շաբաթ ետ պիտի ձգուի, կ'ըսեն :

Այն կառավարութիւնը, որ պայրամի համար փոխառութիւն ընելու կը ստիպուի, ի՞նչպէս կարող է բարենորոգում մտցնել Հայաստանի մէջ . բարենորոգումը պայրամներուն ամենէն մեծն է և, հետեւապէս, մեծ ծախքերու կարօտ է, մինչդեռ մենք աղքատութենէ ուրիշ բան չունինք :

—26 Հոկտեմբեր—

Կը ցաւիմ, որ «Վայելք»ին վրայօք տեղեկութիւն չպիտի կրնամ տալ, վասն զի մինչեւ այս ժամս պարապ տեղը կը յոդնիմ զայն հասկնալու համար :

Զգիտեմ թէ օրիորդները և տիկինները ի՞նչպէս պիտի կարողանան զայն հասկնալ և հագուստ ձեւել :

Աստուած կարողութիւն տայ իրենց :

—27 Հոկտեմբեր—

Հայկական խնդիրը կը քնանայ և անկարելի է, որ Գարստաղի խնդրոյն լուծուելէն առաջ արթննայ :

Տեղւոյս ազգայինները՝ կլաստթոնի բերանէն ելած խօսքերուն մէջ Հայկական խնդիր գտնելու համար ամէն օր Եւրոպայէն եկած հեռագիրները կը կարդան :

Հայ լրագիրներէն մին կ'ըսէ, թէ Եւրոպայէն

բարիք յուսալը պարապ բան է, և թէ անցեալին մէջ ալ մեր ազգը անկէ բարիք տեսած չէ :

Շատ լաւ . բայց այդ լրագիրը իր այդ կարծիքը երկու տարի առաջ յայտնելու էր, որ ազգն ալ ըստ այնմ վարուէր . . . այսինքն Եւրոպայէն օգնութիւն չխնդրէր բնաւ, որովհետեւ անցեալին մէջ անոր մէկ բարիքը վայելած չէ եղեր . . .

Արդեօք այդ թերթին խմբագիրը բաժանորդ չի գրեր այն անձերն, որոնք անցելոյն մէջ իրեն բաժանորդ գրուած չեն :

—28 Հոկտեմբեր—

Սովելոց Յանձնաժողովը հետեւեալը կը հրատարակէ :

«Ի պաշտօնէ վշտից գումարեր, ցաւ է մեզ զի այսօր գումաց ամենաահաւորն կը պարտաւորիմք հաղորդել :

«Հստ հեռագրոյ, սովաման երեւեցաւ,

«Արմաեաց զինն գրեթէ կրկնապատկեցաւ,

«Փոխառութեան չափն իսկ լրացաւ :»

—29 Հոկտեմբեր—

Օսմանեան կառավարութիւնը Ազգային հիւանդանոցին բազում տարիներէ հետէ յատկացուցած միսն ալ գաղրեցուց այս օրերը :

Հիւանդանոցին պատուարժան հոգաբարձութիւնը ժողովրդեան դիմելով՝ հացի և մաի գաղարումին պատճառած կորուստը գարմանել կ'աշխատի :

—30 Հոկտեմբեր—

Սովելոց Յանձնաժողովը այսօր ալ հետեւեալը կը հրատարակէ .

«Ինչպէս կը նախագուշակէինք, ահա արմտեաց գինը օր ըստ օրէ կը բարձրանայ, սովեալ գիւղօրէից բնակիչք ի քաղաք կը խռնուին, նօթելոց տիսուր թափորք ընթանալ կը սկսին, հին նօթութեան աղաւդակն՝ զոր գարունը պահ մը գաղարեցոյց, վերստին կը վերադառնայ:

Ցարդ աղերս, պաղատանք առաջի ողորմածաց արկինք: Այսօր մեռելոց գիտկներ սոցտ գթութեանց կը ներկայացնեմք:»

Եւ գաւառներէն ընդունած տիսուր լուրերը կը շարէ ժողովրդեան առջեւ:

Մայրաքաղաքիս ամէն թաղերուն մէջ ի նպաստ սովեալներու վերստին դրամ կը հաւաքուի...:

### —31 Հոկտեմբեր—

Անդղիս կը խրատէ Յունաստանը, որ համբերէ ապագային մէջ օգնութիւն խոստանալով անոր:

Արդէն Յունաստան համբերելու համար խրատի պէտք չունի, եթէ եւրոպոյէն օգնութիւն չւինի համբերելու ստիպուած է:

Ազօթենք, որ թագուհւոյն կառավարութիւնը մեր խնդրոյն համար ալ համբերելու քաղաքականութեան չհետեւի, վասն զի հայերը չափէն աւելի համբերած են և ա'լ համբերելու կարողութիւն չունին:

Թէպէտեւ աչքերը տեսնելու համար տրուած են մարդուս, բայց շատ մը էրիկներ զանոնք կը գործածէն չտեսնելու համար իրենց կնիկներուն յանցանքները:

Պարը սիրոյ տօնավաճառն է: Աիրոյ դաշնադրութիւնները հոն կը կնքուին նախ:

Կինը շինականներուն մէջ միայն օգնական է իրէրիկին, միջակ մարդերու մէջ՝ բեռ և աղնուականներու մէջ՝ պատիժ:

### —3 Նոյեմբեր—

Որչափ ալ պնդեն ջերմեռանդ թատրոնասէրները. թէ թատրոնը բարոյական դպրոց մըն է, չեն կարող խախտել իմ համոզումս, որ է՝ թէ թատրոնը այսօր անդամապնութեան դպրոց մըն է:

Կեանքիս մէջ չեմ հանդիպած հանդիսականի մը, որ թատերգութեան մը վերջին արարուածէն ետքը քովը նստողին ըսէ.

— Ի՞նչ գեղեցիկ խօսքեր... Ի՞նչ գաղափարներ ու սիրուն կտորներ. Ի՞նչ հետաքրքրական տեսարաններ:

Բայց կեանքիս մէջ չեմ տեսած բարեպաշտ թատրոնասէր մը, որ թատրոնէն ելած ժամանակ ընկերին չըսէ.

— Ի՞նչ գեղեցիկ գերասանուահի... Ի՞նչ սիրուն աչեր... Ի՞նչ հետաքրքրական ծունկեր:

Արդ, իրաւունք չունիմ պոռալու, թէ գեղեցիկ գերասանուահի մը սփանչելի պիկաս մըն է:

Իրաւունք ունիս, կ'ըսէք, հաւատալու, բայց ոչ խոստովանելու:

Խոստովանիմ և հաւատամ:

Մայրաքաղաքիս մէջ տիկին Հրաչեայի աչքերուն

վրայ Նելլի աշաւրակին աւելի կը խօսուի և Հրաչ-  
եայի հայրը, հեղինակ այդ պիեսային, Նելլի աշաւ-  
րակին հեղինակէն աւելի ծանօթ է թատրոնասէրներու:

Բաւական է, որ Քարաքաշեան երկու քոյրերը  
կամ տիկին Հրաչեայ կամ ուրիշ գեղեցիկ դերասա-  
նուհի մը կամ տառնց ամէնը մէկէն դեր ունենոն  
ներկայացման մը մէջ, կտակերգութիւնը կամ ող-  
բերգութիւնը որչափ ալ աղէկ չըլլայ՝ դարձեալ թատ-  
րոնը հանդիսականներով կը լեցուի:

Ինչպէս առանց գործքի հաւատքը մեռեալ է, այն-  
պէս ալ առանց գեղեցիկ դերասանուհու ամենէն ըն-  
տիր ողբերգութիւնը մեռեալ է:

Դուք ալ այսպէս պիտի մտածէիք, եթէ ականատես  
ըլլայիք այն իրարանցումին, որով քանի մը տնօրէն-  
ներ թաղէ թաղ կը պտտին, այս օրերս աղուոր դե-  
րասանուհիներ փնտուելու համար:

Եւ այս եղանակաւ կարելի՞ է միթէ ծաղկեցնել  
հայ թատրոնը, ուր դերասանուհիներն ազգային են և  
ներկայացումները օտար:

Միջագիւղի Բարեսիրաց Ընկերութիւնը կը պատ-  
րաստուի ներկայացումներ տալու քանի մը օրէն. ա-  
ռաջին ներկայացումը պիտի ըլլայ Նելլի աշաւրակը,  
գեղեցիկ պիես եօթը պատկերով, որուն մէջ դեռ  
պիտի ունենայ տիկին Հրաչեայ, գեղեցկագոյն պիես  
մէկ պատկերով: Հանդիսականներուն հարիւրին ին-  
նըսուննեւինը մէկ պատկերը տեսնելու կ'երթան և հա-  
րիւրին մէկը՝ եօթը պատկերը տեսնելու: Իննսուննեւի-  
նը հոգի շատ չէ՝ մէկ պատկերի համար, մէկ հոգի  
քիչ չէ՝ եօթը պատկերի համար:

Ուրիշ կէտ մըն ալ կայ:

Այդ մէկ հոգին ի՞նչ օգուտ պիտի քաղէ այդ ներ-  
կայացումէն, որ բնաւ ազգային կեանք չի պարունա-  
կեր իր մէջ:

Ուր էք, ինքզինքնիդ բանաստեղծ, փիլիսոփայ-  
կարծող պարուններ, ինչու ազգային կեանքին վերա-  
բերեալ թատրերգութիւններ չէք գրեր ազգային թատ-  
րոնը ծաղկեցնելու համար, ժողովրդեան վարքն ու  
բարքը ուղղելու համար: Եթէ կը վախնաք, որ ձեր  
հեղինակութիւններն յարգ և պատիւ չեն գտներ՝ կը  
սխալիք: Քաջալերուեցէ՛ք, ո՛վ վախկոտ հեղինակցու-  
ներ, գեղեցիկ դերասանուհի մը կը ծածկէ ձեր թատ-  
րերգութիւններուն տգեղութիւնները, օ՞ն անդր, սիրտ  
առէք և ջանացէք սիրուն դերասանուհիներով փայ-  
լեցնել ձեր հնացեալ հեղինակութիւնները . . . :

—5 Նոյնմբեր—

Շնորհաւոր նոր վարչութիւն և բարի սահմա-  
նագրութիւն: Նոր վարչութիւնը, որ չորս ամիսներէ  
ի վեր կազմուելու վրայ էր, վերջապէս կազմուեցաւ  
շնորհիւ Աստուծոյ:

Տար Աստուծած, որ թղթակազմ չըլլար և քանի  
մը օրէն չպատռուէր:

«Հայրենիք» հիտեւեալ կերպով կը շարէ նոր վար-  
չութեան անձերը.

Գերապատիւ Տ. Մատթէոս եպիսկոպոս՝ կրօնական  
գործոց խորհրդական:

Մեծ. Միքայէլ էք. Մոմձեան՝ յարաբերական գոր-  
ծոց խորհրդական:

Մեծ. Տիգրան էք. Եռաւսուֆեան՝ ներքին գործոց  
խորհրդական:

Մեծ. Միքայէլ էք. Մամիկոնեան՝ կրթական գոր-  
ծոց խորհրդական:

Մեծ. Գարեգին էք. Մելիքեան՝ անտեսական գոր-  
ծոց խորհրդական:

Մեծ . Սերոբէ էֆ . Ազնաւուրեան՝ դատական գործոց խորհրդական :

Այս այս մեծապատիւ անձերուն ձեռներուն մէջն են այժմ ազդին սանձերը :

Մաղթենք , որ սոյն նոր վարչութիւնը հինը վնասուել չտայ մեզ :

—7 Նոյեմբեր—

Պիլէճիկի առաջնորդ Տէր Ղեւոնդ և կիսկոպոս նաւմակով մը կ'իմացնէ Ամեն . Ս. Պատրիարք հօր , որ պաշտօնէն պիտի հրաժարի , վասն զի Պիլէճիկի մէջ ո՛չ մարդ կայ եղեր , ո՛չ դրամ և ո՛չ զգացում :

Պիլէճիկի գեր . առաջնորդը հրաժարելու տեղ առաջարկելու էր Ս. Պատրիարքին , որ մայրաքաղաքէս քիչ մը մարդ , կտոր մը զգացում և բաւական քանակութեամբ դրամ զրկուէր իրեն , որպէս զի կարենար իր պաշտօնը շարունակել :

Այս երեք հազուագիւտ բաներն անշուշտ անհրաժեշտ պէտք են նորին գերապատուութեան որ , ինչպէս կ'երեւի , ինքն ալ չունի իր վրայ ո՛չ դրամ , ո՛չ զգացում և ո՛չ մարդ . եթէ ինքն ունեցած ըլլար , հարկաւ իր ժողովրդեան ալ փոքրիկ մաս մը կը հանէր :

—8 Նոյեմբեր—

Նոր վարչութիւնը նիստ ըրաւ Պատրիարքարանի մէջ և դիւանատան պաշտօնեաներու փոփոխութեան վրայ խորհեցաւ , խօսեցաւ և մեկնեցաւ :

Վարչութիւնը ազգային ժողովոյ ասկից առաջ քուէարկած ելեւամտացոյցով չէ կարող իր պաշտօնը անթերի կատարելու :

Ես կը կարծեմ , թէ ազգային ժողովը կամ ելեւմըտացոյցը պիտի փոխէ կամ այն հրահանգները , զորս տուած է վարչութեան : Եթէ ոչ մին փոխէ և ոչ միւսը՝ վարչութիւնը պիտի անդամալուծուի և պիտի սպասէ , որ մէկը գայ և զինքը Պրոպատիկէ աւազանին մէջ նետէ :

—9 Նոյեմբեր—

Նոր խնդիր մըն ալ պիտի ծագի մօտերս :

Սոյ կաթողիկոսը Պոլիս գուլու համար ճամբայ ելած է :

Ինչո՞ւ կուգայ Պոլիս :

Զհարցուցի , վասն զի քանի մը տարիներ առաջ հարցուցած էի , թէ ինչո՞ւ Սիս կ'երթայ և պատասխան առած էի , թէ Սոյ աթոռն ու թեմը բարեկարգելու կ'երթայ : Քանի մը ամիս ետքը , երբ իմացայ որ զիս խարսծ են՝ ուխտ ըրի որ մէյ մըն ալ չհարցնեմ , թէ ինչո՞ւ Պոլիս կուգայ և ինչո՞ւ Պոլսէն կ'երթայ . . . :

—10 Նոյեմբեր—

Ուրիշ հրաժարական մըն ալ :

Երզնկայի առաջնորդն ալ հրաժարելու միաք ունի եղեր :

Հոն ալ չկայ մարդ , զգացում և դրամ :

Երզնկայի կլիման անյարմար կուգայ եղեր նորին սրբազնութեանը :

Այս առաջնորդին ալ կլիմայ մը վնասուելու և զրկելու է :

Յուսանք սակայն , որ Երզնկայի առաջնորդը անիրաւ յարձակումներէ առանց վշտանալու՝ յառաջ կը

տանի այն գործերը, զորս այնքան սիրով և եռանդեամբ սկսաւ: Եթէ կլիման իրեն չյարմարի՝ նորին գերապատութիւնը աշխատելու է զինքը կլիմային յարմարցնել, զի մի լցցի բանն թէ վարդապետները կը փոխեն իրենց կլիման, երբ եպիսկոպոս ձեռնադրուին . . . :

## — 11 Նոյեմբեր —

Տեսարանն է Բերայի թատրոնի մը օթեակներէն մէկուն մէջ:

Պատուաւոր մարդու մը անպատիւ կինը յոյնի մը հետ սիրոյ բանակցութիւն կ'ընէր:

— Տե՛ս, ըստ քովի օթեակին մէջ նստող մէկը իր ընկերին, կը վայլէ՞ որ անանկ պատուաւոր մարդու մը կինը անհաւատարիմ գտնուի իր էրկանը:

— Իրաւունք ունիս, օտարասիրութիւնը չէ՞ որ մեր ազգին տունը կը փլցնէ, պատասխաննց ընկերը:

## — 12 Նոյեմբեր —

— Ամբակում աղա, վաղը չէ միւս օր Վան պիտի երթում:

— Բարի ճանապարհ կը մաղթեմ:

— Նամակ գրելու չմոռնաս:

— Սնհոգ եղիք. ասանքնինդ օրը անդամ մը կը դրեմ և լուրեր կուտամ քեզի:

— Ուրեմն հասցէս տամ քեզի, որ նամակներս սխալմամբ ուրիշին ձեռքը չանցնին:

— Հարկ չկայ. «Մասիս»ի կը յանձնեմ նամակները:

— Այդ ի՞նչ ըսել է, «Մասիս»ը նամակներու տո՞ւփի է:

— Հիմա ամէն մարդ իր մէկ բարեկամին գրած նամակը «Մասիս»ի կուտայ և պատասխանն ալ անոր մէջ կը կարդայ: Անցեալները չգիտեմ ո՛ր ընկերութեան ատենադպիր տիկին \*\*\* Ս. Պատրիարքին նամակ մը գրած էր «Մասիս»ին մէջ և պատասխանը քանի մը օր ետքը յիշեալ թերթին մէջ առած էր: Դարձեալ ուրիշ մէկը իր մէկ բարեկամին գրած մտերամական մէկ նամակը «Մասիս»ի միջոցաւ հրատարակած ու պատասխանն նոյն լրագրին մէջ կարդացած էր: Ո՞ր մէկը համրեմ . . . :

— Շատ աղէկ. «Մասիս»ի միջոցաւ գրէ նամակներդ և պատասխանները հոս կարդաւ:

— Ասանկով թղթատարի ծախքէն ալ կը խալըսինք:

— Մանաւանդ թէ մեր նամակները չեն կորսուիր: Կեցցէ՛ թղթատար «Մասիս»ը . . . և տակաւին ըսողներ ալ կան թէ «Մասիս» հասարակութեան օգտակար ծառայութիւններ չմատուցաններ . . . :

## — 13 Նոյեմբեր —

Ուրախառիթ լուր մը . . . :

Պէշիքթաշի մէջ խումբ մը երիտասարդներ ընկերութիւն մը կազմած են իրենց մէջ՝ նպաստակ ունենալով մէկ դանեկան տուգանք վճարել ամէն անդամ, որ իրենց խօսակցութեանը մէջ օտար բառ խառնեն:

Այս տուգանքին գոյանալիք հասոյթը ազգօգուտ ընկերութիւններէն մէկուն պիտի նուիրեն:

Հապա ի՞նչ տուգանք առնելու է այն հայերէն, որոնք իրենց խօսակցութեանը մէջ երբեմն հայերէն բառեր կը խառնեն և շատ անդամ հայերէն բառ բնաւ չեն խառներ:

Այս միջոցը շատ լաւ է ազգային լեզուն կոկելու համար, և եթէ այսպիսի ընկերութիւն մըն ալ ազգային խմբագիրները կազմեն, ընկերութիւնները քաւական օգուտ կը քաղեն ռուսահայոց լրագիրներէն, նաև մանաւանդ «Մշակ»էն:

—14 Նոյեմբեր—

Կրօնական գործոց խորհրդականը եկեղեցւոյ և եկեղեցականներուն բարեկարգութեանը վերաբերեալ կանոնագիր մը խմբագրելու վրայ է:

Կրթական գործոց խորհրդականն ալ վարժարաններու բարեկարգութեան վերաբերեալ ծրագիր մը պատրաստելու զբաղած է:

Տնտեսական գործոց խորհրդականն ալ ազգային անտուկը բարեկարգելու համար ծրագիր մը փնտուելու ետք է:

Ինչպէս յայտնի կը տեսնուի, ոտից ցդլուխ բարեկարգութեան պէտք ունինք, սակայն անուրանալի ճշմարտութիւն մըն է, որ բարեկարգութենէն աւելի դրամի պէտք ունինք:

Խնդրեցէ՞ք զդրամն և ամենայն ինչ յաւելցի ձեզ . . . :

Սեբաստիայէն հետեւեալ հեռագիրը եկաւ.

«Կուսակալը ազգ գաւառական ընդհանուր ժողով անդամները բանտարկեց»:

—15 Նոյեմբեր—

«Աւրակք Հայաստան»ի կառավարութեան կողմէ:

ամէն օր կը փնտուեին, ինչպէս նաեւ այն ամէն գիրքերը, որոնց մէջ Հայաստան բառը կը գտնուի:

Ամէն օր կը ձերբակալուեին և կը բանտարկուեին Հայկայ և Վարդանայ պատկերները:

Երէկ մաքսատունէն արգիլուեցաւ 1881ի օրացոյցներէն յիսուն օրինակ, օր Տրապիզոնի շոգենաւը կը տարուէր . . . :

Սեբաստիայէն հետեւեալ հեռագիրը ընդունուեցաւ այսօր.

«Կուսակալը քաղաքական ժողովոյ անդամներն ալ բանտարկեց»:

—16 Նոյեմբեր—

Սեբաստիայէն հետեւեալ հեռագիրը դրկած են . . .

«Կուսակալը ազգ վարժարանիս աշակերտներէն քսանեւինք հոգի բանտարկեց»:

«Ինչու համար այս բանտարկութիւնները:

Վասն զի քանի մը օր առաջ կուսակալին հօնակին (1) առջեւը հայու դիակ մը գտնուած է և երկրորդ գիշերն կուսակալին հօնակը (2) քարկոծուած է:

Ապս ուրեմն քարկոծողներն բանտարկեալներն են: Քննութիւն եղած է:

Բնաւ երբեք. քանի որ կուսակալին հօնակը (3) քարկոծուած է, յայտնի է որ հայերը յանցաւոր են:

(1) Պետքարափ ընկերութեան մեկ դամեկան ալ եւ պարտական եղայ:

(2) Երկու դամեկան եղաւ:

(3) Երեք եղաւ:

Այս ինդիրը Բ. Դրան և Պատրիարքարանի մէջ-  
տեղ բանակցութեան նիւթ եղած է, տեսնենք վերջը  
ուր պիտի երթայ . . . :

—17 Նոյեմբեր—

Բարեբաղդաբասր բանտարկութեան լուր չեկաւ  
այսօր Սեբաստիայէն :

Ես կը կարծեմ թէ կուսակալը Սեբաստիոյ բոլոր  
հայերը բանտարկած է և, հետեւաբար, դուրսը մարդ  
չէ մնացած, որ անոնց բանտարկութիւնը հեռագրով իւ-  
մացնեն մեզ :

Տաճկաստանի մէջ բանտ . . . բանտի մէջ բանտ . . . :

—18 Նոյեմբեր—

Ի՞նչ եղաւ Հայկական ինդիրը :

Բան մըն ալ եղած չէ, նոյն վիճակին մէջ է, ուր  
որ էր երկու ամիս առաջ :

Տուլչինեօն Գարատաղի յանձնուեցաւ երկու օր  
առաջ : Յունաստան ալ իր գործը լմացնելու է, որ  
կարգը մեր ինդրոյն գայ :

Անգղիոյ կառավարութիւնը այժմ ուրիշ ինդիր-  
ներով զբաղած ըլլալով՝ Հայկական ինդիրը քիչ մը  
մոռցած ըլլալ կը թուի. առկայն անգղիասէր հայերը  
կը յուսան թէ Անգղիոյ կառավարութիւնը վերստին  
ձեռք պիտի առնէ Հայաստանի բարեկարգութեան  
ինդիրը, զոր այնչափ եռանդով պաշտպանեց :

Ինդիրներ կան, որ պատուներու կը նմանին, պահ-  
ուելով կը հասուննան, թէպէտեւ կան ալ, որ պահ-  
ուելով կը փտտին :

Աղօթենք, որ մեր ինդիրը վերջիններէն չըլլայ :

—20 Նոյեմբեր—

Կրօնական գործոց խորհրդականը մայրաքաղաքին  
թաղական խորհուրդներուն պիտի հարցունէ թէ կրօ-  
նագիտութիւնը ի՞նչ վիճակի մէջ է դպրոցներու մէջ :

Զարմանալի չէ գոյութիւն չունեցող բանի մը  
վիճակը հարցունելն :

Եւ թաղային վարժարաններու մէջ ի՞նչ ունինք  
որ կրօնագիտութիւն ունենանք: Սակայն ես գիտ-  
նալ կը փափաքէի թէ կրօնագիտութիւնը ի՞նչ վիճա-  
կի մէջ է այն կրօնականներուն քով՝ որոնք գաւառ-  
ներու մէջ առաջնորդութեան պաշտօն մերժելով մայ-  
րաքաղաքէս բաժնութիւն չեն ուզեր:

—21 Նոյեմբեր—

Վասնայ ընդհանուր գատախազը յիշեալ քաղաքին  
մէջ տեղի ունեցած հարստահարութիւնները հերքող  
տեղեկագիր մը զրկած էր Բ. Դրան :

Դերապատիւ Խրիմեան Սրբազն ալ վերոյիշեալ  
տեղեկագիրը հերքող տեղեկագիր մը զրկած է այս  
օրերս :

Արդէն ինչ որ հաստատէ Հայրիկը՝ կը ժխտուի Բ.  
Դուռնէն. և ինչ որ հաստատէլ փորձէ Բ. Դուռը՝ կը  
հերքուի Հայրիկէն: Երբ այս վերջինը դիակ մը ներ-  
կայացնէ կառավարութեան և անոր ժամ մը առաջ  
քիւրտէ մը սպաննութիւնը հաստատէ կառավարութիւնը  
անմիջապէս կը հերքէ ըսելով. ատիկա մեռած չէ այլ  
կը ննջէ, եթէ Հայրիկը քիչ մըն ալ պնդէ՝ ընդհա-  
նուր գատախազը կը պատասխանէ՝ մեռած չէ այլ  
ձնած է. և տեղեկագիր մըն ալ կը զրկէ Բ. Դրան

յայտնելով թէ՝ այս օրերս վանայ մէջ երեսուն տառու տղայ մը ծնաւ... մեռած...:

—22 Նոյեմբեր—

Պ. Տուպլիկ անուն երեւելի ըմբիշը՝ որ քանի մը շաբաթէ ի վեր Բերա Քօնքօրտիայի թատրոնին մէջ մայրաքաղաքիս ըմբիշներուն ասպարէզ կը կարդար և յաղթանակ կը տանէր, այս օրերս յաղթուեցաւ Սիմոն անուն քեռնակրէ մը:

Հայ ըմբիշը զայն ձեռքերուն վրայ բռնելով՝ հանդիսականներուն է կը հարցնէ թէ՝ ո՞ւր նետէ այդ բեռը...:

Պ. Տուպլիկ, զոր տասնեւիններորդ դարու Աքիլլէս կը կուն, պարտութիւնը չընդունիր՝ առարկելով թէ ինք օտար է տաճկական ըմբշամարտութեան: Հայ բերնակիրը կը հաւանի գաղղիական ըմբշամարտութեամբ անոր դէմք ելնելու և երկրորդ անգամ կը զգեստնէ զայն:

Պ. Տուպլիկն դրամ կը խոստանայ Պ. Սիմոնին, որ անգամ մըն ալ ան յաղթուի, որպէս զի իր վաստըկած համբաւը չաղարտի: Պ. Սիմոն կը մերժէ այս դրամական ըմբշամարտութիւնը: Այժմ մեր ազգային ներէն ոմանք հանգանակութիւն մը կ'ընեն իրենց մէջ հայ ըմբիշին նուէր մը ընելու նպատակաւ:

—23 Նոյեմբեր—

Կ'ըսեն թէ միութիւնը աղէկ բան է: Իմ կարծիքովս միութիւնը մեր ազգին համար աղէկ չէ: Տարի մը առաջ իւսկիւտարի երեք դպրոցները

իրարու հետ միացան և ետքը աւելի խեղճ ըլլալով իրարմէ բաժնուեցան:

Թանի մը ամիս կայ, որ Արարատեան, Կիլիկեան և Դպրոցասիրաց — Արեւելեան ընկերութիւնները միանալով Միացեալ Ընկերութիւնն եղան և այսօր յեշեալ Միացեալ Ընկերութիւնը չունին այն նախանձելի վիճակը, զոր ունէին ասկէ առաջ: Կրնա՞ք ուրանալ թէ անմիաբանութիւնն ալ ունի իր օգուաները:

—25 Նոյեմբեր—

Թուրքիոյ կառավարութիւնը իր պաշտօնեաներուն ամսականները ամէն ամսու գլխուն վճարելու համար նոր միջոց մը պիտի գտնէ եղեր:

Պիտի որոշէ եղեր, որ մէկ ամիսը հարիւր ութուն օրերէ բաղկանայ:

—26 Նոյեմբեր—

Իզմիրի փողոցներու պատերուն վրայ հետեւեալ ազգարարութիւնը կախուած է տեղւոյն գողերուն կողմէ.

«Գիշերները դուրս ելլողները իրենց քսակին մէջ առ նուազն երեք մէծիտիյէ ունենալու են. ապա թէ ոչ իրենց կեանքը վտանգի մէջ պիտի ըլլայ:»

Ահաւասիկ միջոց մը, որ կը հարկադրէ Իզմիրի բնակիչներուն միշտ երեք մէծիտիյէ ունենալ իրենց վրայ:

Կեցցէ՛ Իզմիրի սոտիկանութիւնը...»

Իսկ անոնք որ յիշեալ գումարը չունին, պիտի ստիպուին գիշերները իրենց տուներէն գուրս չելլելու: Աս քիչ մը առողջապահական է, վասնզի յիշեալ

քաղաքին օդը քիչ մը խոնաւ ըլլալով, գիշերները  
դուրս ելնողները հարթուիսէ կը բռնուին:  
Կեցցե՞ն իզմիրի գողերը...:

—27 Նոյեմբեր—

Սայ Մկրտիչ կաթողիկոսը մայրաքաղաքու հասած  
է: Հակաթոռութեան խնդիրը քիչ օրէն երեւան կ'ել-  
նէ:

Աղթամարայ կաթողիկոսը աթոռի խնդիր չյա-  
րուցաներ, վասն զի նստած չունի որ աթոռի վրայ  
խորհի. ամէն օր կ'ուտէ, կը պառկի և կը քնանայ:

—30 Նոյեմբեր—

Երբ որ բան մը ի բնէ գեղեցիկ է, անոր որչափ  
ալ զարդ արուի՝ կը վայլէ:

Օրինակի համար, «Արեւելեան Մամուլ»ի թը-  
թակցին՝ Շահնուրի լեզուն, որ գեղեցիկ է և պճա-  
սէր:

Ես ալ օր մը փորձեցի լեզուս պճնել, բայց վեր-  
ջէն յուսահատեցայ, տեսնելով տգեղ կին մը՝ զոր  
զարդերը աւելի տգեղցուցած էին:

Ինչո՞ւ համար խել մը տգեղ լեզուներ պարզու-  
թիւնը կը թողուն և պճնասիրութեան մէջ կ'երթան  
զիրենք զզուելի ընելու...

Ե՞րբ պիտի դադրինք լրագիրներու մէջ կարդալէ  
այնպիսի յօդուածներ, որոնց մէջ խօսք չկայ և միայն  
զարդ կայ:

Խմբագիրներուն ուշադրութիւնը կը հրաւիրեմ  
այս կէտին վրայ:

## ԽԻԿԱՐԻ ԳՈՒՇԱԿՈՒԹԻՒՆՔ

## ՅՈՒՆՈՒԱՐ


1—8 Յունուար

Սնձրեւաբեր հողմեր և սնանկութիւններ:  
 Պղտիկ տղաներն ու մեծ տղաները —ծերերը—  
 պարտին զգուշանալ ցուրտէն: Խոնաւութիւն կը տիրէ  
 ամենուրեք. հարբուխ և պղտիկ պարտքեր ունեցող-  
 ները սենեակէն դուրս ենելու չեն:  
 Իրարու նոր Տարի, երկար օրեր և բարօրութիւն  
 կը մաղթեն այցետոմսերը:  
 Հաշուեկշիռները գոհացուցիչ չեն:

9—17 Յունուար

Փոփոխական օրեր,  
 Քանի մը լրագիրներ կը փոխեն իրենց կարծիք-  
 ները:  
 Երեսփոխանին մէկը ատենաբանութեան մէջ կը  
 կորսնցնէ խօսքին թելը և կ'երթայ մոմ վառելու Ս.  
 Մինասին(\*):  
 Բանաստեղծին մէկը ծով կը նետէ ինքինքը,  
 մէջքը դդում կապելով:  
 Մեծ վաճառական մը իր պարտքերը վճարելու  
 համար վճարումները կը դադրեցնէ: Աստուած հետը  
 ըլլայ:

(\*) Պոլսեցիք կորուս ունենալիս առհասարակ մոմ  
 վառելով դիմում են Ս. Մինասին: Սուրբի մասին  
 աս կարծիքը լոյներից տարածուած է հայերի մէջ:



18—24 Յունուար

Ամպամած և խոնաւ :  
 Քանի մը ընկերութիւններ կը լուծուին :  
 Երիտասարդին մէկը հարուստ աղջիկ մը կը յա-  
 փըշտակէ , տունը կը տանի և հազար հինգ հարիւր  
 ոսկի ֆրկանք կը պահանջէ : Աւազակը վնտոռուելու  
 վրայ է :

Բառարան .

Փականք—քրախօմա (գրամօժիտ) :  
 Ամուսին մը հազար ոսկի ֆրկանք կը խոստանայ  
 իր կինը լեռ մը տանողին :  
 Ասանկ ամուսիններուն համբերութիւն ասյ Աս-  
 տուած :

25—31 Յունուար

Զիւն և անձրեւ :  
 Հողագործներն ուրախ են :  
 Ածխավաճառներուն հետ խօսիլը դժուար է :  
 Մայրե՛ր , մայրե՛ր .  
 Զգուշացէք ամսոյս մէջ մանչ գաւկի տէր ըլլալէ ,  
 որովհետեւ Յունուարի մէջ ծնող մանչը կոռւասէր կ'ըլ-  
 լայ : Աշխատեցէք աղջիկի տէր ըլլալ : Յունուարի մէջ  
 աշխարհ եկող աղջիկը տնտեսագէտ և սակաւախօս  
 կ'ըլլայ : Երկուքէն մին ալ ըլլայ դարձեալ կը բաւէ :

## ՓԵՏՏՐՈՒԻԱՐ

1—8 Փետրուար

Գիտէք արդէն որ այս ամսուան մէջ կանայք քիչ  
 կը խօսին :

ակ

մւ

աս կարծիք յոյներից տարածուած է նայերի մէջ :

Հարաւը մէկ կողմէն կը փչէ, հիւսիսը միւս կողմէն, երկու հողմերուն մէջտեղ երերայ ու երերայ:  
Լրագիրներն ալ անանկ կը փչեն:  
Բժիշկները աղէկ ստակ կը շահին:  
Մարդասիրական ընկերութեան մը գանձապետը  
ընկերութեան դրամագլուխը հետք կ'առնէ ու հեռա-  
ւոր քաղաք մը կ'երթայ օդափոխութեան համար:  
Աստուած բժշկութիւն տայ:

9—15 Փետրուար

Հողմ և անձրեւ:  
Կամուրջի վրայ զգուշացէք հովանոցներէն որ աչ-  
քերնիդ չհանեն:  
Առեւտրական հրապարակին վրայ շարժում մը կը  
տեսնուի:  
Ապառիկ մի՛ վաճառէք, այլ միշտ աշխատեցէք  
ապառիկ գնելու:  
Ալէկոծութիւն:

16—22 Փետրուար

Անձրեւին վերջը չեկաւ:  
Տեղ տեղ կը ձիւնէ:  
Գինետունները լեփ լեցուն: Օղին ածուխէն աժանէ:  
Կուրծքի տկարութիւն ունեցողները վառարանին  
քով կը նստին և նիկար կը կարդան. Խիկարի քանի  
մը թուղթ ընթերցումը միակ դեղ է կուրծքի տկա-  
րութեան դէմ. շնչափողերը կը մաքրէ:

23—29 Փետրուար

Խառնակ օդ:

Խառնակ լուրեր:  
Տնսէ՛ք սա խեղճ գաւառացին, գլխէն արիւն կը  
վազէ,  
Կնկան մէկը Մարտ նետեր է (\*). անուշագրու-  
թեամբ մարդուն գլխուն նետեր է սափորը պատըշ-  
գամէն:  
Լրագրաց խօսքին մի հաւատաք:  
Մայրե՛ր.  
Եթէ իմ խրատիս կը լսէք, այս ամսուան մէջ  
զաւակ մի՛ բերէք, ո՛չ մանչ, ո՛չ աղջիկ. վասնզի Փե-  
տրուտարի մէջ ծնող մանչերը գինեմոլ ու կերուխումի  
անձնատուր կ'ըլլան, իսկ աղջիկները՝ շռայլ ու պա-  
րասէր կ'ըլլան, իսկ երբ կարգուխն՝ իրենց ամուս-  
նոյն գլխուն փորձանք կ'ըլլան:  
Բո՛ւմ...  
Մի՛ վախնաք:  
Մեծ վաճառական մը սնանկացաւ, բան մը չէ:

ՄԱՐՏ

1—8 Մարտ

Հողմ, անձրեւ, ձիւն, արեւ...  
Օդերու ֆարուրա:  
Կը խրատեմ ծերերուն ու վատառողջներուն դուրս  
չելնել, փառք Տիրոջը, դուրս ելնելու պատճառ մըն

(\*) Յոյներից վերցնելով հայերն ել Մարտ 1ի գիշերը  
պատուհանից փողոց են զցում մի խեցեղին անօթ, հա-  
ւատալով որ դրանով նոյն տարուայ լուերը պիտի պակա-  
սին տնից: Այս գործողութիւնը անուանում է «Մարտ  
նետել»:

ալ չկայ, առեւտուրները դադրած են, ամէն մարդ փոխառութիւն ընելու համար միայն դուրս կ'ելնէ:

Ապահովագրական ընկերութիւնները բաւական կը մնասկն. շատ նաև իրենց բեռը ծով կը թափեն աղէկոծութեան պատճառաւ: Կնկան մէկն ալ իր էրիկը ծովը կը նետէ:

9—16 Մարտ

Հողմը չդադրեցաւ:

Տեղ տեղ կ'անձրեւէ:

Գաւառի մը մէջ սովը կը սաստկանայ. հանգանակութիւններ կը բացուին սովելոց յօդուտ:

Անբան կենդանիներու մէջ հիւանդութիւն երեւան կուգայ. բանաւոր կենդանիներու մէջ դրամի պակասութենէ ուրիշ բան չտեսնուիր:

Վաճառականին մէկը հազար ոսկի կը վաստկի մնանկութեամբ:

17—22 Մարտ

Զմեռը կը ծերանայ:

Բաղդատեցէք ձմեռ և ծեր բառերը, կը կարծուի թէ ձմեռը ծերէն ելած ըլլայ, ծերն ալ ձմեռէն: Բանասէրներուն կարծիքը կը հարցուի:

Այսու ամենայնիւ չըլլայ որ հագուստնիդ թեթև ցընէք, հագուստի մասին որ և է փոփոխութիւն վընաստկար է այս միջոցիս, հագուստը սկզբունքի չնմանիր:

23—31 Մարտ

Հողմային պարզութիւն.

Սրտի պարզութիւնը կը փնտռուի: Մաին գիշը կը բարձրանայ:

Երկաթուղոյ ընկերութիւն մը կ'որոշէ առագաստ բանալ իր կառքերուն վրայ, որպէսզի քիչ մը աւելի արագ ընթանան:

Այս ամսուան մէջ ծնող մանչերը ազգային նուիրատուութեանց չեն մասնակցիր և ազգին մէջ կոիւհանելու տրամադրութիւն կ'ունենան: Իսկ աղջիկները պճնասէր ու շուալ կ'ըլլան:

Մայրե՛ր, խնայեցէք ազգին:

## ԱՊՐԻԼ

1—7 Ապրիլ

Ապրիլի առաջին օրը կատակի համար սուտ խօսական սովորութիւնը կամաց կամաց բնութիւն դարձաւ ամենուս քով, այնպէս որ այսօր քիչ մարդ կը գտնուի, որ սուտ խօսելու համար Ապրիլ 1ին սպասէ:

Զգուշացէք խարեբաներէն... շաղակրատ բժիշկներէն:

Քանի մը պղտիկ հրդեհներ կը պատահին:

Կղզւոյ մը մէջ երկրաշարժի ցնցումներ կը զգացուին:

Մսավաճառութենէ սնանկացած մէկը քահանայ կը ձեռնադրուի:

8—14 Ապրիլ

Ախորժելի օդ:

Հետեւեալ հրաշները տեղի կ'ունենան.

Մարդ չի սնանկանար:

Մարդուն մէկը հայերէն լրագրի մը բաժանորդ  
կը գրուի և բաժնեգինը կանխիկ կը վճարէ:  
Ենէկը բննութիւն(\*) մեծ գումար մը կը շահի:  
Առանց բուռնիւրի կնիկ մը կը տեսնուի հրապա-  
րակի վրայ:  
Բանասէր մը լեզուաքննական յօդուած մը կը  
հրատարակէ առանց հայհոյութեան:  
Օդին գեղեցկութենէն խարուելով հագուստնիդ  
մի՛ պակսեցնէք: Ապրիլը շողոքորթ ամիս մ'է:

15—21 Ապրիլ

Ամպամած և խոնաւ:  
Կաթերը բոլորովին ջուր կը կտրին:  
1892րդ տարեդարձ գինովութեան:  
Չատկի առթիւ գինիի տակառներու մէջ խեղդը-  
ռողներ կը գտնուին:

22—30 Ապրիլ

Ախորժելի եղանակներ:  
Գինովութիւնը կը շարունակուի:  
Էրիկ մը կնիկէն ծեծ կ'ուտէ հաւկիթ գնած չըլ-  
լալուն համար:  
Եպիսկոպոսին մէկը ինքինքը կերուխումի տը-  
ւած, կը մերժէ գաւառի մը առաջնորդութիւնը, քա-  
ջառողջութեան պատճառաւ:

Այս ամսոյ մէջ ծնած մանջերը խարեբայ ու մեծ  
վաճառական կ'ըլլան, աղջիկներն ալ տնտեսագէտ ու  
գեղեցիկ, միայն թէ քիթերնին քիչ մը մեծ կ'ըլլայ:

(\*) Տանկական արժեքուղիք:

ՄԱՅԻՍ

1—7 Մայիս

Յստակ օդ:  
Գիւղագնացութեան պատճառաւ ամէն տուն մէյ-  
մէկ քիչ կոիւ:  
Առուտուրները բացուեցան:  
Ոսկերչաց շուկան լի է բազմութեամբ. արժան  
մատնիներ, օղեր, ապարանջաններ, մանեակներ կը  
ծախէ ժողովուրդը աճուրդով և ոսկերիչները կը գը-  
նեն:  
Հազարաւոր տուներ, գետիններ կը վաճառուին  
խիստ արժան գնով:  
Խմբագիրները տան միջնորդ կը դառնան:  
Աստուած վերջերնիս բարի ընէ:

8—13 Մայիս

Օդը կը շարունակէ յստակութիւնը:  
Մութի մէջ խնդիրներ կան, որոնց ոչ ոք կրնայ  
վերահասու ըլլալ:  
Կանանց շրջազգեստները քիչ մ'ալ կը կարձնան:  
Քանի մը կանայք էրիկ մարդու հագուստ կը հագնին:  
Հունձքերը լաւ երեւոյթ ունին, բայց հասկերուն  
մէջ բան չկայ. իմաստակ հասկեր:

14—20 Մայիս

Դեսպան մը ուրիշ դեսպանի մը տունը կը հրա-  
ւիրուի կերակուրի:  
Հիւպատոս մը նեղ և պղտիկ կօչիկ հագնելուն

համար փողոցէ մը անցած ժամանակ կ'իյնայ: Լրաւ  
գիրներէ սմանք քաղաքականութիւն մը կը տեսնեն  
այդ կօշիկին մէջ:

21—28—31 Մայիս

Օդերուն խօսք չկայ, բացի չնորհակալութենէ: Տաքութիւնը հետզհետէ կ'աւելնայ: Շատ ամուսիններու մէջ պաղութիւն կը տիրէ:

Հողագործները շատ ուրախ չեն: Շատ փոխանակագրեր կը մերժուին: Մատակարար մը կը ճամբուի: Խոհարար մը սպասունոյ հետ սիրահարութիւն կ'ընէ հարուստ տան մը մէջ:

Զգուշացէք ամսոյս մէջ զաւակ բերելէ, մանչերը կամ գրաշար, կամ բանաստեղծ, կամ դասատոռ, կամ խմբագիր կ'ըլլան. իսկ աղջիկները միշտ նշանառուքի խօսքեր կ'ուզեն լսել:

## ՅՈՒՆԻՍ

1—5 Յունիս

Չերմութիւնը կ'աւելնայ: Կնաթողութիւններ կը՝ լսուին:  
Մարդուն մէկը նարտ խաղացած ժամանակ կ'իյնայ: Կը մարի չկրնակով հանդուրժել կելայի հարուստներուն:

Ընդհանուր ժողովոյ մէջ ջերմ վիճաբանութիւն մը տեղի կ'ունենայ. երեսփոխանին մէկը եր ընդդեմ խօսին մէջքին կից մը կուտայ:

6—12 Յունիս

Տաք օդ:

Օդեմոլները կը սկսին գարեջուր խմել: Լրագիրները գրելու նիւթ չեն կրնար գտնել: Երկու մեծ գողեր կը ձերբակալուին: Մատակարար մը իր տան տիկնոջը աչք կը տնկէ: Տղայոց շատ պտուղ մի տաք: Ամուսնացեալ մարդ մը աչք կը տնկէ ուրիշի կնոջ վրայ:

13—19 Յունիս

Օդը յստակ:

Տաքութիւնը կ'աւելնայ. արիւնային մարդոց համար բարկանալու եղանակ չ... թող որ Փրկիչն<sup>(\*)</sup> ալ լեցուն է:

Առեւտուրները կը գագրին: Ամէն մարդ ծովու բաղնիք վարձելու ետեւէ է: Երկաթուղույ մը շինութիւնները մեծ փութով առաջ կը տարուին:

Մարդուն մէկը պարտքը կը վճարէ այն օրը, յուրում տալ խոստացած էր: Խենթ մարդ ...:

20—27—30 Յունիս

Պիտի ճաթինք տաքէն:

Անվաս փորհարութիւն մը կայ շատ մարդոց մէջ: Ամերիկան նոր գիւտ մը կ'ընէ: Շոգենաւի մը ա-

(\*) Կ. Պոլսոյ Ա. Փրկիչ ազգ. հիւանդանոցն ու յիւարանոցը:

ծուխը կէս ճամբան կը հատնի և չի կրնար ճամբան-  
շարսւնակել :

Ամսոյս մէջ ծնող մանչերը խելացի կ'ըլլան, իսկ  
աղջիկները՝ դաշնակահար :

## ՅՈՒԼԻՍ

1—4 Յուլիս

Տաքութիւնը սաստիկ է :

Վանքի մը մէջ քանի մը կրօնաւորներ պայմանա-  
գրութիւն կը կնքեն սիրով և միաբանութեամբ վան-  
քը կողոպտելու համար :

Թերթ մը կը դադրեցնէ իր հրատարակութիւնը:  
Ժողովոյ մը անդամներուն մէջ երկպտուակու-  
թիւն :

Տեսէ՛ք սա ցնդած պտուաւը, հարս կ'ըլլայ, երե-  
սուն տարու երիտասարդի մը հետ կը կարգուի :

5—11 Յուլիս

Տաքութիւնը մի և նոյն է :

Արք և կանայք ծով կ'երթան լուացուելու:  
Երկու օրուան մէջ անգլերէն սորվեցնող քերա-  
կանութիւն մը կը հրատարակուի:  
Կանանց քունիւրներուն վրայ մէյմէկ ծաղիկ կը  
դրուի :

12—13 Յուլիս

Պարզ և տօթ :

Գինովներուն վիճակը ցաւալի է :

Մեծ մարդ մը կը պզտիկնայ և պզտիկ մարդ մը  
կը մեծնայ :

20—31 Յուլիս

Աշարհիս խաղաղութիւնը պահելու համար տէրու-  
թիւն մը կ'աշխատի : Ցորենի գինը կ'իյնայ . հացի  
նկանակներու մէջէն մէյմէկ կառը ածուխ կ'ելլէ :

Ամսոյս մէջ ալ ծնելն աղէկ բան մը չէ . մանչերը  
կնաթող կ'ըլլան, աղջիկները՝ թշուառ . ալ խորհեցէ՛ք  
անգամ մը :

## ՕԳՈՍՏՈՍ

1—9 Օգոստոս

Զերմութիւնը քիչ մը նուազեցաւ:  
Բոլոր աշխարհ ինքինք կերուխումի տուած է :  
Առեւտուըները անզգալի կերպով կը բացուին :  
Կը ինդրեմ սա սեխերը ծով նետեցէք : Կուրծքի  
տկարութիւն ունեցողները ծով չմտնեն :

10—17 Օգոստոս

Զովութիւնը կը սկսի, ինչպէս նաև հարբուխը :  
Ծովէն ելնելէ վերջ նայեցէք որ գլուխնիդ չորնայ :  
Առաւօտները անօթի փորանց խաղող կերէք, որ-  
քան որ կը ներէ ձեր քսակը :

Երաժիշտներուն ձայնը աշխարհ բռներ է :  
Խեղճ ձայնաւորներուն ձայնը չելլեր . եկեղեցի  
գացող չկայ :

Մեծ քանակութեամբ բույրա կը սպառի :

= 150 =

18—25 Օգոստոս

Սնանկութիւններ :

Թաղական մը պղտիկ գումար մը կ'առնէ թաղին  
անտուկէն և իր աղջիկը կը կարգէ :

Պատրիարքարան մը քանի մը պաշտօնեաններ կը  
ճամբէ խնայողութեան պատճառաւ :

Կոշկակար մը քաղաքական յօդուած մը կը հրա-  
տարակէ :

Ամպամած, պիտի անձրեւէ :

26—31 Օգոստոս

Զովութիւն. գիշերները մի՛ նստիք ծովեզերքը :  
Մժղուկներէն հանգիստ չկայ : Յիսունը հինգ տարու  
կին մը 500 ոսկի կը խոստանայ հետը կարգուղին :

Այս ամսոյ մէջ ծնող մանչերն ալ, աղջիկներն ալ  
բախտաւոր կ'ըլլան . ազգը պէտք ունի անանկ ման-  
չերու և աղջիկներու :

## ՍԵՊՏԵՄԲԵՐ

1—8 Սեպտեմբեր

Մերթ անձրե, մերթ արե, ուստի՝

Մերթ արտասուք, մերթ ժպիտ .

Մի՛ լաք, Աստուած ողորմած է :

Առեւտուրները դադրեցան . հարուստները աղ-  
քատներու վիճակը չեն ուզեր իմանալ :

9—16 Սեպտեմբեր

Իրաց վիճակը կը մնայ միեւնոյնը . թէև տիւ և  
գիշեր կը հաւասարին, բայց հասոյթն ու ծախքը չեն

= 151 =

հաւասարիր, ծախքը աւելի մեծ է : Աւելի աղէկ էր  
որ տիւը քիչ մը մեծ ըլլար և ծախքը պղտիկ : Կնիկ-  
ները այս լեզուէն չեն հասկնար և էրիկներնուն գլու-  
խը կ'ուռեցնեն՝ աշնան նորաձեւութեան պատրաս-  
տուելու համար :

16—23 Սեպտեմբեր

Հարսւային հողմը ուժով կը փէէ : Ծովու վրայ  
գտնուղներուն համբերութիւն մաղթենք . ցամաքի  
վրայ գտնուղներուն ալ վիճակը աղէկ չէ : Ուր ապ-  
րելու է հապա . երջանիկ ապրելու համար տեղ մը  
չգտնուեցաւ վերջապէս :

Չուկը հարուստները կ'ուտեն . միսը սուղ է : Աղ-  
քատները ի՞նչ ուտեն :

24—30 Սեպտեմբեր

Ամպավար հողմեր :

Սանկ մէկդի կեցէք . քանի մը վաճառականներ  
կ'երերան ու կ'երերան : Սա թղթաբեր շոգենաւին  
հայեցէք, քաշուած բոլոր փոխանակադիրները ետ ըե-  
րեր է :

Դրամական տագնապ :

Հացագործ մը, հարուստ կարծուած է ֆէնտիի մը  
դուռը ափ առած չլսուելիք խօսքեր կ'ընէ . տան տէրը  
չլսելու կը զարնէ իրեն ուղղուած հայհոյութիւնները :

## ՀՈԿՏԵՄԲԵՐ

1—8 Հոկտեմբեր

Երբեմն պարզ, երբեմն խառն, երբեմն անձրեւ,  
երբեմն փոթորիկ :

Հարսանեաց շաբաթ . կարգուող չկայ :  
Լրագիր մը մեծատուն մը կը շողոքորթէ :  
Ընդհանուր հազ . անոնք որ գիւղ գացած էին՝ կը  
դառնան ձմեռնային բնակութիւնը . օդափոխութիւնը  
շատերուն մազերը ճերմկուցած է . օդափոխութենէ  
սնանկացողներ ալ պակաս չեն :

9—16 Հոկտեմբեր

Խառնակ օդ :

Երկրագործը շատ գոհ չերեւիր :

Աշնան նորաձեւութիւնը շատ տուներու մէջ կը-  
ուիւի դուներ կը բանայ : Երեւելի մարդ մը կը մեռնի :  
Ածխավաճառները կը լեցնեն իրենց մթերանոցները :  
Աստուած խելք տայ իրենց :

17—23 Հոկտեմբեր

Խառնակ , խառնակ , վերջապէս խառնակ :

Սրտի հիւանդութիւն ունեցողները կը նեղուին .  
երանի անոնց որ սիրտ չունին , ազատ են այդ հիւան-  
դութենէն : Լրագրին մէկը երէկուան պաշտածը այսօր  
կ'այրէ : Զերմուկներու վարժուած կրօնաւոր մը , ա-  
նարժանաբար , աթոռի մը վրայ բարձրանալու կը  
պատրաստուի՝ ազդին սանձերը բռնելու համար . Աս-  
տուած ողորմի : Հարուստ աղջիկ մը հօրը տունէն կը  
փախչի :

24—31 Հոկտեմբեր

Հողմ և անձրեւ : Թատրոններու եղանակ . բոլոր  
օթեակները պարապ են :

Եօթն շաբաթուց վերջերն ենք , հարսնիք չլսուիր

բնաւ . «թրաքօմա»ն մեծ հարուած տուաւ այս տարի  
թէ՛ զեղեցիկ աղջիկներուն և թէ՛ տղեղներուն :

Ամսոյս մէջ ծնող մանչերը փառաւոր ապագայ կը  
խոստանան , աղջիկներն ալ փայլուն անցեալ մը . ըստ  
այնմ վարուեցէք :

ՆՈՅԵՄԲԵՐ

1—7 Նոյեմբեր

Օդին խառնակութիւնը շարունակելի է :

Հարուստ կարծուած մէկը գիրքերը վիճակահա-  
նութեան կը դնէ :

Ածխավաճառները կը սիսալին իրենց գուշակու-  
թեանը մէջ . օդը թէկ խոտնակ , այլ բարեխառն է :

Մովային ճանապարհորդութենէ հրաժարելու է :  
Լրագրի մը մէջ շինծու նամակներ կը հրատարակուին .  
հաւատալու չէ :

Աղքատ մարդ մը դինով կ'ըլլայ և փողոցը կը  
պառկի՝ քթին տակէն մրմռալով . «ես բանաստեղծ եմ» :

8—15 Նոյեմբեր

Այս խառնակութեան վերջը ... :

Աղքատ մը վիճակահանութենէն տասներկու հա-  
զար ոսկի կը շահի և բարեկամաց բարե տալը կը  
դադրեցնէ :

Նոր հանք մը կը գտնուի , սուտերու հանք , խըմ-  
բագրի մը կողմէ :

Շուկան մարդ չկայ . ակռայի ցաւերը կը շատ-  
նան . կէս գլխու ցաւեր երեւան կուգան . գործերը  
ձախող վիճակի մէջ են . քաջութիւն , քաջութիւն :

Ամէն մարդ օղիի գտւաթին մէջ կը վնասէ միսիւթարութիւն :

## 16—21 Նոյեմբեր

Պարզ և մերթ անձրեւ : Օրհնեալ է Աստուած :  
Մառերը մերկացան : Զմեռը կը սկսի զգալի ըլւալ . մինչեւ առտու վիսր կը խաղացուի ամէն տեղ , տեղ տեղ ալ պեզի : Ամէնքն աչքերնին չորս բացած պիրար կողոպտել կը ջանան . անմեղ զրօսանք :

## 22—30 Նոյեմբեր

Մերթ պեզի , մերթ պրին : Երիտասարդին մէկը պարահանդէսին մէջ աղջիկ մը կը գտնէ , կ'առնէ հետը կը տանի կարգուելու : Ուրիշ սիրահար երիտասարդ մը մինչեւ լոյս պատուհանի մը առջեւ կը սպասէ ու կը գողայ . մէկէն ի մէկ հարստանալը դիւրին չէ , տղա՛ս :

Այս ամսոյ մէջ ծնող մանչ կամ աղջիկ , երկուքը մէկէն , բարեպուղ գաւակներ կ'ըլլան՝ եթէ անոնց դաստիարակութեան հոգ տարուի :

## ԴԵԿՏԵՄԲԵՐ

## 1—6 Դեկտեմբեր

Քիչ մը հողմ , քիչ մը անձրեւ :

Մեծ մարդու մը հովանաւորութեան ներքեւ պարահանդէս մը կը տրուի : Խմբագրին մէկը վարդապետ կը ձեռնադրուի , վարդապետ մ'ալ կը պատժուի : Փոխառութեան զրոյցք կը լսուին : Գողեր կը մտնեն

տուները և մէկ մէկ քիչ բան վերցնելով կը շատանան . ապրին ասանկ սակաւապէտ գողերը :

## 7—14 Դեկտեմբեր

Անձրեւ ու ձիւն . դժգոհութեան պատճառ տալու չափ ցուրտ չկայ . լրագրի մը յարձակմանց մէջ քիչ մը պաղպութիւն կայ : Հարուստի մը զաւակը երգիչ օրիորդի մը հետ կը փախչի . երթան բարեաւ : Լեզուաքննութիւնը քայլ մ'ալ առաջ կ'երթայ :

## 15—21 Դեկտեմբեր

Բժիշկ ըլլալու ամիս : Բիթ մը չկայ , գլուխ . մը չկայ , ակռայ մը չկայ , ականջ մը չկայ որ չցաւի . ինչ խայտառակութիւն է աս . յանցանքը իրենցն է , զգուշանան թող , մինչեւ լոյս պարելու հետեւանքն է : Բժիշկներն ալ թող վաստկին , ողջ ըլլան , որ մեռցնեն մեզի :

## 22—31 Դեկտեմբեր

Անձրեւախառն ձիւն :

Հաշուեկիոներ հանելու պատրաստութիւններ :

Հարուստ մը չորս աղքատ աղջիկներ կը կարգէ հոգւոյն համար : Պետական մարդու մը ճառէն կը հասկըցուի , թէ աշխարհիս խաղաղութիւնը անվրդով պիտի մնայ :

Ամսոյս մէջ ծնող գաւակներէն մեծ բան մը չտէ կընկալուիր :

Մնաք բարով :



## ԱՍԿԻ ԱՆԿԻ

---

Երկու բարեկամներ Բերա մեծ փողոցին մէջ կառուցուած քարուկիր շխնքի մը առջև կը կայնին .

— Ի՞նչ աղւոր շխնք է սա , կ'ըսէ մին , մինչեւ հիմա ասանկ տուն մը շինուած չըր Պոլսոյ մէջ , առաջին անգամն է որ ասանկ տուն մը կը տեսնեմ :

— Ասանկ է , շատ աղւոր է , Բարիզ շինուած ըլլալու է , կը պատասխանէ միւսը :

---

— Հայերէն բառարան մը կուտա՞ք ինծի :

— Հրամմեցէ՞ք :

— Այս բառարանը ցանկ չունի՞ ետեւը :

— Բառարանը ցանկ կ'ունենա՞յ :

— Հապա ուզած բառս ի՞նչպէս գտնամ մէջը :

---

Եին մը պատկերը հանել տալու համար լուսանկարիչի մը կ'երթայ . աթոռին վրայ կը նստի և իր բոլոր ուժը կը սկսի թափել , որ բերանը շատ պղտիկ ելլէ :

Պատկերահանը տեսնելով անոր այս ձիգը , կ'ըսէ . Ինքզինքնիդ մի՛ նեղէք , տիկին , եթէ կ'ուզէք բերան չեմ շիներ ամենեւին :

---

Համբակ սափրիչ մը հարցուց մարդու մը զոր կ'ածիլէր .

— Քանի՞ եղբայր էք :

— Եթէ ուշկէց ողջ առողջ դուրս ելլեմ , չորս եղբայր ենք , պատասխանեց ածիլուողը :

---

Ո՛հ , կ'ըսէր հիւսնդ մը , մարդ չի գար զիս տեսնելու :

— Այդպէս պէտք է որ ըլլայ , քեզի ո՞վ ըսաւ որ պարտքերդ վճարես :

---

Երկու եղբայրներ այնչափ շատ կը նմանէին իրառու , որ անոնց դրացին անգամ չէր կրնար զանոնք իրարմէ որոշել :

Անոնցմէ մէկը կը մեռնի , դրացին օր մը միւսին հանդիպելով կը հարցնէ .

— Աստուածդ սիրես , ըսէ՛ ինծի , դո՞ւն մեռար թէ եղբայրդ :

---

— Պարոն Յակոբ , Քեալըտիանէէն ախորժեցա՞ր , կրցա՞ր լաւ մը զուարձանալ :

— Շիտակը շատ աղւոր տեսարան ունի ձեր Քեալըտիանէն , բայց բազմութիւն շատ ըլլալուն աղէկ մը համը չառնուիր կօր , թէ որ այնչափ բազմութիւն չըլլայ նէ՛ շատ մարդ պիտի երթար հոն :

---

Երկու քոյրեր ինդրոյ մը համար դաստարան կը ներկայանան :

Նախագահը ասոնց մեծին կը հարցնէ .

— Քանի՞ տարու էք, որիորդ։  
 — Քսան և ութը տարու եմ, պարոն նախագահ։  
 Նախագահը պղտիկին դառնալով կը հարցնէ։  
 — Դուք քա՞նի տարեկան էք  
 — Երեսունը մէկ տարեկան, պարոն նախագահ։  
 Նախագահը դիւմնաղպիրին դառնալով կ'ըսէ։  
 — Զըլլայ որ սխալ արձանագրես, անդրանիկը  
 պղտիկն է։

Ներկայացման մը մէջ գերասան մը իննուուն տա-  
 րեկան ծերունիի մը գերը կը կատարէր։  
 Պառաւին մէկը այս գերասանին հազարով աքա-  
 լով տեսարան դալը տեսնելով ըստւ։  
 — Տէ՛ր ողորմեայ... կը վայելէ՞ որ ասանկ ծեր  
 մարդ մը խաղցնեն։

Միամիտ մարդուն մէկը, առեւտրական գործերէ  
 քաշուած, ագարակի մը մէջ կեանք կ'անցընէր։  
 Այս մարդը, օր մը, բարեկամներէն մէկուն նա-  
 մակ գրելով այսպէս կ'ըսէր։  
 «Ագարակին կենդանիներուն մէջ ընդհանուր հի-  
 ւանդութիւն կը տիրէ. գրեթէ ես ալ քաջառողջ վե-  
 ճակ մը չունիմ։»

— Իմացա՞ր, մեր գրացին դարձեալ սնանկացեր  
 է անցեալ շաբթու։  
 — Անիկա տարին քանի մը անդամ սնանկանալը  
 բան գործ ըրած է իրեն։  
 — Խեղճութեանը մի՛ նայիր, ան գործը գիտցո՞ւ  
 մարդ է, անպատճառ բան մը նետած է մէկ կողմ։  
 — Այո՛, խղճմտանքը.

## ՓՈՒՆՉ

Երբ աղջիկ մը դադրի կարմրելէ, գեղեցկութեան  
 ամենահզօր հրապոյը կորուսած է։

Սիրոյ անձնատուր եղողը մեծութեանց և իմա-  
 տութեան հրաժեշտ կուտայ։

Երկինք պատիժ սահմանած չէ սիրահարաց եր-  
 դումներուն համար։

Պղտիկ աղջիկները պաճուճապատանքով կը խաբ-  
 ուին, մեծերն ալ երդումով։

Լոռութիւնը տրուած է կնոջ իր միտքը աւելի ա-  
 ղեկ բացատրելու համար։

Երբ աղջիկներն ամուսնանալու տարիքին մէջ են,  
 իրենց լոռութիւնն անդամ էրիկ մը կ'ուզէ։

Գեղեցիկ կին մը պարզ հագումլու է աւելի շը-  
 նորհք ունենալու համար, տղեղ կինն ալ պարզ հազ-  
 ումելու է նուազ տղեղ ըլլալու համար։

Գեղեցիկ կանանց ընկերութեան համար իմաստուն մարդոց ընկերութիւնը թողուլը կը նմանի կաքատիկի միաը թողուլ և թութակինն ուտել, որովհետեւ ասոր փետուրներն աւելի գեղեցիկ են :

---

Առանձնութիւնը խաբուած սրտերու մխիթարութիւնն է :

---

Երկու տեսակ անձեր կան, որոնցմէ կբնանք ապահուիլ առանց բարկանալսւ, կիներն ու եղիսկոպոսները :

---

Աձեցէք և բազմացարուք, ամուսնութեան գլխաւոր վախճանն է . բայց չատ մարդիկ կան, որ այս աստուածային խօսքերը մտիկ չեն ըներ և պիտի կարգուէին, ընդհակառակն, եթէ վստահ լինէին թէ չպիտի աճէին ու բազմանային . կին մը սիրելի է իրենց այնքան՝ որքան ամուլ է :

---

Մինչև քսանըհինգ տարեկան կանանց համար աշխարհա դրախտ մըն է, մինչև քառասուն տարեկան կանանց համար՝ քաւարտն մը, իսկ մնացած բոլոր կեանքերնուն մէջ՝ դժոխք :

## ԱԶԳԱՅԻՆ ՄԱՏԵՆԱՇԱՐ

1. ԱՆԻՆ ԾԱ.ԽՈՒԵՑԱ.Ի	b. Դ. 10
2. ԱՇՈՏ ԵՐԿԱ.Թ	" 12
3. ԽՈ.ԶԱԳՈՂԻ ՅԻՇԱՏՈԿԱՐՄԱՆԼ	" 20

Գին ( Եզիպտոս 10 Եզ. դհ.  
Մ.րտանահման 10 Ֆր. Ֆր.  
Ամերիկա 50 սենք

ՀՀ Ազգային գրադարան



NL0098324

50145